



KAUAI
KAUAI COUNTY GENERAL PLAN
KAKOU



2.0 KA HO'OHANA 'IA 'ANA O KA 'ĀINA I KĒIA MUA AKU

Hō'ike laulā ka Palapala 'Āina o ka Wā e Hiki Mai Ana i ke kulekele ho'oulu o ke Kālana a wehewehe ana i ka lauana kūkulu i makemake 'ia i nā kama'āina, nā haku'āina, nā 'oihana, a me nā ke'ena aupuni. E alaka'i ana ia palapala i nā ho'ololi palena 'āina 'ana ma ke kūlana Moku'āina a me nā loli no nā kā'ei moku 'āina a me nā kūlana kūkulu ma ke kūlana Kālana.

2.1 KA HO'OHANA 'IA 'ANA O KA 'ĀINA I KĒIA MUA AKU

Nā pahuhopu no ka ho'ohana 'ia 'ana o ka 'āina i kēia mua aku:

1. Ka ho'olako 'ana i ka māhuahua 'ana o ko Kaua'i lehulehu a me nā pono hale i mana'o 'ia.
2. Ka ho'okō 'ana i nā nele hale ma o nā 'ano hale e kū'ai emi ana ko lākou 'ano, a kūkulu 'ia kokoke i nā kikowaena 'oihana.
3. Ka mālama 'ana i ke 'ano kua'āina ma o ka hō'opia 'ana i ka ho'olālā 'ana i nā kūkulu hou 'ana me ka pili a kauka'i 'ana ma nā kikowaena kaona e kū nei.
4. Ka ho'oponopono 'ana i ka ho'ohana 'ia 'ana o ka 'āina a me ke kūkulu 'ana e like me ke 'ano e mālama mau ai i ke 'ano kū'oko'a o ia wahi.
5. Ke kuhi 'ana aku i ka māhuahua 'ana o kama'āina i loko a kokoke ho'i i nā kikowaena 'oihana nui.
6. Ka ho'onui 'ana i ka nohona maika'i o ke kaiaulu ma o ka lauana e kāko'o ana i ka maluhia a komo wale 'ia 'ana o nā pāka, nā ala, a me nā wahi kā'ana 'ē a'e.
7. Ka paipai 'ana i ka ho'omāhuahua 'ia 'ana o Līhu'e ma ke 'ano, 'o ia ke kikowaena nui o Kaua'i, i loko ho'i o ka palena o kahi kiwikā.
8. Ka ho'onui 'ana i ke kūpa'a ma o ke kau palena 'ana i ke kūkulu 'ana ma nā wahi e pilikia ana i ka pi'i o ke kai i kēia mua aku.

Ka Ho'opili Kulekele 'Ana:



Ke Kuhikuhi 'Ana I Ke 'Ano O Ko Kaua'i

Māhuahua 'Ana

'O ka palapala 'āina no ka ho'ohana 'ia 'ana o ka 'āina i kēia mua aku, i 'ike 'ia ho'i ma ka Mokuna 5, 'o ia ka iwi kuamo'o o ka Papahana Laulā a he mea ko'iko'i ia ma ka 'ōnaehana ho'olälā ma'amau e ho'ohana ai ka Moku'āina a me ke Kālana i ka 'āina. He pono ka maumaua o ka palapala'āina no nā hana a me nā ho'oponopono 'ana a pau no nā palena a me nā kā'ei 'āina. Hō'ike ia palapala 'āina i nā lauana o ke kūkulu 'ana e pono ai ka mana'o holo mua a e kāko'o ai ho'i i nā Pahuhopu a me ka Nu'ukia 2035. Ua hō'ano hou 'ia ka palapala 'āina ma o ke kulekele hohonu kiko'i me ka lehulehu. 'O nā mau mea i loli, ma muli ia o nā mana'o i loa'a mai ke kaiāulu mai ma nā hanana nu'ukia, nā hālawai kaiāulu, a me ke kūkākama'ilio 'ana me nā kāko'o. Ua mana'o pū 'ia nā nā pono e kū nei a me nā pono kū kānāwai. 'O ka palena o nā wahi ho'omāhuahua, aia nō ia i nā mana'o e mahu'i nei i ka nui o kānaka, 'oiai e mana'o pū 'ia ana ka pi'i o ke kai a me nā 'ike pili ho'olälā 'ē a'e e kuhikuhi ana i ka hiki a me ka hiki 'ole o kekahī mau wahi ke kūkulu hou 'ia.

Kū ka palapala 'āina no ka ho'ohana 'ia 'ana o ka 'āina i kēia mua aku i e kulekele o ka Papahana Laulā ma o ke kuhikuhi 'ana i ka māhuahua 'ana i nā kaiāulu e kū nei ma o ka ho'opiha hou a me ke kūkulu 'ana i nā mea hanalau e ho'olako ana i nā 'ano hale kū'ai emi like 'ole. 'O nā kaiahale hou, e kū ana ma kahi o nā kaona e kū nei, e ho'olälā 'ia ana ia e kāko'o aku i nā kama'āina, nā 'ano wahi kīwila like 'ole, a me ke 'ano lau o nā mana'o no ka holo 'ana ma ke Kālana. E like me ka makemake e kau palena i ka māhuahua 'ana

a'e ma ka 'ākau o ka uapo o Wailua no nā hopohopo pa'a pū, ke mana'o nui 'ia nei ka nui o ia māhuahua 'ana ma ka 'ao'ao Līhu'e a me nā moku 'āina i ho'olälā 'ia ma ka Hema o Kaua'i. He kōkua nō ho'i ia i ka ho'ēmi 'ana i ke kāki nohona ma ka ho'onoho 'ana i nā hale kokoke i nā wahi nui o nā 'oihana. Keu aku nā kūkulu 'ana 'ē a'e ma nā Waimea-Kekaha, nā Hanapēpē-'Ele'ele, Kaua'i Hikina, a me ka 'ao'ao 'ākau e like me ka mea i 'ike 'ia ma ka mō'aukala a me ka mea ma'a mau no ke ao kūlohelohelohe.

Ke Kūkulu 'Ana E Like Me Nā Lauana Kahiko

Ma mua o ka noho 'ana mai o nā haole, ua loa'a nō he nohona nōhihi ma ka ho'omāhelehele 'ana i ka 'āina a puni 'o Hawai'i pae 'Āina. Māhele 'ia ka mokupuna ma nā moku, 'o ia ka 'āpana nui loa ma loko o nā mokupuni. 'Elima mokupuni o Kaua'i, a 'o Ni'ihiu ke ono. Māhele 'ia nā moku ma nā ahupua'a, nā 'āpana 'āina e holo ana mai ka uka a ke kai. Aia ka nui o ke ahupua'a i nā kumu waiwai o ia wahi. He kū 'oko'a kēlā me kēia ahupua'a ma ka mauō, me nā kumu waiwai e ho'olako ana i ka lehulehu o laila, a me nā pono keu e kālewa ai. Pūlama ko Kaua'i i nā mana'o a me nā 'ike o ia mea he moku a ahupua'a ho'i, a 'imi mau i ka maumaua o nā inoa, nā hō'ailona, a me nā 'ike i pili i ia mau mea ma o ka ho'ona'auao a me ka hana hō'ailona 'ana.

Aia nā kaona o Kaua'i, ma mua ho'i, ma nā awa kū moku/awapae a me nā huina ala loa, kekahi o ia mau mea e mau ana mai ka wā ma mua o ka hiki 'ana mai o nā 'Eulopa. Ma ka wā mahikō, i loko o nā wahi noho 'ia nā ho'okahua 'ana no nā mahikō ma kahi o nā 'āina mahikō. Kūkulu 'ia ia mau wahi ma ke 'ano e pono ai nā mea noho, e holo wāwae ana



Kahi Kālepa ma Nāwiliwili, moku 'o Līhu'e (Na Prayitno Hadinata, ma o Flickr.com Creative Commons).

ho'i. 'O nā 'āina ulu kō, he 'ano paia wao ia e ka'awale ai nā kaona. 'O ia pilina ma waena o nā wahi i kūkulu 'ia a me nā mea kūlohelohelohe a mahina 'ai paha, he mana'o alaka'i nui ia i ke 'ano kua'āina o Kaua'i.

'Oiai e pi'i mau ana ka nui o nā ka'a holo a me nā lauana o ke kūkulu laulā 'ana, 'ike mau 'ia nō kēia 'ano kaona holo wāwae 'ia ma Kōloa, Hanapēpē, Hanalei, Kapa'a, a pēlā aku. He pono ke kuhikuhi 'ana i ke kūkulu 'ana i mea e ho'ōla hou, ho'omau, a ho'omaika'i i ia mau kaona ma ko lākou 'ano kūikawā e paipai ana i nā waiwai ho'okele maika'i a me ke ola pono ma ia mau kaiāulu.

Ka Mālama 'Ana I Ko Kaua'i 'Ano Kua'āina

Pili maoli nō ke 'ano o ka mokupuni i ke ao kūlohelohelohe ona. 'O nā wahi i kūkulu 'ia, he mau mea li'il'i, ma ke 'ano he kaiāulu kua'āina, i ka'awale 'ia ma nā wahi waiho wale ākea a me nā 'āina mahi 'ia. He 'ano kiko'i ko kēlā me kēia wahi a he mau mea ma ka 'āina o ia mau wahi e makemake nei e mālama 'ia. He mea mea ho'i ko ia mau wahi e ho'oponopono ai. 'O kekahī o nā pilikia ma nā kaiāulu a pau o Kaua'i, 'o ia nō ka mālama 'ana a me ka ho'oponopono 'ana i ka 'eu'eu o nā kikowaena kaiāulu, ka ho'olako 'ana i nā pono a me nā kōkua no nā kama'āina, ka ho'oponopono 'ana i nā wahi hele wāwae a me ka pilina ma waena o nā kaona, a me ka ho'onui 'ana i nā pono no ka pili aku pili mai a me ka 'oihana.

'Oiai e 'ike mau 'ia ana 'o Līhu'e ma kona 'ano he wahi hou o ka mokupuni, 'a'ole nō makemake ka nui o nā mea e noho ana ma waho e kalaiwa aku i Līhu'e no nā pono. Akā na'e, 'o ka lauana o ka ho'ohana 'ia 'ana o ka 'āina, e koikoi ana ia i nā kānaka e kalaiwa mamao, a ho'onui ana ho'i ia i nā pilikia ma nā ala loa a me nā hale. E ho'ēmi ana nā kulekele a me nā lauana kūkulu e kāko'o ana i nā kaiāulu li'il'i me nā kikowaena kaiāulu 'eu'eu i ka pa'a alanui a e kāko'o ana i ka mauō maika'i 'ana i kēia mua aku a kōkua aku ho'i ma ka mālama 'ana i ka nohona mālie a ko Kaua'i e pūlama mau nei.

Hō'ike 'ia ma ke Ana Kūkulu 'Āina (2015), inā mau ke 'ano o ke kūkulu 'ana, i ka nui hou aku o ka noho 'ia o nā 'āina mahi a me nā kā'e'i 'āina waiho wale, a e nui ana nā hale o nā 'ohana li'il'i ma nā 'āina nui. 'Oiai ho'i, aia ana ia mau māhuahua 'ana ma nā moku ma ka 'ao'ao 'ākau a me Kaua'i Hikina, e like me ka mea i hana 'ia no nā makahiki 15 i hala. E pākela nui ana ka laulā loa o ia kūkulu 'ana ma nā 'āina mahi, ho'opilikia i nā hale e kū nei, a ho'onui ana ho'i i ka pa'a alanui - ho'opilikia ana ho'i i ko Kaua'i 'ano kua'āina.

Ua haku 'ia ka palapala 'āina no ka ho'ohana 'ia 'ana o ka 'āina i kēia mua aku no ka ho'ālo 'ana a me ka ho'ololi 'ana i ia mau 'ano. Ma o ke alaka'i 'ana i ke kūkulu 'ana, ka ho'ohana 'ana, a me ka pa'a i loko a ma kahi o ia mau kaona e kū nei, nā 'āina mahi, a me nā 'āina waiho wale ma waena o nā kaona, ua hiki ke mālama 'ia. 'O ka mana'o ka ho'olako 'ana i nā pono o nā hale e mana'o 'ia nei i loko a ma kahi o nā 'āina kūkulu 'ia e kū nei, a e hō'ole ho'i i ke kūkulu 'ana i nā kaiahōme hou a me nā hōkele i nā wahi pili 'ole i nā mea e kū nei. No laila, he pono ka 'ae a me ka paipai 'ana i ka

ho'onui hale 'ana i loko o nā wahi kokoke i nā kikowaena kaona, i hiki ho'i ke kū aku ka mea hele wāwae i laila i loko o ka 'elima minuke.

Ke Kāko'o 'Ana I Ke Kūkulu 'Ana A Me Ka Māhuahua 'Ana

Ua ho'omaka ē kekahī o nā kaiāulu e alaka'i i ka nui 'ana a'e o ko lākou mau kaona ma nā mana'o ho'olālā iho nei. Ua ho'opa'a 'ia nā "Wahi Ho'olālā 'ia Kūikawā" ma o ka Papahana Ho'olālā Iā Līhu'e Kikowaena (2010) a me ka Papahana Ho'olālā I Ke Kaiāulu Kaua'i Hema (2015). Kāko'o 'ia ke kūkulu hāiki 'ana me ka hanalau o ia mau kūkulu 'ana e nā kānāwai no ka ho'okā'e'i 'ana e kuhi nui ana i ka nui, ke 'ano o ka hale, a me kahi e kūkulu 'ia ai nā hale, ma kahi ho'i o kone ho'ohana 'ia 'ana, keu aku ho'i ma nā kikowaena kaiāhale a me nā kaiāulu hou. Hō'ike ka palapala 'āina no ka ho'ohana 'ia 'ana ma kēia mua aku i ka 'ooke'a no kēia 'ano ho'olālā 'ana ma ka pae Ho'olālā Kaiāulu no nā moku 'āina 'ē a'e.

Mālama pū ka palapala 'āina no ka ho'ohana 'ia 'ana i kēia mua aku i ka māhuahua 'ana ma ke 'ano he hā'awi 'āina i mahu'i 'ia ho'i ka nui o ka po'e a me ka nui o nā hale. Ua mana'o 'ia nā wahi a me ka nui o nā wahi e ho'onui 'ia ana ma o ke kuhina kānaka e ho'opa'a ana i ka māhuahua 'ana a'e o kēlā me kēia moku 'āina e ho'olālā 'ia nei (e ho'i i ka Mokuna 1). E like me nā kulekele ma ka Papahana Laulā a me ka Papa Laulā O Līhu'e Kaiāulu (2015), ho'omākaukau 'ia no ka moku 'āina 'ō Līhu'e me ka mana'o i ka 47% ma ka māhuahua hou aku. Lawa ana ho'i 'o Kaua'i Hema no ka māhuahua hou 'ana aku he 26%. Ma Kaua'i Hikina, 'o ia ho'i kahi pa'a loa, e mana'o 'ia nei he 13% o ka māhuahua hou aku. No nā wahi e koe mai nei - Ka 'Ao'ao 'Ākau, Waimea-Kekaha, a me Hanapēpē-Ele'ele - he 14% o ka māhuahua hou 'ana aku ka mea i mākaukau no ka mana'o i ka nui hou aku o ka nohona o kānaka.

2.2 NĀ WAHI I HO'ONOHO 'IA NO KA HO'OHANA 'IA 'ANA

Wehewehe mai ka palapala no ka ho'ohana 'ia 'ana ma kēia mua aku i ke 'ano o ka ho'ohana 'ia 'ana o ka 'āina e makemake 'ia nei ma ke 'ano laulā. Ua laulā nā palena 'āina a pau a he kū 'ole i ke 'ano o ke kānāwai ma ke 'ano o nā 'āpana a me nā palena. He pono, ma ka nui laulā, ka ho'olālā kiko'i a me ka hana ma'a mau 'ana no ka ho'omaika'i a me ka ho'oholo 'ana i ia palapala. Ua holo nō kekahī o nā wae 'ana, ua loli nō na'e paha nā kulekele no ia mau wae 'ana. Ho'ohāiki 'ia ho'i kekahī o nā wae 'ana, a i 'ole ho'i, ua ho'ololi 'ia ma nā wae 'ano hou. Ua haku 'ia a hō'ano hou 'ia paha kēia mau wae 'ano ma o ka hana 'ana me ka lehulehu i wehewehe 'ia ho'i ma Pāku'ina B. Eia nā wae 'ano he 'umikūmālu:

1. Kūlohelohē

'O nā wahi i wae 'ia ma ke 'ano he kūlohelohē, ua li'il'i nā wahi e kūkulu 'ia, ma muli o ke 'ano o ka 'āina, nā 'ano pilikia ma laila, nā kumu waiwai kūlohelohē, a me kekahī mau mea 'ē a'e paha. Aia ma ia wae 'ano nā 'āina Moku'āina e mālama 'ia nei a me kekahī mau 'āina Kālana i kā'ei 'ole 'ia. 'O ia ho'i nā kualono, nā wailele, nā awāwa holo kahawai, a me nā 'āina pili kai palipali o ka mokupuni e pa'a mau ana nā 'āina waiho wale. Kāka'ikahi maoli nā kauhale ma ia mau 'āina kūlohelohē, a 'aole nō e paipai 'ia ke kūkulu 'ana i laila.

Aia nā hana no nā 'āina kūlohelohē ma ka Mokuna 3: Ke Kumū Wai, Nā 'Āina Ka'ana 'la, a me nā Kumū Waiwai Ku'una.

Nā loli mai ka palapala 'āina Papahana Laulā Mua

He pani ke kūlohelohē no nā 'āina i wae 'ole 'ia ma ka Papahana Laulā mua. 'O ia mau 'āina wae 'ole 'ia, 'o ia nā 'āina waiho wale a me nā 'āina ulu 'ia a kūkulu a mālama 'ia, e like ho'i me nā kahua kōlepa.



Kai o Kalalau (©Eagle View Technologies, Inc. a Pictometry International Corp.)

2. Mahina 'Ai

Aia ma ke kulekele o ke Kālana ka mālama 'ana a me ka ho'omau 'ana ho'i i nā 'āina mahina 'ai, keu aku ho'i nā mea 'oi. No laila, ho'ākāka 'ia nā 'Āina Mahina Ko'iko'i (IAL) ma ka palapala no ka ho'ohana 'ia 'ana o ka 'āina i kēia mua aku. Kāko'o ka mālama 'ana i nā mahina 'ai i ka noho lako 'ana a me ka mālama 'ana i ko Kaua'i 'ano a nohona kua'āina. Mālama 'ia nā mahina 'ai no ka mahi maoli 'ana, me ke kūkulu kauhale kāka'ikahi 'ana. Mai ka mahina 'ai nui loa a nā mahina 'ai li'il'i iā mau 'āina.

'Oiai e 'ike 'ia ana ma ka Papahana Laulā 2000 nā nīnūnē i pili i ke komo 'ana o nā 'āina kūkulu 'ia i nā mahina 'ai, ua māhuahua hou aku kēia 'ano kūkulu 'ana, a keu aku ho'i ma ke kūkulu 'ākau a me ke kūkulu hikina o Kaua'i. Hō'ike ka Papahana Laulā i ka pilikia o ke kūkulu 'ia 'ana o nā mahina 'ai, a paipai nui ia i ka mālama 'ana i nā mahina 'ai a me ke kau palena 'ana i ke 'ano e ho'ohana 'ia ai ia mau 'āina. I ka wā na'e e kūkulu 'ia ai, e kūkulu pili, i mea e emi ai nā koina no nā 'ōnaepuni hou a me nā hopena o nā 'āina pili mai.

Aia nā hana no nā Mahina 'Ai ma kēia mau māhele o ka Mokuna 3: Mahi 'Āina a me Nā Hale No Nā Mahi'ai.



Kalāheo (©Eagle View Technologies, Inc. a Pictometry International Corp.)

Nā loli mai ka palapala ‘āina Papahana Laulā Mua

Ua ho’onui ‘ia nā Mahina ‘Ai no ka hui pū ‘ana mai i nā ‘āina i wehe ‘ia mai ka wae ‘ano he hōkele a he kauhale paha. Ua ho’ololi pū ‘ia e ‘oko’a ai nā ‘Āina Mahina Ko’iko’i (IAL) a ‘oko’a ho’i nā IAL ‘ole.

3. ‘Āina Ho’okū’ono’ono

He mau ‘āina ho’okū’ono’ono ia i kūkulu ‘ia ma ka ho’omaka ‘ana o nā makahiki 1900 ma ke Kānāwai ‘Āina o 1895. He mau ‘āina ho’okū’ono’ono nō, ka nui ho’i ma Kaua’i Hema a me Kaua’i Hikina, ma ke ‘ano he kaiāulu. Ma ka wae ‘ano ‘āina ho’okū’ono’ono, ‘ae ‘ia nā hale e noho ai he ‘ohana ho’okahi ‘oiai ho’i ka ‘āina ma ka Moku ‘Āina Mahina ‘Ai o ka Moku‘āina. Koi ke Kānāwai Ho’ohana ‘Āina o ke Mokupuni i nā ‘āina ma ia mau Moku ‘Āina Mahina ‘Ai e noho ‘ia ma ke ‘ano he “mahina ‘ai,” ‘o ia ho’i, he pono ka mahi ‘ana i ka ‘āina ma ke ‘ano he ‘ohana o ka mea nona ia ‘āina.¹⁰ Akā na’e, ‘ae ‘ia nā hale noho ‘ohana ho’okahi ma nā ‘āina i kūkulu ‘ia ma mua o ka lā ‘ehā o lune, 1976.¹¹ Aia ma kēia wae ‘ano nā ‘āina i palapala ‘ia ma ke ‘ano he ‘āina ho’okū’ono’ono ‘oiai ia mau ‘āina he mahina ‘ai, no ka mea, ua hiki ke noho ‘ohana ‘ia a he mau ‘āpana ‘āina i kūkulu ‘ia me nā hale noho ‘ohana ho’okahi. ‘Āpono nā kulekele no nā ‘āina ho’okū’ono’ono e kūkulu li’ili’i ‘ia nā ‘āina ma waho o nā mea e kū nei, me ke kau palena pū nō ho’i i ke kūkulu a me ka ho’ākea ‘ana i nā ‘āina ho’okū’ono’ono hou.



‘Āina Ho’okū’ono’ono o Wailua (©2018 Eagle View Technologies, Inc. a me Pictometry International Corp.)

Nā loli mai ka palapala ‘āina Papahana Laulā Mua

He mea hou ka wae ‘ano ‘Āina Ho’okū’ono’ono a ua hana ‘ia no ka ‘ike ‘ana i nā kaiāulu e kū nei ma ke ‘ano he Ho’okū’ono’ono ma Kalāheo, Wailua, a me Kapa’ā.

4. Kikowaena Kaiāhome

He wae ‘ano hou ke kikowaena kaiāhome e kia ana i nā kikowaena pana o nā kaona a pili ana ho’i i nā wahi e kū nei a e kūkulu ‘ia ana ho’i i maika’i no ke kūkulu hou ‘ana a me ka ho’omāhuahua ‘ana. Aia ma ia mau kikowaena nā wahi hanalau me nā wahi kālepa a kōkua ho’i, nā wahi no nā lehulehu a me nā wahi ho’okipa, me nā hana no nā kama‘āina ho’i. E kāko’o ana kēia kikowaena i nā ala hui nui, a me nā paukū kaiāhome e kāko’o nui ana i ka hololau ‘ana. He ma’ā mau ma ia mau kikowaena i kekahī mau hale pili a hale pili ‘ole mai ka ho’okahi i ka ‘elima papahele ma ke ki’eki’e.

Aia nā hana no nā kikowaena kaiāhome ma kēia mau māhele o ka Mokuna 3: Kikowaena Kaona, Nā Kaiāulu Hou, a me Ke Ala Holo.



Kaona ‘o Koloa (©2018 Eagle View Technologies, Inc. a me Pictometry International Corp.)

Nā loli mai ka palapala ‘āina Papahana Laulā Mua

He wae ‘ano hou nā kikowaena kaiāhome. He hō’ano hou ia i ka palena o nā Kikowaena Kaona o mua a pani ho’i i nā Kikowaena Kua‘āina a me nā Kaiāulu Noho i kekahī mau wahi. Pili ia wae ‘ano i nā Kaiāhome Laulā no ka ‘ike ‘ana i nā kikowaena e kū nei a me nā mea hou e pono ana i ka māhuahua a me ka ho’oponopono.

10 HRS §205-4.5(a)(4)
11 HRS §205-4.5(b)

5. Kaiāhome Laulā

Pili ka Wae 'Ano Kaiāhome Laulā i nā ala hele wāwae a puni Nā Kikowaena Kaiāhome. Ua mana'o 'ia ia wae 'ano no ka ho'ohana lau 'ia i nā 'āina e kāko'o ana i ke kikowaena o ke kaona me nā kaiāhome, nā hana kōkua, nā pāka, nā mea kīwila, nā 'oihana home, a me nā 'oihana 'ē a'e. Pili 'ole ka nui o nā hale ma ia wae 'ano, me kekahī mau mea i pili, ho'okahi a 'elua paha papahele ke ki'eki'e a pono ai nā 'ano nohona 'ohana nui.

Aia nā hana no nā Kikowaena [Laulā] ma kēia mau māhele o ka Mokuna 3: Nā Hale, Nā Wahi Ka'ana, a me Ka Holo 'Āina 'Ana.

Nā loli mai ka palapala 'āina Papahana Laulā Mua

He wae 'ano hou ke Kaiāhome Laulā. Ua wae 'ia ma luna o ka wae 'ano Kikowaena Kua'āina me ke Kaiāulu Noho 'la e kū nei, i loko ho'i o ka hapahā mile o Kikowaena Kaiāhome. Pau pū ia me nā Mahina 'Ai ma kekahī mau wahi.



Kaona 'o Kailua (© 2018 Eagle View Technologies, Inc. and Pictometry International Corp.)

6. Kaiāulu Noho

Hō'ike kēia wae 'ano i nā wahi noho 'ia e kū nei me ka 'ole o nā hana 'ē a'e ma ia mau wahi. Aia ia mau wahi ma waho o ka palena hapahā mile o ke Kikowaena Kaiāhome a 'a'ole mana'o 'ia ia mau wahi e ho'ohana 'ia ma ke 'ano he kōkua i ka māhuahua 'ana o nā 'āina i kuhi 'ia e kūkulu aku i kēia mua aku. Koe na'e ka papahana ho'olako hale 'o Lima Ola ma 'Ele'ele. Ma kahi o ia, kuhi 'ia ka nui o nā pono hale ma nā Kikowaena Kaiāhome a me nā Kaiāhome Laulā e kū nei a e mana'o 'ia nei ho'i.

Aia nā hana no ke Kaiāulu Noho ma kēia mau māhele o ka Mokuna 3: Nā Hale a me Nā Wahi Ka'ana.

Nā loli mai ka palapala 'āina Papahana Laulā Mua

IME ke pani 'ia 'ana e nā Kikowaena Kaiāhome a ma nā Kaiāhome Laulā, ua wehe 'ia nā Kaiāulu Noho mai nā wahi i hiki 'ole ke kūkulu 'ia nā mea hele wāwae 'ia e pili pono ana i nā kaona e kū nei. 'O ia ho'i nā wahi ma ke komohana o ke Kaona 'o Waimea, ma ke Ala Kalanimaka ma Kōloa, ma ke ki'eki'ena Huleia ma Puni, a mauka ho'i o ke kahua ho'olulu mokulele o Princeville. Ua ho'ololi 'ia ia mau wahi a pau a he Mahina 'Ai.



Hanapēpē (© 2018 Eagle View Technologies, Inc. and Pictometry International Corp.)

7. Kikowaena Kiwikā

Ua pani 'ia ka nui o ka wae 'ano Kikowaena Kiwikā e ke Kikowaena Kaiāhome a me ke Kaiāhome Laulā. Pili wale nō ke Kikowaena Kiwikā i ka moku 'āina o Līhu'e, e mana'o 'ia nei e hui aku ana he hapalua o nā kūkulu 'ana ma ka mokupuni a 2035. Aia ma Līhu'e nā 'ano kikowaena kaiāhome me nā ala hele wāwae e kau nui ana, e hana ana ho'i he maumauā o ia noho kiwikā 'ana. Ma ka moku 'āina, pili e Kikowaena Kiwiā i nā wahi kiwikā e kāko'o ana i nā hana kiwikā a me nā kā'ei e like me nā wahi kāpili a kālepa ho'i.

Aia nā hana no ke Kikowaena Kiwikā ma ka Papahana Kaiāulu Līhu'e a me kēia mau māhele o ka Mokuna 3: Wahi Ka'ana a me Nā Hale.



Līhu'e (© 2018 Eagle View Technologies, Inc. and Pictometry International Corp.)

Nā loli mai ka palapala 'āina Papahana Laulā Mua

Ma mua, pili ka wae 'ano Kikowaena Kiwikā i nā "Kikowaena o ke aupuni, ke kālepa, a me ke ala holo e kāko'o ana i ke Kālana piha a i 'ole he wahi nui loa." Me Līhu'e ho'i, ua pili ia īā Port Allen a me kekahī wahi pili i ke Kula Waena 'o Kapa'a. Ua pani 'ia ke Kikowaena Kiwikā e ke Kikowaena Kaiāhome a me ke Kāpili ma Port Allen, a e ke Kikowaena Kaiāhome a Kaiāhome Laulā ho'i ma Kapa'a. Kāko'o 'ia kēia ho'oholo mana'o 'ana i ka wehe 'ana i ke Kikowaena Kiwikā mai nā wahi pili i ke kula waena 'o Kapa'a e ke kulekele e kuhi ana i ka pa'a alanui ma Wailua-Kapa'a a me ka mālama 'ana i ka māhuahua ma ka 'ākau o ke Uapo Wailua.

8. Hōkele

Me kuleana a kuleana hapa paha, hiki ke ho'onui 'ia nā lumi ho'okipa malihini e kū nei ma 'ō aku o ka 3,000. 'A'ohe wā palena o ka hapanui o ia mau kuleana. Me ka mana'o 'ana i nā 'ōnaepuni pilikia, nā ala, nā wai lepo, a me nā pāka, e hō'ole ke kulekele i ka ho'onui 'ana i kahi Ho'okipa Malihini (VDA), a i nā wahi e hiki, e ho'ohāiki i nā palena o ka VDA a wehe i nā hōkele kuleana 'ole. Ua makemake nui ka lehulehu e ho'oholo i ka mana'o, "ho'ohana 'ole 'ia, wehe 'ia" no nā hōkele. Hō'ole ia mana'o i ka hana 'ole ma ke kuleana i nā makahiki i hala, a he hō'ike ia i ke omo 'ana o ka 'oihana i kēia 'ano wahi, a i 'ole ho'i, he hō'ike i ka mana'o o ka mea kūkulu e holo mua ma ka ho'ohana 'ana i nā wae 'ano o ka Papahana Laulā. Me kēia mana'o o ka lehulehu, ho'ēmi ka hō'ano hou 'ana i ka Papahana Laulā i nā 'eka ho'olilo 'ia i nā hōkele.

Aia nā hana no nā Hōkele ma ka māhele Ho'okele Waiwai o ka mokuna 3.



Po'iipū (©2018 Eagle View Technologies, Inc. a me Pictometry International Corp.)

Nā loli mai ka palapala 'āina Papahana Laulā Mua

E like me ke kulekele e ho'onui 'ole i ka VDA, ua wehe 'ia ka wae 'ano Hōkele ma nā wahi kuleana 'ole (me ka 'ole ho'i o ke kā'ei Kālana no ka Hōkele a VDA paha) ma nā wahi e kāko'o 'ole ana ke kaiāulu i ka nui 'ana a'e o ka hōkele, e like ho'i me Nukoli'i a me Princeville (Pakuhi 2-1). He mau kapu hou aku ma nā 'āina kuleana 'ole e kū nei, ma ke kulekele, ma kahi Ho'okipa Malihini, no ka ho'opa'a 'ana i ka mana'o "ho'ohana 'ole 'ia, wehe 'ia." A i 'ole ho'i, e loli ka wae 'ano a he Mahina 'Ai.

Pakuhi 2-1 Nā Loli o Nā Wahi Hōkele

Moku 'Āina	Hana
Waimea-Kekaha Nā 'āina Kīkīaola ma ka 'ao'ao hikina o nā Waimea Plantation Cottages	Ho'ololi 'ia he 60 'eka Hōkele a he Hōkele "Kūikawā," no ka 'ae 'ana he hana kiko'i a ke kaiāulu no ka ho'oholo 'ana i ka pono, ka nui, a me ka laulā o ke kūkulu 'ana i Waimea-Kekaha..
Līhu'e Nā hōkele kuleana 'ole ma Nukoli'i, ma ka 'ao'ao hema o Kaua'i Beach Resort	Wae 'ia he 30 'eka ma ke 'ano he Mahina 'Ai.

9. Kāpili me ka Holo 'Ana

Pili kēia mau wae 'ano i nā wahi kiko'i no nā 'oihana, nā holo 'ana, nā kālepa, a me nā wahi kāpili iki. Ma ka lauā, he pono ka pale 'ana i kēia mau wahi mai nā 'āina a puni ma muli o ke kanikani a me nā mea 'ē a'e. Ho'ohana 'ia nā 'āina i loko o ka wae 'ano Holo 'Ana no nā moku lawe ukana a me nā holo nui 'ana, 'o ia ho'i ke kahua ho'olulu mokulele o Līhu'e, ke awa pae moku 'o Nāwiliwili, a me ke ke awa pae moku 'o Port Allen.

Aia nā hana no ke Kāpili a me ka Holo 'ana ma kēia mau māhele o ka Mokuna 3: Holo 'Āina 'Ana a me nā 'Ōnaepuni Ko'iko'i.

Nā loli mai ka palapala 'āina Papahana Laulā Mua

He mea hou ka wae 'ana i ke Kahua Ho'olulu Mokulele o Princeville ma ka Holo 'Ana. Ma mua he Kaiāulu Noho. He mea hou ka wae 'ano Kāpili. Pili ia Kāpili i nā wahi me nā kā'ei kāpili e kū nei a pili ho'i i nā wahi Kāpili e mana'o 'ia nei e like me nā hale wili o Olokele a me Kōloa.



Port Allen (© 2018 Eagle View Technologies, Inc. and Pictometry International Corp.)

10. Pū'ali

Pili ka Pū'ali i nā 'āina e mālama 'ia nei e nā Pū'ali o 'Amelika Hui Pū 'Ia. 'A'ole i loli mai ka wae 'ano i pa'a ma ka Papahana Laulā ma 2000. Ma loko o ka wae 'ano Pū'ali, he wahi noho, he ke'ena, a me kekahi mau mea 'ē a'e i pili i ka mana'o o ia wahi. Pāpā 'ia ka holo 'ana o ka lehulehu ma laila. Pili wale nō ia wae 'ano i ka Pacific Missile Range Facility ma Nōhili.

Nā loli mai ka palapala 'āina Papahana Laulā Mua

'A'ole i loli ka wae 'ano Pū'ali.



Pacific Missile Range Facility (© 2018 Eagle View Technologies, Inc. and Pictometry International Corp.)

11. Kula Nui

Pili ka wae 'ano Kula Nui i nā 'āpana 'āina o ke kula nui kaiāulu o Kaua'i (KCC), 'o ia ho'i ke kula nui ho'okahi ma Kaua'i. 'Ae aku ia wae 'ano i nā mana'o o KCC e ho'onui a 'ae ho'i i ka pono o nā hale, nā pono, a me nā hana e kāko'o ana i nā haumāna, nā kumu, a me nā limahana ho'i.

Aia nā hana no ka 'Ae i ka Ho'ona'auao ma ka Mokuna 3: Nā Pono Ola no nā mea a pau.

Nā loli mai ka palapala 'āina Papahana Laulā Mua

He wae 'ano hou ke Kula Nui ma ka Palapala 'Āina o ka Papahana Laulā.



Kaua'i Community College (© 2018 Eagle View Technologies, Inc. and Pictometry International Corp.)

12. Pāka me ke Kahua Kōlepa

No nā pāka aupuni a me nā pāka pilikahi kēia. Pau pū ho'i ia me nā pāka moku'āina, nā pāka 'āpana nui a me nā pāka moku 'āina, nā kahua pā'ani, nā pāka li'ili'i, a me nā pāka kahakai. Aia nā hana no nā pāka ma ka Mokuna 3. He wae 'ano hou ke Kahua Kōlepa. Ma mua, aia nā kahua kōlepa ma ke ke'ena no nā pāka.

Aia nā hana no nā Wahi Ka'ana ma ka mokuna 3: Wahi Ka'ana.

Nā loli mai ka palapala 'āina Papahana Laulā Mua

Ho'ohui 'ia nā pāka aupuni a kālana ho'i, a me nā kīhāpai pua nui o ke aupuni e like me ko Kaua'i hema, e like me ka mea i 'ae 'ia ma ka nui o ka palapala 'āina. 'O ke Kahua Kōlepa, he mea hou. Aia aku nei ia ma wae 'ano no nā pāka.



Princeville (© 2018 Eagle View Technologies, Inc. and Pictometry International Corp.)

Pakuhi 2-2 Nā Loli Nui Ma nā Moku 'Āina

Moku 'Āina	Hana
Waimea-Kekaha	<ul style="list-style-type: none"> Loli he 'elua wahi ma ka 'ao'ao komohana o Waimea mai ke Kaiāulu Noho a ka Mahina 'Ai. Lilo ka wae 'ano Hökele a he "Hökele Kūikawā" no ka pono o ka ho'olālā 'ana o ke kaiāulu no ka ho'oholo 'ana i ka pono, ka nui, a me ka laulā o ke kūkulu hökele ma Waimea.
Hanapēpē-'Ele'ele	<ul style="list-style-type: none"> Pāku'i 'ia ke Kikowaena Kaiāhome a me ke Kaiāhome Laulā ma Port Allen a me Hanapēpē no ka maumaua 'ana me ke ke'ena no nā 'Āina Ho'opulapula (DHHL) a no ka ho'opili 'ana iā Lima Ola me Port Allen. Loli ke 'ano Mahina 'Ai a he "Kūikawā" no ka ho'olālā 'ana o ke kaiāulu. Ho'olālā 'ia he 75 'eka no Lima Ola no nā hale kū'ai emi mai ka Mahina 'Ai a he Kaiāulu Noho. He Kikowaena Kaiāhome a Kaiāhome Laulā hou ma Port Allen. Ma kahi o 19 'eka ma Makaweli ma kahi o ka hale wili mai ka Mahina 'Ai a ke Kāpili.
Kaua'i Hema	<ul style="list-style-type: none"> Kikowaena Kaiāhome me ke Kaiāhome Laulā ma Kōloa, Kalāheo, a me kahi lauwili o Po'ipū. He Kaona Li'il'i nā hale hana kini 'o Numila me Lāwa'i. He Kaona Nui ka Īpuka nui o Po'ipū. Wehe 'ia ke Kaiāulu Noho mai 60 'eka ma uka o Weliweli.
Līhu'e	<ul style="list-style-type: none"> He Kikowaena Kaiāhome ke kikowaena kaona o Līhu'e, Puhi Mauka, Isenberg Mauka, ke kaona 'o Hanamā'ulu, a me kahi o Hanamā'ulu e moe ana ma ke alo o ke alaloa e pili ana i ka Huinakolu (komohana o ke ki'eki'ena) na EWM Realty International iho nei. Ho'ololi 'ia he māhele o Nukoli'i mai ka Hökele i ka Mahina 'Ai. Ho'onui 'ia ka Palena Lihi Kiwikā. He Kula Nui hou ma kahi o ke kula nui kaiāulu o Kaua'i a me nā kula e pili pū ana. Wehe 'ia ke Kaiāulu Noho ma kahi o ke ala 'o Kīpū. He Kaiāulu Noho hou ma uka o nā 'āina Ho'opulapula o Wailua (no ka pili i kā DHHL Ho'olālā Kaua'i 2004). He mau Kikowaena Kaiāhome hou ma uka a ma kai ho'i o nā 'āina ho'opulapula o Wailua (no ka pili i kā DHHL Ho'olālā Kaua'i 2004).
Kaua'i Hikina	<ul style="list-style-type: none"> He Kikowaena Kaiāhome/Laulā nā Kikowaena Kiwikā iho nei o Kapa'a a ua pāku'i 'ia he māhele o ke ala Olohenā ma Kapa'a. Kaiāhome Laulā no ke kikowaena Kiwikā iho nei ma kahi o ke kula waena o Kapa'a. Ho'ololi 'ia he mahele 'āina ma hope o Coco Palms ma ka 'āina 'Hālana mai ka Hökele i ke Kūlohelohē. New Neighborhood Center at Kapahi, Anahola Post Office, and Anahola Town Center (to match DHHL's Anahola Town Center Plan).
Kaua'i 'Ākau	<ul style="list-style-type: none"> He Kikowaena Kaiāhome/Laulā 'o Hanalei me Kīlauea. Ho'onui 'ia ke Kikowaena Kaona o Kīlauea no ka māhuahua 'ana. Ho'ololi 'ia ke Kaiāulu Noho o ke kahua ho'olulu mokulele o Princeville a he Holo 'Ana. Ho'olilo 'ia 'o uka 'o ke kahua ho'olulu mokulele o Princeville mai ke Kaiāulu Noho a he Mahina 'Ai. Ho'olilo 'ia ke 'ano Hökele ma kai o ke ala loa a he Mahina 'Ai.

2.3 HO'OHOLI KA PALAPALA 'ĀINA

He ho'okahi māhele wale nō ka palapala 'āina no ka ho'ohana 'ia 'ana i kēia mua aka o ko Kaua'i 'ōnaehana ho'olālā. Inā he kūpono ka māhuahua 'ana, he pono ka ho'oholo 'ana i ia palapala 'āina ma ka hana ma'a mau a me ka hana ho'onui. Me nā kūkulu ma'a mau 'ana o kēia wā, nā pilikia o nā hale, a me ka holo lohe 'ana o nā kuleana o nā 'āina, he pono ka hana nui no ka ho'oholo 'ana i nā loli o nā palena o ka Moku'āina, nā loli no nā kā'ei Kālana, nā hō'ano hou no nā Ho'olālā Kaiāulu, a me nā hō'ano hou 'ana no nā 'ōnaepuni no ke kāko'o 'ana i ka māhuahua e mana'o 'ia nei. Eia na'e, 'a'ole i pa'a loa ka holo mua 'ana. Aia ke kū 'ana o nā kūkulu 'ana i kēia mua aku me ka palapala 'āina i nā hana o ke Komisina Ho'ohana 'Āina o ka Moku'āina, nā ke'ena kūkulu hale, a me nā mea i kohō 'ia e kānaka. He mea nui ke kūlana o ka waiwai o ka Moku'āina a me ka Kālana no kēia hooholo 'ana kekahi.

Ua ho'ohana ka Papahana Laulā ma mua i ke Kikowaena Kiwikā a me ke Kaiāulu Noho no ka hō'ike 'ana i nā wahi e kū nei a me nā mea e mana'o 'ia no ka ho'okiwikā 'ana - a i 'ole ho'i nā wahi e pono ai nā loli o nā mea o ka Moku'āina a Kālana paha. Aia ia mau mea ma ka hō'ano hou 'ana a me nā Kikowaena Kaiāhome a me nā Kaiāhome Laulā - e alaka'i ana i ka māhuahua 'ana ma ke 'ano kiwikā hāiki a puni nā kikowaena kaona maika'i. 'O nā wahi hou e pono ai nā hale, he pili ia i nā kikowaena e kū nei, ka ho'onui 'ana a i 'ole ho'i ka ho'olako 'ana i nā kikowaena hanalau. He ko'iko'i ke kia 'ana o ke Kālana ma ka ho'okuleana i nā 'āina ma ia mau wahi. Inā e holo pono ana nā Palena Ulu Kiwikā, e kōkua ana i ke kūkulu pono 'ana. No laila, i ka haku 'ana a ki'i 'ana paha i nā Papahana Kaiāulu, e ho'opa'a ana kēlā me kēia Papahana i Palena Lihi Kiwikā no ka oa'a 'ana i ka palena loa o ka māhuahua hou aku o ke kaona. Ma ke kuhi 'ana i ka palena, e hana ke Ke'ena Ho'olālā i ana kūkulu laulā no nā meheu kiwikā e kū nei a me nā mana'o no ka māhuahua pono 'ana e lawa ai 'o loko o ka palena no ka māhuahua e mana'o 'ia nei ma ke 'ano e pono ai nā kumu waiwai kāka'ikahi.

No ke kūkulu hou 'ana e kāko'o ana i ke 'ano kūikawā o nā kaona, he pono ka 'oloke'a pili wahi e 'olu'olu ai a e pono ai nā kūkulu 'ana o kēia mua aku. No ia mea, e 'ike ka ho'oholo 'ana i ke 'ano pili wahi o ia 'ano i nā ho'olālā 'ana o nā kaiāulu. I la'ana, hō'ike ka Papahana Kaiāulu o Kaua'i Hema (2015) i nā wahi no nā kikowaena e kū nei a e kūkulu 'ia ana ho'i, a e ho'ohana 'ia lākou ma ke 'ano he kahua no ke kūkulu hou a me ka ho'ohana 'ana i ka Kānāwai Pili 'Ano ma nā kā'ei 'āina. Ua kau 'ia ia kānāwai o Kaua'i Hema ma nā kānāwai kā'ei 'ana a ua ki'i 'ia ia ma ka Papahana Kaiāulu. Wehewehe 'ia ia mau 'ano wahi ma ka Māhele 2.4.

Nā Hana No Ka Ho'oholo 'Ana I Ka Palapala Ho'ohana 'Āina

A. KA 'AE 'ANA ME NĀ LOLI KĀNĀWAI

1. E ho'opa'a he polokolamu kā'ei e ho'onoho hou ana i nā 'āina ma loko o ka Palapala Ho'ohana 'Āina a me ka hō'ano hou 'ana i ka Papahana Kaiāulu.
2. E ho'onui i ke 'ano o nā wahi i nā Papahana Kaiāulu a e hō'ano hou i nā kā'ei a me nā kūlana kūkulu o nā wahi.
3. Kāko'o i nā mana'o ho'ololi no ka Palena Ho'ohana 'Āina o ka Moku'āina no nā moku 'āina kiwikā hou e like me ka mea ma ka Palapala Ho'ohana 'Āina.
4. Me ka mana'o laulā o ka Palapala Ho'ohana 'Āina, e mana'o 'ia ka 'ae a me ka 'ole, nā mana'o no ka nui o nā hale, a me nā mana'o no nā Kaiāulu Hou o ka Papahana Laulā no ka nui o nā ho'ololi 'ana ma ka Ho'ohana 'Āina o ka Moku'āina.

B. NĀ HO'OLĀLĀ A ME NĀ NOI'I

1. E ho'ohana i ka ho'olālā 'ana o ke Kaiāulu no ka hō'ano hou a me ka ho'oponopono 'ana i ka Palapala Ho'ohana 'Āina e like me ka mea e pono ai.

2.4 KA HO'OLĀLĀ KAIĀULU 'ANA

Mana'o Laulā

Ua hō'ano hou 'ia ka Palapala Ho'ohana 'Āina no ka hō'oiā 'ana i ka mau o ke kulekele. Loli na'e no nā 'ikepili hou ma nā palapala kūkulu a me nā mana'o kūkulu, a me ka mana'o ho'i o ka lehulehu no ke 'ano, ke nānā 'ana, a me ka nui o ka loli. Wehewehe ka Pakuhi 2-3 i ka hana a me nā kumu waiwai i alaka'i i ka hō'ano hou 'ana.

Nā Hanana Nu'ukia Kaiāulu

Na nā mana'o o nā moku 'āina i alaka'i i ka hō'ano hou 'ia a me ke kūkulu 'ia o ka Palapala Ho'ohana 'Āina. Na nā hanana ko'iko'i i paipai i nā kaiāulu i ka ho'oholo 'ana i ka loilo'i 'ana i kona 'ano e kū nei, i nā loli e makemake 'ia nei, a i nā hi'ohi'ona a me nā mea waiwai ko'iko'i no ka mālama 'ana aku.

He 'eono moku 'āina ho'olālā ma ka mokupuni 'o Kaua'i i kuhi 'ia ma ka Papahana Laulā: Kaua'i 'Ākau, Kaua'i Hikina, Līhu'e, Kaua'i Hema, Hanapēpē-'Ele'ele a me Waimea-Kekaha (Ki'i 2-2). Aia pū ka mokupuni 'o Ni'i hau ma lalo o ke kālana 'o Kaua'i, 'a'ole na'e i kuhi 'ia ma ka Papahana Laulā ma muli o kona 'ona kū 'oko'a 'ia e kekahi.

Ko'iko'i nō ka mālama 'ana i kēia 'ano hana ma nā wahi i ki'i 'ole aku nei i nā papahana kaiāulu e like me Kaua'i Hema a me Līhu'e. Ua helu pū nā hanana i nā māka'ika'i ka'a 'ōhua a holo wāwae o nā kaiāulu he 'umikūmākahī: Hanapēpē, 'Ele'ele, Port Allen, Waimea, Kekaha, Hanalei, Kīlauea, Princeville, Wailua, Kapa'a, a me Anahola. Ma nā hopena o ia mau hanana, ua mana'o 'ia e wae 'ia nā kaiāulu nui, me ka mana'o pū i ka nui o ka loli e makemake ana a ka makahiki 2035, ke kuhi 'ana i nā mana'o ko'iko'i, ka haku 'ana i ka nu'uukia mua a me nā mana'o ko'iko'i no ka ho'olaha 'ana i ke kulekele, a me ke kuhi 'ana i nā kikowaena kaona a me nā ho'ohana 'ē a'e o ka 'āina. Ua nui ke kōkua 'ana o kēia mau mana'o kaiāulu ma ka hō'ano hou 'ana i ka Palapala Ho'ohana 'Āina a ua ho'okolohua 'ia ma nā hālāwai kaiāulu laulā..

Hō'ike ke Ki'i 2-1 i ke 'ano o nā hanana kaiāulu a me ke kahua o ka ho'okolohua 'ana a me ke 'ano i alaka'i ai ia mau mea i ka holo mua ma nā nu'uukia, nā mea ko'iko'i, a me ka loli 'ana o ka Palapala Ho'ohana 'āina ma ia māhele, a me ke 'ano o ke kuhi 'ana o ia mau mea i nā mana'o no ka wā e hiki mai ana.

Nā 'Ano O Ka 'Āina

He pono nā 'ano o ka 'āina e alaka'i ana i nā mana'o no ka holo mua 'ano me ke kuhi 'ana i ke 'ano, ka nui, a me ka ho'ohana 'ia 'ana o nā mea e kūkulu 'ia ana. Wae 'ia nā wahi ma ke kikowaena, a me ka holo kanaka 'ana ma kahi o ka hapahā mile mai ke kikowaena, ma laila nā wahi noho, nā 'oihana, nā kālepa, ka ho'ona'auao, a me nā hana le'ale'a, he 'elima minuke ka hele wāwae 'ana mai kekahi i kekahi. Ua ho'ohana 'ia nā mana'o o ke kaiāulu no nā 'ano o ka 'āina ma nā hālāwai hanana no ka hō'ano hou 'ana ka Papahana Laulā o mua no nā palena 'āina o ke Kikowaena Kaona, pau pū ho'i me kahi o ia mea a me ka nui o ke Kikowaena Kaiāhome a me ke Kaiāhome Laulā.

Palapala 'ia nā 'ano o ka 'āina ma Kaua'i ma ke Ki'i 2-2 a wehewehe 'ia ma lalo nei:

- **Huina Alanui Kua'āina.** Aia ma ka huina o 'elua a 'oi alanui, e kū ai nā 'oihana kālepa a kōkua i loko o nā wahi kua'āina; he loa'a koke mai nā huina alanui nā hana nui, a holo aku paha i nā 'āina kūlohelohē. I la'ana ho'i; Kapaia ma Līhu'e a me 'Ōma'i ma Kaua'i Hema.
- **Kaiāhale.** Aia ia ma nā wahi kiwikā iki, kū nā kaiāhale li'il'i ma ka lihi o nā wahi hapa kua'āina hapa kiwikā. He ala nui ko ke kaiāhale me nā kaiāhome a puni; he mea na'e ia e holo koke ana i nā 'āina mahina 'ai a me ka 'āina kūlohelohē. He kaiāhale 'o Hanalei ma Kaua'i 'Ākau a me Lāwa'i ma Kaua'i Hema. Ma kahi o ka ho'okahi kaiāhome lāua.
- **Kaona Li'il'i'i.** Aia ma nā 'āina 'ano kiwikā, he 'ano kaiāhale nui ke kaona li'il'i'i, me nā kaiāhome he 'elua a 'ekolu paha e kāko'o ana i ke 'ano hanalau o ia mau wahi. Aia ia mau wahi hanalau ma ka huina o nā kaiāhome a i 'ole paha ma kahi o ka huina o nā kaiāhome he nui. He mau la'ana pana 'o Kōloa ma Kaua'i Hema a me Waimea ma Waimea-Kekaha. Ma kahi ko lākou nui o ka 'elua a 'ekolu paha kaiāhome.

Pakuhi 2-3 Nā Hana & Nā Kuhia I Kī'i 'ia No Ka Hō'ano Hou I Ka Palapala Ho'ohana 'Āina

Nā Hana	Nā Kuhia I Kī'i 'ia
Nā heluna kanaka a me nā mana'o kūkulu ma ka Papahana Laulā	<i>Land Use Buildout Analysis (2015)</i> <i>Socioeconomic Analysis & Forecasts (SMS Research, 2016)</i>
Nā 'ike pa'a a hō'ano hou 'ia paha ma nā 'āina kuleana a me nā mana'o haku 'āina	Nā Mo'opa'a Palapala 'Ae o ke Kālana Nīnauele me nā Haku 'Āina
Ka 'ike ho'ohui 'ia mai nā Papahana Kaiāulu o Kaua'i Hema me Līhu'e pili i nā wahi i loli a me nā wae 'ano ho'ohana 'āina	<i>Līhu'e Community Plan (2015)</i> <i>South Kaua'i Community Plan (2015)</i>
Nā wae 'ano 'āina i pa'a a me ka nui kūpono o nā Kikowaena Kaiāhome ma Waimea-Kekaha, Hanapēpē-'Ele'ele, Kaua'i Hema, a me Kaua'i 'Ākau	General Plan Community Visioning Workshops (Nowemapa 2015 a me 'Apelila 2016)
Nā 'ike ho'ohui 'ia ma nā 'āina pilikia a me nā 'ōnaepuni o nā wahi e kū nei i kūkulu 'ia a me nā wahi e mana'o 'ia nei e kūkulu	<i>General Plan Infrastructure Study (R.M. Towill, 2015)</i> <i>Infrastructure Assessment for the General Plan Update (SSFM International, 2016)</i> <i>Kaua'i Climate Change and Coastal Hazards Assessment (2014)</i> <i>NOAA Sea Level Rise (SLR) Viewer</i> GIS Hazard Layers o ka Moku'āina me ke Kālana
Nā wae'ano ho'ohana 'āina hou a pa'a ma ka Papahana Laulā no nā wahi ma waho o nā Kikowaena Kaiāhome a me ke Kaiāhome Laulā	<i>Līhu'e Community Plan (2015)</i> <i>South Kaua'i Community Plan (2015)</i> General Plan Community Visioning Workshops (November 2015 and April 2016)
Nā wae'ano ho'ohana 'āina hou a pa'a ma ka Papahana Laulā no nā wahi ma waho o nā Kikowaena Kaiāhome a me ke Kaiāhome Laulā	<i>Kaua'i General Plan (Kaua'i County, 2000)</i>

- Kaona Nui.** Aia ia ma nā wahi kiwikā, he mau kaiāhome a kaiāhale paha ke kāko'o ana i ka 'āpana 'āina nui a nōhihi. Pili nā hale i loko o ke kaona a he 'ehā papahele paha ke ki'eki'e. He mea ko'iko'i nā kaona nui, a he 'ehā a 'oi kaiāhome kona nui. 'O Līhu'e a me Kapa'a kekahi o nā kaona nui ma Kaua'i.

- Kahua Noho Mahikō.** Ka lima o nā wae'ano, ke kahua noho mahikō, he koena pana ia o nā 'āina mahikō i noho 'ia i pili 'ole ho'i i kekahi o nā kikowaena o kēia wā ma nā wahi kua'āina. He puku'i hale ia me ka 'ole o nā hale kū'ai a hale ke'ena paha. I nā wahi 'ē a'e e paipai ana i ka holo 'ana o kānaka, {Page 64} ma muli o kona 'ano he noho wale nō, he holo ka'a ke 'ano o ka holo 'ana, a he wahi e mana'o 'ia nei no ke kūkulu hou 'ana i kēia mua aku. 'O ke kaiāhale 'o Pākala a me

Ki'i 2-2 Nā Moku 'Āina Ho'olalā a me Nā Wae'ano 'Āina




Kaumakani kekahi mau kahua noho mahikō ma Kaua'i Komohana. 'O ka wai e ho'ākāka ana i nā kahua noho mahikō ma nā palapala ho'ohana 'āina (Mokuna 5), he mea ia e ho'ākāka wale ai i ke 'ano o ka 'āina a 'a'ole ia he wae'ano ho'ohana 'āina e like me ke kulekele ho'ohana 'āina.

2.4.1 WAIMEA-KEKAHA

'O Waimea ke Kikowaena Kīwila o Kaua'i Komohana, kahi o ke kula ki'eki'e a me nā mea kaiāulu, a me nā 'ano hale 'aina a Hale kū'ai like 'ole ho'i. 'O ia ka 'ipuka komo o ke awāwa kūhōhō o Waimea a me nā pāka moku'āina o Kōke'e, e ho'olalelale ana i ka nui malihini a me nā kama'āina pū. Aia ka nui o Waimea a me Kekaha ma nā 'āina hālana a me ka 'āina pilikia i ke kai ho'ē'e, a he mea ia e mana'o ai i ka ho'olālā 'ana i ke 'ano o ka ho'ohana 'āina i kēia mua aku.

Nā Nu'ukia Mua a me nā Kūlana Ka'ina no Waimea-Kekaha

Figure 2-2 Planning Districts and Place Types



He hehina mua nā nu'ukia a me nā kūlana ka'ina no ka mea, 'a'ole i nānā 'ia ma ke 'ano he hālāwai nui o ke kaiāulu ho'olālā. He mea e alaka'i no nā wahi kiko'i a he hō'ike ho'i i nā hālāwai ho'olālā kaiāulu i kēia mua aku.

Waimea

Mākaukau 'o Waimea no nā loli li'ili'i no ka ho'opono 'ana i kona kōkua i nā kama'āina a me nā malihini. Holo maika'i ke kikowaena pana o kēia kaiāulu, akā, 'ike nā kama'āina i nā mea e ho'omaika'i mau ai ma ke 'ano he 'āina hele wāwae 'ia. Waiwai maoli ke kikowaena konu, a he makemake nā kama'āina e 'imi i ala e ho'onui ai, me ka mana'o ho'i, ua nui hou aku ka pāka ma mua, akā, ua ho'ohapa 'ia me nā alanui a me nā wahi kūkulu ka'a. 'O ka Pāka o Lucy Wright kekahī o nā wahi ko'iko'i no ke kaiāulu, he ho'okahi wale nō palaka kaona mai ke kikowaena konu, a he pono ka ho'oponopono 'ana i nā hale a me kahi kūkulu ka'a.

'O ka Pāka o Ke Awa Kūhōhō o Waimea, e pili ana i ke Kula Waena 'o Waimea Canyon, ka pāka nui o ke kaiāulu e ho'ohana 'ia nei no nā hanana ha'uki a me nā ho'okūkū ma Kaua'i Komohana. I ka makahiki 2013, ua mana'o ke kaiāulu e ho'onui i ka pāka ma o ka Papahana Kunihaku Nōhihi no nā Ha'uki Waimea. Ma ia papahana, ua makemake ke kaiāulu he 65 'eka hou aku no ka hana 'ana i kekahī wahi ha'uki hanalau e kāko'o nui ana i nā kama'āina a e ho'onui ana i ka waiwai ma nā 'oihana ma Kaua'i Komohana ma o ka mālama 'ana i nā ho'okūkū nui o ka moku'āina a me ke aupuni.

Ua māhuahua he 'elua kikowaena kiko'ē ma kahi o ke alaloa Kaumuali'i - kekahī ma ke Ala Waimea no nā kama'āina, a 'o kekahī ma kahi o ke Ala Makeke no nā malihini - a ua makemake nā kama'āina e 'imi i mau mea no ka ho'opili 'ana i ia mau mea no ka mea hele wāwae. Ma ka palena komohana, ka hale wili iho nei ma kai o ka West Kaua'i Tech & Visitors Venter, aia he wahi kūpono e ho'opa'a i mea no nā mea hele wāwae, nā kīwila, a me nā wahi kālepa no nā malihini a kama'āina pū.

Makemake nā kama'āina i nā ka'e alanui kanu 'ia o ke kaona a mana'o ho'i i nā mea no nā mea hele wāwae i kēia mua aku no ke 'ano kua'āina o ia wahi. 'O ka ho'olako 'ana i nā hololau 'ana, he kōkua ia i ka ho'ēmi 'ana i ka pono kūkulu ka'a ma ke kikowaena kaona. 'O ia pū ho'i ka ho'onui 'ana i nā 'a'ena alanui no nā kānaka, keu aku ma kahi o ke kula ki'eki'e, a me ka ho'omālie 'ana i nā huina alanui i pa'akikī ka huli hema 'ana. 'Ae 'ia nā ho'opiha hou i kū i ka nui e kū nei. Ma nā kaiāhome e holo puni ana, makemake 'ia kekahī mau hale li'ili'i, keu aku no ka hā'awi aku i ka noho kūpuna.

I mea e ho'omau ai i ke kāko'o i nā hana malihini, 'ike ke kaiāulu i ke ko'iko'i o ka ho'oponopono a me ka ho'omaika'i 'ana i nā wahi mailhini, e like me nā lua kaiāulu a me ka 'ae 'ana i ka holo 'ana i ke kikowaena malihini. He maika'i paha ke ala hele wāwae mai nā wahi pana no ka ho'omaika'i 'ana i ke kipa 'ana o nā malihini, a e ho'onui ana ia i ka mana'o pana ku'una o ke kaiāulu.

Kekaha

Mana'o ko Kekaha i ka loli āpanakahi no ka ho'onui 'ana i ko

WAIMEA-KEKAHA

Wae'ano 'Āina:

Kekaha: Kaona Li'ili'i

Waimea: Kaona Li'ili'i


Nā Hi'ohi'ona/Mana'o ko'iko'i:

- Mana'o Kaiāulu
- Noho Kua'āina
- Pana 'la
- Mālie
- Pili 'Ohana

Kūlana Loli:

Waimea: Āpanakahi

Kekaha: Āpanakahi



Hale Ki'i'oni'oni o Waimea

lākou 'ano mahi'ai. 'O ia ho'i nā 'oihana hou ma ke kaona, a me ka mālama 'ana i ka nohona kua'āina i pa'a ma Kaua'i Komohana. 'O ka ho'opili 'ana i nā mea kālepa a me nā hana kaiāulu ma kahi o ke Ala Kekaha e pili ana i nā 'oihana, keu aku ma ka huina o ke Ala Kōke'e, pēlā e paipai nui ai i nā kama'āina ma nā hololau 'ana.

'O ka mahina 'ai ho'okipa malihini, he mea ia e nui ai ka waiwai a e mālama ho'i i ke 'ano mahi'ai. Ma nā hale wili kanaka 'ole, i 'ona pū 'ia, e loli ai ke kaiāulu, inā ho'i e kūkulu hou 'ia ma ke 'ano he 'oihana mahi a he mahina 'ai ho'okipa malihini e pili ana i ka ho'onui waiwai a me ka ho'onui 'ana i ke 'ano 'oihana, nā mākeke, a me nā kālepa li'il'i no nā malihini a me nā hale. E li'il'i nā kūkulu hou 'ana ma laila no ka pono o ke 'ano o ke kaiāulu. Hiki i nā papahana li'il'i ke ho'omaika'i i ka holo 'ana o kānaka ma ke kaona, e like me ka hana 'ana i mau ka'e alanui ma nā huina alanui nui e like me ke Ala 'Elepaio. 'Ike 'ia ke Ala Kekaha he ala 'alua ia e holo like ana me ke alaloa, no nā mea hele wāwae a holo paikikala ho'i, a makemake nā kama'āina e ho'āo i ka holo mālie ma nā alanui. He mea nui ka pili maika'i 'ana o Waimea, a makemake nā kama'āina i nā ala ka'awale no ka ma'alahi o ka holo paikikala mai ke kikowaena kaona o Waimea.

'Eleu nā kama'āina o Kekaha i ka nānā pono 'ana i nā loli mai nā kua'āina mai no ka ho'omaika'i 'ana ma kahi o ke kali 'ana i ke kūkulu 'ana o ka po'e 'ona miliona.

Nā Loli Palapala Ho'ohana 'Āina no Waimea-Kekaha

'Ike 'ia ka Palapala Ho'ohana 'Āina no Waimea-Kekaha ma ke Ki'i 5-2. Wehewehe 'ia nā hō'ano hou 'ana mai ka Papahana Laulā o ka makahiki 2000 ma lalo nei.

Kikowaena Kaiāhome a me Nā Holo Wāwae 'Ana

Ma Kekaha, ua pa'a ke 'ano Kikowaena Kaiāhome no ka hō'ano hou 'ana i ke 'ano Kikowaena Kaona ma ka Papahana Laulā o ka makahiki 2000, e ho'ēmi ana i kona nui no ka maika'i o ka helewāwae 'ana i ke kikowaena. Ua kō ia ma o ka wehe 'ana i nā kaiāhome mai nā palena no ka 'ike pono 'ia 'ana o nā wahi e hanalau 'ia ana. Ua ho'opa'a 'ia nā palena o ke Kikowaena Kaiāhome ma ke Ala 'Amakihi ma ke komohana; a ka lihi hikina o ka hale wili ma ka hikina, no ka hana hou 'ia 'ana paha o kahi wili ma ke 'ano hanalau; a hope o nā wahi ma ke Ala Kekaha ma ka lihi ma kai. Ma nā mahina 'ai e kū nei e pa'a ana ka palena ma uka o ke Kikowaena Kaiāhome. Pani 'ia nā 'āina kūkulu 'ia me ke Kikowaena Laulā ma loko o ka hapahā mile o ke Kikowaena Kaiāhome.

Ma Waimea, ua ho'ēmi 'ia ka palena o ke Kikowaena Kaona mai ka Papahana Laulā o ka makahiki 2000 no ka pono o ka hele wāwae, he hapahā a hapalua paha ka nui o ke Kikowaena Kaiāhome. Ma ke komohana, wehe 'ia nā wahi nui e ho'ohana ho'okahi 'ia nei e like me ke kula waena a me ka haukapila, me ka palena hou ma ke Ala Huaka'i; komo nā hale 'enehana a ho'okipa malihini no ka pili 'ana o kānaka ma ia wahi mai nā wahi hele wāwae mai ma ka 'ao'ao hikina o ke alaloa. Aia ka palena uka hou ma ke Ala Tsuchiya a komo ho'i ka palaka kaiāhome mua ma uka o ke Alaloa Kaumuali'i. Pa'a mau ka palena hikina ma ke kahawai. Ho'onui 'ia ka palena ma kai i ke Ala Kahakai a me ke Ala Lā'au, no ka hō'ole 'ana i ke kūkulu 'ana ma ka pili kahakai me ka mana'o i ka 'āina hālana. Pani 'ia nā 'āina kūkulu 'ia me ke Kikowaena Laulā ma loko o ka hapahā mile o ke Kikowaena Kaiāhome.

Nā Loli 'Ē A'e O Ka Ho'ohana 'Āina

Ua wae 'ia he 'elua wahi ma ka 'ao'ao komohana o Waimea ma ke 'ano he Kaiāulu Noho i ka Papahana Laulā o ka makahiki 2000. 'A'ole ia pili i nā kaiāulu e kū nei a no laila ua wae 'ia he mau Mahina 'Ai no ka mau 'ana o ka nu'ukia o ke kaiāulu ma ke kia 'ana i ka ho'omaika'i 'ana a me ke kūkulu 'ana a puni ke Kikowaena Kaiāhome.

'O ka 'āina pili iā Waimea Plantation Cottages, ua wae 'ia he 'āina Hökele i ka Papahana Laulā o ka makahiki 2000. 'A'ole i loli ke 'ano o ke kuleana mai ia Papahana Laulā. Ho'ololi ka Palapala Ho'ohana 'Āina i kēia ma ke 'ano he "Hökele Kūikawā." E 'ae ana kēia hana i ka hana nui o ke kaiāulu no ka 'ike 'ana i ka maika'i a maika'i 'ole paha o ka mālama i ke 'ano hökele no ke kāko'o 'ana i ka waiwai ma Kaua'i Komohana.



Waimea Sugar Mill

Nā Pō'ino Kūlohelohē a me ke Kōkua Aniau Loli ma

Waimea/Kekaha

Pilikia nā kaiāulu o Waimea a me Kekaha i nā pō'ino kūlohelohē, ka hālana wai a kai ho'i, ke kai ho'ē'e, ka 'āina lilo, a me nā 'ino a makani pāhili ho'i. Mana'o 'ia ho'i, e nui hou ana kēia mau pō'ino ma muli o ke aniau loli a me ka pi'i o ke kai, e pilikia ai ho'i nā kama'āina, nā 'oihana, a me nā mahina 'ai. He pono ho'i nā ka'akālai kōkua ma ke kuhi, ke kūkulu, a me ka ho'one'e 'ana i nā kaiāulu.

Na ke Ana Pō'ino Kahakai a Aniau Loli o Kaua'i i hana i ke Ana Pākela Pi'i Kai (SLR) a me nā no Waimea-Kekaha (Ana pono) me ka ho'ohana 'ana i ka "kapu'au'au" hālana wai mai ko ke Ke'ena Aniau a Moana Aupuni (NOAA) 'ike pi'ina kai. 'Ike 'ia ma ka Pāku'ina D nā palapala 'āina no nā mana'o 1-kapua'i, 3-kapua'i, a me ka 6-kapua'i. Me ka Palapala Kaiāulu hou, mana'o 'ia ka hana 'ana i nā ana pō'ino, pilikia, a me ka nāwaliwali no nā wahi pili kahakai me ke kālele 'ana ma nā 'āina ha'aha'a ma ka'e o ke Kahawai o Waimea, nā mahina 'ai ha'aha'a, nā 'āina pili kahakai, a me ke Awa Pae Moku li'ili'i o Kīkīaola. E komo nā 'ikepili no ka pilikia i ka nalu nui a me ka lilo 'āina mai ka SLR ma ia 'ano ana 'ana, e haku 'ia nei e nā mea 'ike ma ke kula nui o Hawai'i a me nā limahana o ka palapala SLR o ka Moku'āina.

'Ike pū 'ia ma ke Ana Pono i ke ki'i 'ana o ke Kālana i nā pono no ka ho'ololi 'ana i nā hana hālana wai no nā pō'ino SLR. Ma 'ō aku ia o ka Palapala 'Āina 'Inikua Hālana Wai (FIRM) o ke Ke'ena Manakia Pō'ino Pekelala (FEMA) ma nā wahi hālana wai a me nā kahua ha'aha'a (BFEs), a kau palena a hō'ole paha i ka ho'okā'ei hou 'ana i nā mahina 'ai pilikia i ka wai hālana. Kuhi aku nā hana no ka Mālama Lehulehu a me ke Kōkua Pō'ino i ka pono 'o ka hō'ano hou 'ana i ka polokolamu hālana o ke Kālana.

'O ka hope, mana'o 'ia ma ke Ana pono, e haku 'ia he papahana mālama one ma ke Awa Pae Moku o Kīkīaola, e mālama nui nei i ke one ma ka pae pōhaku hikina, a e ho'āhuwale ana i nā 'āina komohana i ka lilo 'āina a me ka pō'ino nalu. No ia hana, he pono ka pili 'ana o ka Moku'āina, ka Pekelala, a me nā haku 'āina ma muli o nā kānāwai like 'ole.

Kōkua no ka Ho'olālā Kaiāulu no Waimea-Kekaha

He mana'o mua nā pahuhopu ana me nā hana ma lalo iho nei no ke alaka'i 'ana i nā hana ho'olālā kaiāulu o kēia mua aku.

I. PAHUHOPU: Ho'onui i ko Kekaha 'ano mahi'ai me ka mālama 'ana i ke 'ano mālie o ka nohona.

A. HO'ÖLA I KE KIKOWAENA KAIĀHOME O KEKAHI MA KE 'ANO HE MOLE NO KA HO'ONUI WAIWAI 'ANA A ME NĀ HANA KAIĀULU.

1. Ho'opuku'i i nā ke'ena hou a me nā hana kaiāulu i loko o ke Kikowaena Kaiāhome ma kahi o ke Ala Kekaha ma kahi o nā 'oihana e kū nei.
2. Kāko'o i nā polokolamu mālama a me nā hana ho'öla na ke kaiāulu.

B. HO'OMAIKA'I I KA HELE WĀWAE 'ANA O KĀNAKA A ME KA PILILAU 'ANA.

1. E kāko'o a'e i nā mea holo paikikala a hele wāwae ho'i ma ke Ala Kekaha ma o ka ho'ëmi 'ana i ka palena holo o nā ka'a.
2. Kāpili i nā ka'e alanui ma kahi o nā alanui hui e like me ke Ala 'Elepaio.
3. Ho'oponopono i ka pililau 'ana i Waimea me ke ala ka'awale no ka ma'alahi o ka holo paikikala i ko Waimea kikowaena kaona.
4. 'Ae i ke "kūkulu a hele" ma ke kikowaena kaona ma ke kūkulu 'ana i nā wahi kūkulu ka'a a me nā 'ano holo e pili mai ana.

C. HAKU I NĀ HANA MALIHINI E HO'OMAIKA'I ANA A E HO'ONUI ANA I KO KEKAHA 'ANO MAHI'AI.

1. Kāko'o i nā hana e paipai ana i ka mahina 'ai ho'okipa malihini a me nā 'oihana mahina 'ai.
2. E 'imi i ke kūkulu hou 'ana i ka Hale Wili o Kekaha ma ke 'ano he ho'okipa malihini a 'oihana mahi'ai ho'i, e pili ana i ke kāpili iki a me nā mea hana, nā mākeke, nā Hale Malihini, a me nā Hale Noho.

II. PAHUHOPU: Hō'opia i ka pa'a maika'i o Waimea-Kekaha i loko o ke aniau loli a me nā pō'ino kahakai.

1. Ma mua paha, a me ka Papahana Kaiāulu paha, e ana i nā pō'ino, nā pilikia, a me nā nāwaliwali no nā pō'ino kahakai me ke aniau loli a me ka pi'i o ke kai no Waimea-Kekaha i ka puka 'ana mai o ka 'ike hou no ka pi'ina kai, ka lilo 'āina, a me ka pō'ino nalu. Komo ma ia ana 'ana nā 'āina ha'aha'a e kokoke ana i ke Kahawai o Waimea, nā mahina 'ai ha'aha'a, nā 'āina pili kahakai, nā 'āina ho'opiha o Kekaha, a me ke awa pae moku o Kīkīaola. E kuhi pū aku i nā wahi ko'iko'i e ho'olālā ai me nā kumu waiwai a me nā mana'o ho'olālā e kālele ana i ka pono o nā ka'akālai hou e like me ke kōkua 'ana, ka ha'alele 'ana, a me ka mālama 'ana, a he pono e ho'one'e aku i nā wahi palekana.
2. Hō'ole i ka ho'ohana 'ia 'ana o nā 'āina mahi'ai i pilikia nui i ka wai hālana.
3. Ho'opili i ka Moku'āina, Pekelala, a me nā haku 'āina no ka hana 'ana i papahana mālama one no ke awa pae moku o Kīkīaola.

III. PAHUHOPU: Ho'omau i ka ho'oponopono 'ana i ko Waimea kōkua 'ana i nā kama'āina a malihini ho'i.

A. HO'OMAU I KA HO'OMAIKA'I 'ANA I KE KIKOWAENA PANA O WAIMEA MA KE 'ANO HE WAHI 'ELEU A HELE WĀWAE 'IA.

1. 'Imi i nā ala e ho'onui ai i ke kikowaenakonu a e 'olu'olu ia i nā mea hele wāwae.
2. Ho'opa'a i mau wahi kū'ai a kīwila no nā mea hele wāwae ma ka Hale Wili ma ke komohana o ke kaona.
3. Ho'omaika'i i nā pono malihini a me ka holo ma'alahi i ke kikowaena 'ikepili malihini.
4. Ho'olako i nā Hale Lī'ilī'i ma kahi o ke kikowaena Kaiāhome e pono ana ke 'ano o ke kaiāulu a e 'ae ana ho'i i ka noho kūpuna.
5. Ho'omaika'i i nā Hale a me kahi kūkulu ka'a ma ka pāka 'o Lucy Wright.
6. Kāpili i ke ala e hele wāwae e pili ai nā wahi pana ma ke kaona a e kūkulu i nā hō'ailona e hō'ike ana i kō Waimea 'ano pana.
7. 'Imi i ala e ho'olako ai a e ho'oholo ai i ka *Palapala Kunihaku no ke Kahua Ha'uki Nui o Waimea* (2013).

**B. IMPROVE MULTIMODAL
TRANSPORTATION OPTIONS TO HELP
ALLEVIATE PARKING PRESSURES IN THE
HO'OMAIKA'I I KA HOLOLAU NO KA
HO'ĒMI 'ANA I KA PILIKIA KŪKULU KA'A MA
KE KIKOWAENA KAIĀHOME.**

1. Ho'omaika'i i ka pili 'ana o nā wahi 'elua e hele wāwae 'ia ai ma kahi o ke Alaloa Kaumuali'i ma ke Ala Waimea a me ke Ala Makeke.
2. Ho'onui i nā 'a'ena alanui ma ke Alaloa Kaumuali'i, keu aku ma kahi o ke kula ki'eki'e.
3. Kāpili i nā mea e mālie ai ka pa'a alanui ma nā huina alaloa.
4. Kūkulu 'ia nā wahi kūkulu ka'a ma kahi o nā wahi ho'olulu i nā wahi kipa malihini nui e like me Kōke'e a me ke awāwa kūhōhō o Waimea. E 'imi i ka holo ka'a 'ōhua ma kēia mau wahi.

5. E 'ae i ka "kūkulu a hele" ma ke kikowaena kaona me ka ho'okomo 'ana i nā wahi kūkulu ka'a e kokoke mai ana.

**C. E KUHI AKU I KA EMI 'ANA O KA WAI MA
KA KAHAWAI O WAIMEA A E KĀKO'O I KA
MĀLAMA 'ANA I KA WAI.**

1. 'Ae aku i nā hopohopo kaiāulu no ke emi 'ana o ka wai ma ke kahawai o Waimea ma o ke ana kū'ē 'ole me nā mea nui.



Halepule Hawai'i o Waimea

2.4.2 HANAPĒPĒ-'ELE'ELE

'O Hanapēpē ka 'ipuka komo i Kaua'i Komohana. Ma ka huli 'ana o ke Alaloa Kaumuali'i i ka hema, a iho ana mai ka uka o Kalāheo, 'ike 'ia ke kai a me ka moe 'ana o ke kahawai o Hanapēpē. Aia ma laila 'o Port Allen, kekahi o nā 'āina kāpili nui o kēia mokupuni, me ke awa pae, ka hale hana ikehu, a me ka 'āina ki'i ikehu lā. He 'āina nui 'o Hanapēpē no ke kūkulu 'ana o ka DHHL, ka haku 'āina o ka 'āina ma ke komohana o ke kaona e kū nei. Ma ko lākou mau papahana, e kūkulu 'ia ana he 250 hale ma ke kūkulu mua a lua, a laila e kūkulu he 234 hale ma hope aku.

Nu'ukia Mua & Hana Ko'iko'i no Hanapēpē-'Ele'ele

He hehina mua ka nu'ukia a me nā hana ko'iko'i 'oiai 'a'ole i nānā nui 'ia e kekahi papahana kaiāulu nui. Alaka'i ia i nā wahi kiko'i no nā kūkulu 'ana i kēia mua aku.

Hanapēpē

He wahi kūpono 'o Hanapēpē no ka loli 'āpanakahi. Makemake nā kama'āina e mālama i ke 'ano a me ka "mauli" o kēia kaona pana, he wahi no nā mea hana pāheona, nā hana no'eau, nā mahi'ai, a me nā 'oihana li'i. He mau mea e pono ai ka ho'onui 'ana i ka hele wāwae 'ana o kānaka a me ka holo ka'a 'ole 'ana ma nā kaiāhome.

E kōkua ana paha ke kūkulu 'āpanakahi 'ana i ka ho'opiha 'ana i nā "niho helele'i" ma ke kaona pana, ho'olako i ka hale kū'ai emi ma nā 'ano e mau ana me ke 'ano o ke kaona, a me ka ho'ola 'ana i ka 'ao'ao komohana o ke Ala Hanapēpē.

E ho'olako ana ho'i nā kūkulu hou 'ana ma ke kikowaena kaona no ka lehulehu a me kekahi wahi hapa laha e kāko'o ana i nā hana e like me ka mākeke, he mau hanana kaiāulu, a e mālama ana ho'i i ke 'ano o ke kaiāulu a me ona mau hale kū'ai li'i. No ka Moku'āina he māhele nui o ka 'āina ma kahi o ke Ala Hanapēpē, a 'a'ohē ona mana'o e ho'oponopono. Hiki ke hana he papahana hō'ano hou no kēia mau wahi me ke kōkua 'ana paha o kekahi mau ke'ena o ka Moku'āina a me ke Kālana. Mana'o 'ia he mau hana ho'opili ma ke alaloa, ma kahi o ke kahawai, a e pili ana ho'i i ke kahakai. He mea nui nā 'a'ena palekana, keu aku no nā keiki e holo ana ma ke Ala Kona a me ke Alaloa Kaumuali'i..

He mea nui ka ho'oponopono 'ana i ka holo 'ana i kahakai, 'oi aku ma waena o ke ki'eki'ena o Hanapēpē, ke Kaona o Hanapēpē, a me ka pāka ālia pa'akai. He mana'o kaulana paha kekahi ala e pili ai ka pāka ālia pa'akai me Port Allen ma ke 'ano he ala hou aku no nā kama'āina.

A, e kāko'o ana ka holo ma ka'e kahawai i kekahi ala hou aku no nā mea helewāwae ma ke kaona a e paipai ana i ka ho'ohana luana 'ana i ke kahawai, e mālama ana i ka uapo holuholu pana o laila ma ke 'ano he wahi kipa 'ia e nā malihini a me nā kama'āina.

He mau mea kahiko loa nā ālia pa'akai ma ka lae 'o Pū'olo e ho'ohana mau 'ia nei a hiki i kēia lā. 'O nā mea mālama, 'ike 'ia lākou ma ke 'ano he kumu waiwai o ka 'ike ma ka hana pa'akai, e ho'omau ana i ka hana pa'akai 'ana a me

HANAPĒPĒ-'ELE'ELE

Wae'ano 'Āina:

Kaona Li'i'i

Nā Hi'ohi'ona/Mana'o ko'iko'i:

- Mālie
- Kua'āina
- Ho'okipa Malihini
- Kaiāulu 'Ohana
- Pa'a ka pilina kānaka

Kūlana Loli:

'Āpanakahi



Kaona 'o Hanapēpē

ka mālama 'ana i ia mea. Ho'ohana 'ia ke kahua ho'olulu mokulele e pili mai ana (i 'ike 'ia ma mua ma ka inoa 'o Auxiliary Flying Field ma ka 'āina pū'ali 'o Port Allen) e nā mea kālepa, a ma ka wā pō'ino, e nā pū'ali koa a me nā kīnaiāhi. He hopohopo ka ho'omau 'ana i ke kāko'o 'ana o ke kahua mokulele na nā kama'āina, nā mea hana pa'akai, a me nā mea 'ē a'e e hopohopo ana i ka nāwaliwali o ke kahua mokulele i ka pilikia kahakai. Me ka loa'a ho'i o ia kahua mokulele, pilikia paha nā hana pa'akai i ka holo ka'a 'ana ma kahakai.

'Ele'ele

Kūpono ho'i 'o 'Ele'ele no ka loli 'āpanakahi. Hiki paha he kikowaena kū'ai no Port Allen a me 'Ele'ele e pili ai nā kaiāhome hou (me ka papahana ho'onui 'oihana o Lima Ola) ma ka holo o ka manawa. 'Ike 'ia 'o Port Allen a me ke kikowaena kū'ai ma nā huina alanui. Hiki ke ho'ohāiki i ke kūkulu ka'a a me ke kau 'ōhua 'ana no nā mea ma'a mau. Inā e hō'ano hou a ho'onui ho'i i ke kikowaena kū'ai o 'Ele'ele, he ho'olako paha ia i nā kūkulu 'ana a me nā 'āina ākea no kahi kūkulu ka'a e kū nei no Port Allen. He ko'iko'i ka ho'opili 'ana i kēia huina alanui. Hiki ke ho'omaika'i ma o ka 'a'ena alanui maika'i a me nā ala holo paikikala a helewāwae hou e holo like ana me ke alaloa i ke kūkulu 'ia 'ana o nā kaiāhome hou ma ka hikina o 'Ele'ele.

I ka māhuahua 'ana o Hanapēpē a me 'Ele'ele, e lilo nā 'ikena kai a me nā 'ikena kahawai i mau wahi no ka lehulehu, e 'ae 'ia ka holo kahakai 'ana, a e ho'opili i ia mau wahi ākea. Hiki ke māhuahua ka'awale 'o Hanapēpē, 'Ele'ele, a me Port Allen, makemake 'ia na'e ka pilina o lākou.

Nā Loli Palapala Ho'ohana 'Āina no Hanapēpē-'Ele'ele

'Ike 'ia ka Palapala Ho'ohana 'Āina no Hanapēpē-'Ele'ele ma ke Ki'i 5-3. Wehewehe 'ia nā loli mai ka Papahana Laulā o ka makahiki 2000 ma lalo nei.

Kikowaena Kaiāhome a me Nā Holo Wāwae 'Ana

Like ke 'ano Kikowaena Kaiāhome o Hanapēpē me ke 'ano Kikowaena Kaona o ka Papahana Laulā o ka makahiki 2000, koe na'e kēia: ho'onui 'ia ka palena ma ka 'ao'ao komohana o ke Ala Pū'olo/Hanapēpē Pāka no ke komo 'ana o nā wahi a pau o ka huina alanui o Hanapēpē me Kaumuali'i. Ho'opa'a pū 'ia ka wae'ano Kikowaena Kaiāhome ma nā 'āina ma ke alo o ke Ala Waialo ma Port Allen, e 'oko'a ana i ka pono o ka hanalau hele wāwae 'ana ma kahi o ke Ala Waialo a me ka 'āina kāpili a me ka 'āina noho 'ia ma ka hikina a me ke komohana ho'i.

Ua ho'ēmi 'ia ke Kaiāulu Noho ma ka 'ao'ao komohana o ke Ki'eki'ena Hanapēpē e kū nei a e haku 'āina 'ia nei ia e DHHL, i mea ho'i e kū ai me nā ho'olālā 'ana o DHHL.

Nā Loli 'Ē A'e O Ka Ho'ohana 'Āina

Ua loli he 75 'eka mai ke kūkulu 'ana i nā hale kū'ai emi o Lima Ola mai ka Mahina 'Ai i ke Kaiāulu Noho. Ua ho'olako 'ia he mau wahi Kaiāhome Laulā no ka ho'opili 'ana iā Lima Ola me ke Kaiāhome Laulā ma Port Allen.

Nā Pō'ino Kūlohelohē a me ke Kōkua Aniau Loli ma

Waimea/Kekaha

Ma ka'āpana o Hanapēpē-'Ele'ele, me Port Allen pū, ua pilikia ia mau 'āina i nā pō'ino kūlohelohē, nā hālana wai me ke kai, nā pō'ino nalu, ka lilo 'āina, nā 'ino a me ke kai ho'ē'e. Mana'o 'ia kēia mau pō'ino a pau, e nui hou aku ana ma muli o ke aniau loli a me ka pi'i o ke kai, e ho'opilikia ana i nā kama'āina, nā 'oihana, nā hana mo'omeheu, a me nā hana mahi'ai. He pono ka hana 'ana i kekahi mau ka'akālai ma ke kaiāulu no ke kuhi 'ana, ka ho'olālā 'ana, a me ka ho'one'e 'ana.

Na ke Ana Pō'ino Kahakai a Aniau Loli o Kaua'i i hana i ke Ana Pākela Pi'i Kai (SLR) a me nā no Hanapēpē me ka ho'ohana 'ana i ka "kapu'au'au" hālana wai mai ko ke Ke'ena Aniau a Moana Aupuni (NOAA) 'ike pi'ina kai. 'Ike 'ia ma ka Pāku'ina D nā palapala 'āina no nā mana'o 1-kapua'i,



Ke Awa Kū Moku o Port Allen

3-kapua'i, a me ka 6-kapua'i. Me ka Palapala Kaiāulu hou, mana'o 'ia ka hana 'ana i nā ana pō'ino, pilikia, a me ka nāwaliwali no nā wahi pili kahakai me ke kālele 'ana ma ke Kahawai o Hanapēpē, Port Allen, a me nā Alia Pa'akai. E komo nā 'ikepili no ka pilikia i ka nalu nui a me ka lilo 'āina mai ka SLR ma ia 'ano ana 'ana, e haku 'ia nei e nā mea 'ike ma ke kula nui o Hawai'i a me nā limahana o ka palapala SLR o ka Moku'āina.

Komo pū nā kama'āina o ke kaiāulu Hanapēpē-'Ele'ele i ka hana no ka hana 'ana he papahana pōulia kaiāulu, he māhele ia o ka Polokolamu 'Ike Pō'ino o ka Moku'āina Hawai'i (HHARP).

Kōkua no ka Ho'olālā Kaiāulu no Hanapēpē-'Ele'ele

He mana'o mua nā pahuhopu ana me nā hana ma lalo iho nei no ke alaka'i 'ana i nā hana ho'olālā kaiāulu o kēia mua aku.

I. PAHUHOPU: Hō'opia i ka holu 'ana o Hanapēpē-'ele'ele i ke aniau loli a me nā pō'ino kahakai.

1. Me ka Papahana Kaiāulu a ma mua paha, e ana kiko'ī 'ia nā pō'ino, nā pilikia, a me nā nāwaliwali no Hanapēpē me ka puka 'ana mai o nā 'ike hou no ka pi'ina kai, ka lilo 'āina, a me ka pō'ino nalu. E ana pū 'ia ke Kahawai o Hanapēpē, ke awa Port Allen, a me nā Alia Pa'akai. E hō'ike ia i nā wahi ko'iko'i e pono ai ke kālele 'ana i nā kumu waiwai a me nā ho'olālā 'ana, a hō'ike ho'i ia i ke 'ano e ho'oholo ai i ia mau mea me ke kōkua, ka ha'alele, a me ka mālama, a e paipai ia i ka ho'one'e 'ana i ka po'e i nā wahi palekana.
2. E komo pū ma nā mana'o loli i nā hana i kumu i nā 'ike ku'una o nā Kānaka Maoli (i.l., ke kilokilo).

II. PAHUHOPU: Mālama i ke 'ano o Hanapēpē ma ke 'ano he kaona pana me ke kikowaena ola no nā kama'āina, nā mea pāheona, nā hana no'eau, nā mahi'ai, a me nā 'oihana li'ili'i..

A. HO'OLA I KE KIKOWAENA PANA O HANAPĒPĒ NO KA HO'OMAIKA'I 'ANA A ME KE KŌKUA 'ANA I NĀ PĀHEONA, NĀ 'OIHANA LI'ILI'I, NĀ KŌKUA, A ME NĀ HANA 'Ē A'E.

1. Ho'opuku'i i nā mea kālepa a me nā hana kaiāulu i loko o nā Kikowaena Kaiāhome ma kahi o ke Ala Hanapēpē ma kahi o nā 'oihana e kū nei.
2. Paipai i ke kūkulu 'āpanakahī 'ana i nā wahi waiho wale i loko o ke kikowaena kaona pana.
3. Ho'olako i nā wahi lehulehu a wahi hapa lehulehu ho'i e kāko'o ana i nā hana e like me nā mākeke, nā 'aha'aina, a me nā hana kaiāulu nui.
4. Ho'olako i nā hale kū'ai emi ma nā 'ano like 'ole e like me ke 'ano o ke kaona e kū nei.
5. E waele hou 'ia ka mahele komohana o Alanui Hanapēpē.
6. E mālama mau 'ia ke 'ano o nā hale kū'ai li'ili'i "mom and pop".

- E noi'i 'ia ka ho'omōhala 'ana i papahana hō'ola hou iā Hanapēpē Town me ka hana pū aku me nā 'oihana kūpono o ka moku'āina a kalana.
- E noi'i 'ia ka ho'omōhala 'ana i hālau kahi e mālama mau 'ia ai ka loinā kama'āina, a me nā hana, a me nā 'ahahui ho'i.

B. E MĀLAMA 'IA KA NE'E 'ANA O NĀ KA'A, A E HO'OMĀHUAHUA I KA HIKI I KA PO'E HELE WĀWAE KE NAUE AKU, A HIKI PŪ KE LAWE I NĀ 'ANO MEA HALIHALI 'ŌHUA LIKE 'OLE.

- E mālama 'ia ka niau o ka hele 'ana o nā ka'a ma ke Alaloa Kaumuali'i.
- E ho'oikaika i nā ala e hiki ai i kahawai no ka paipai 'ana i ka ho'ohana kūpono 'ia o kahawai me ka ho'omalu 'ana i ka muliwai.
- E mālama 'ia ka 'uapo koali, he wahi pana, ma ke 'ano he wahi luana nui 'ia e ka po'e hele wāwae a kama hele ho'i.
- E ho'olako 'ia ke ala i hiki ai ke 'a'e i ke alanui me ka palekana, mai Hanapēpē Heights aku a hiki ho'i i ke kikowaena kūlanakauhale, me ka Neighborhood Center Park a Kahua Pā'ani ho'i.
- E ho'opālahalaha 'ia nā alahele wāwae a paikikala ho'i e iho ana i kahakai, i nā pono loko ha'uki, me Port Allen, mai nā kauhale noho aku ho'i.
- E noi'i aku i ka waele 'ia o kekahi ala nāna e ho'okāpili iā Salt Pond Park me Port Allen.
- E ho'olako i wahi "ho'okū ka'a, kū a hele" ma ke kikowaena kūlanakauhale ma ka ho'okumu 'ana i wahi ho'okū ka'a me kekahi mau wahi e'e i luna o ke ka'a halihali kanaka kokoke nō i ia kūlanakauhale.
- E kūkulu hou 'ia ka 'uapo/'uapo hou paha o ka makahiki 1911 no ka palekana, ke kū i ke kānāwai Americans with Disabilities Act (ADA), a me nā 'ano like 'ole e ho'ohana 'ia ai e ka lehulehu.

III. Pahuhopu: E Ho'oikaika 'Ia Ka 'Ōnaepuni Ho'oko'iko'i

- E ho'opili 'ia ka 'auwai lawe wai pilau i nā hale nele loa ma Hanapēpē Heights, a iā Salt Pond nō ho'i kekahi.
- E ho'oikaika i nā 'auwai lawe wai hālana ma hope o ka wā 'ino'ino, me ka hō'ākea 'ana i nā paipu ho'okahe wai no ka ho'okahe pono 'ana i ka wai ki'o.

IV. Pahuhopu: E Hō'ākea a e Ho'olako 'ia nā Wahi Hakahaka me nā Pono Loko Ho'onanea

- E hō'ākea 'ia ka Pāka Kahakai 'o Salt Pond no ka ho'olawa 'ana i nā hewahewa o ke kaiaulu a ho'okipa i ka po'e malihini e nui a'e nei.
- E mālama 'ia nā wahi kūmaka ma ka'e alaloa e nani ai ka 'ike a ka maka.
- E noi'i 'ia ka ho'okumu 'ana paha i mau pāka li'il'i me nā wahi kūmaka a ka lehulehu e 'ike ai i nā nani o ka 'āina e ki'ei ana i ke awa kū moku, ke kahakai, me ke awāwa 'o Hanapēpē.
- E ho'okumu 'ia he wahi ākea a hakahaka ho'i, noa i ka lehulehu, me nā 'āina ho'onanea ma kahakai mai Port Allen a Numila.

V. Pahuhopu: E Ho'ohanohano 'ia nā Inoa 'o 'Ele'ele a me Port Allen, me nā Hana o ia Mau Wahi

- E ho'opili a ho'omau 'ia ho'i nā 'ano hoaaloa a pilina ho'i ma waena o 'Ele'ele, Port Allen, me Hanapēpē.

2.4.3 KAUAI HEMA

'O nā palena ho'i o ko Kauai Hema moku, 'o ia ho'i ke awāwa 'o Wahiauwā ma ke komohana, me ke kualapa 'o Hā'upu, Knudsen Gap, me ka mauna 'o Kāhili ma ka hikina. Komo i loko o kona Moku Ho'olālā 'o Po'ipū, Kukui'ula, Kōloa, 'Ōma'o, Lāwa'i, me Kalāheo, a he 31,300 paha 'eka kona laulā (49 mile kuea).

Ua lawe hānai 'ia mai ka Papahana Kaiaulu no Kauai Hema (SKCP) i ka makahiki 2015. Nāna e ho'oholomua i ka Hihi'o, Nā Kulekele, me ka Palapala Āina Ho'ohana Āina no ka Moku. He mau kumuhana like 'ole ko nā kulekele o ka SKCP, me ka ho'olawa 'ana i nā mea he nui. Eia ho'i, na kēia mahele e wehewehe aku i nā loli 'ana o ka Palapala Āina Ho'ohana Āina o Kauai Hema, i hana 'ia no i mea e mau ai ka like a like o ke 'ano e ho'ohana 'ia ana o ka Palapala Āina me ka Ho'ohana 'la 'Ana Mai Kēia Mua Aku.

Ka Hihi'o me ko ke Kaiaulu Wehewehe 'ana iā Kauai Hema

Hō'ike 'ia ma lalo ka Hihi'o no Kauai Hema i ka makahiki 2035.

'Elīma moku kā'oko'a o Kauai Hema, nona pākahi kona pilina i nā mo'olelo, ka 'āina, a me nā wahi pana o ia moku, pili na'e kekahī i kekahī ma ka 'ōnaehana halihali kanaka i maluhia a maika'i ho'i. Ma ke 'ano kaulike a kūpono o ka ho'omāhuahua kauhale 'ana e ulu a'e ai nā kaiaulu, pēlā e mālama 'ia ai ka nohona kua'āina e kū nei ma Kauai Hema, he mea ho'oheno na ka po'e kama'āina a malihini kekahī.

Papahana Kaiaulu no Kauai Hema (SKCP) (2015)

Kōloa

Kahi o ka 'āina mahikō mua loa, he wahi pa'apū ihola me ke ola pono 'ana nō. Ke waiho ala ma kula, ma waena o nā kauhale uka o Alaloa Kaumuali'i me nā kauhale a hokele nui ho'okipa malihini huli ke alo i kai. Kaulike 'ia kona mau Hale pā'oihana kālepa e ka lawelawe hana no ka po'e kama'āina a malihini ho'i. Kū 'o Kōloa ma ke 'ano he kūlanakauhale li'il'i no ka ikaika me ka nui ho'i o kona kikowaena he pā'oihana kālepa ke 'ano, me ke 'ano nui ho'oko'iko'i o ia wahi ma loko o ma moku. Waiho kāhela ka kikowaena noho kama'āina ma kekahī mau kihi alanui ma Alanui Kōloa ma waena o Alanui Po'ipū me Alanui Waikomo.

Penei ka 'Ōlelo no ka Hihi'o o ka SKCP no Kōloa no ka makahiki 2035:

E ulu pono nui ana ke kaiaulu o Kōloa ma ke 'ano pā'oihana kālepa a noho kama'āina ho'i, me ka mālama pū 'ia o kona 'ano kua'āina pili i ka wā i hala ma ka ho'omau, ka ho'oulu, a me ka ho'omalu 'ana i ona mau mea makamae o ka mo'omeheu.

Mālama 'ia ko Kōloa mo'olelo pana ma ke 'ano o ke kūkulu hale 'ana, he hale mahikō a he hale 'Amelia ke 'ano, aia nō

KAUAI HEMA

'Ano Wahi:

Kōloa: Kaona Li'il'i

Kalāheo: Kaona Li'il'i

Po'ipū: Kauhale

Kukui'ula: Kauhalee

Lāwa'i: Kauhale

'Ōma'o: Huina Alanui Kua'āina



ma ka kikowaena, nā hale pule pana, me nā hale 'ē a'e o ia 'ano nō. Ma ka piko o ke kaona, hahai ke kūkulu hale hou i ia 'ano kū iā "Old Kōloa Town". Malu 'ia i nā hale kaupoku a kumu lā'au ho'i, ho'opili 'ia aku nā alahele wāwae me nā wahi "kū'ono" no ke kūkulu ka'a 'ana noa i ka lehulehu ma nā lihi o kēlā me kēia kaona. Lako ke kaona i nā hana lawelawe 'ia no ko Kōloa me Po'ipū po'e kama'āina, e la'a ka Hale kū'ai mea 'ai, ka Hale Leka, me ke Kikowaena Kauhale. 'Ume'ume 'ia ka po'e kama'āina a malihini ho'i e naue aku i Kōloa no kona mau Hale kū'ai ma'e loa, Hale 'aina, a Hale inu ho'i. Ma waho aku o ke kaona, aia ka Hale Wilikō o Kōloa, mau nō kona 'ano he wahi kāpili 'u'uku a ho'olako mea 'ai ho'i. 'O ke kope, ka hē'i, me nā mea kanu 'ē a'e e ho'ouna aku ai nā mea e mahi 'ia nei ma nā 'āina mahikō o ka wā ma mua



Ka Mākeke Sueoka ma ke Kaona o Kōloa



Kahakai Brennecke's

Po'ipū

He wahi 'o Po'ipū nona ka ho'omōhala kauhale ma kai, me ke kikowaena pana, no nā hōkele nui a me nā hana ho'okipa malihini ma nā kahakai o Kaua'i Hema. Nui nā kahakai lō'ihi, e like me ka Pāka Kahakai o Po'ipū, nui ho'i ka ho'omāhuahua kauhale 'ana ma ke 'ano he wahi hihia i nā hōkele nui he lehulehu, me nā hale 'ē a'e ho'i kahi e noho malihini ai ma waena o Alanui Po'ipū me ke kahakai. Kuhi 'ia 'o Po'ipū he wahi Kauhale nō ia.

Penei ka 'Ōlelo no ka Hihi'o o ka SKCP no Po'ipū no ka makahiki 2035:

He wahi helu 'ekahi 'o Po'ipū ma ka ho'okipa malihini i nā hōkele nui nāna e lawelawe ana i kama'āina a malihini ho'i, me ka no'ono'o pono i ka ho'omāhuahua kauhale, loa'a pū nā kahakai a moana ma'ema'e a maika'i, nā pāka ho'okipa malihini, me nā wahi pana a kumu waiwai e mālama pono 'ia, a 'o ia mau mea a pau, ua noa i nā mea a pau.

He hōkele nui pilikai 'o Po'ipū nāna e ho'okipa i ke kaiaulu kama'āina a me ka wahi nui loa o ka mokupuni ma ka ho'okipa malihini no waho mai. Kāko'o 'ia e Kukui'ula e ulu mau nei ma ke komohana, me ke kaona pana o Kōloa ma ka 'ākau, aia mā Po'ipū nō he 40% o nā hana ho'okipa malihini ma ke 'ano hōkele nui, he wahi hai i ka po'e he nui lehulehu. Kaulana 'o Po'ipū i kona mau hana ho'onanea kaupoku 'ole e hana 'ia ma kahakai, ma kūlana nalu, ma nā wahi lu'u kai, nā pā kōlepa a kenika ho'i. Aia ma nā alanui mahi'ai kahiko iā Grove Farm me McBryde kahi e holo paikikala ai.

Kalāheo

'O Kalāheo ke kauhale ma uka nui loa ma Kaua'i Hema. 'Oki 'ia nō 'o ia e Alaloa Kaumuali'i, a he mau kauhale kona ma

I 'ike 'oe iā Kaua'i a puni a 'ike 'ole iā Kaua'i-iki, 'a'ole nō 'oe i 'ike iā Kaua'i

If you have seen all of the places of Kaua'i and have not seen Little Kaua'i, you have not seen the whole of Kaua'i.

('O Kaua'i-iki, he wahi pōhaku i kū a'ela i loko o kekahī lo'i kalo ma Wahiawa, Kaua'i. I ka wā i pilikia ai i ka waele 'ana i ke alanui, ua ki'i a mālama 'ia e Walter McBryde a lawe 'ia aku i Ma'ialoa, a ma hope mai, i Kukui-o-Lono Pāka, kahi e kū mau lā a hiki i kēia mau lā.).

waena o nā 'āina palipali i ka 'ākau a me ka hema ho'i kekahī. Hiki ke kuhi 'ia 'o Kalāheo he Kauhale Li'ili'i ma muli o kona nui me ka ikaika o ke 'ano kālepa a kiwikā ho'i. Ho'opa'apū 'ia nā wahi pā'oihana kālepa ma ke alaloa, a he wahi puhi palaoa, he Hale kū'ai lā'au, he Hale hana lawelawe, me nā Hale 'aina a Hale kū'ai mea'ai e ho'olako ana i kama'āina ma ke 'ano nui.

Penei ka 'Ōlelo no ka Hihi'o o ka SKCP no Kalāheo no ka makahiki 2035:

E mau ana nō 'o Kalāheo ma kona 'ano he kaiaulu kama'āina i ho'oulu 'ia i ke kikowaena pā'oihana kālepa i hana 'ia e like me ka nui o kona wahi iho e kū nei a kāko'o 'ia ho'i e nā 'oihana kama'āina li'ili'i.

Ma Kalāheo, nui nā Hale ma 'ō a ma 'ane'i o ka 'āina palipali ma uka o ke kaona, a puni ho'i 'o Kukuiolono Pāka. Ke ulu a'e nei nō ka heluna kānaka o Kalāheo, 'oiai kūkulu 'ia nā kauhale ma nā 'āina ho'opulapula a mahi'ai i ho'okumu 'ia ma nā makahiki 1970 a 1980. Ma ka piko o ke kaona, ke hō'ano hou li'ili'i 'ia nei nā pā 'āina 'oihana, me ke kūkulu Hale 'ana e kāko'o ana i ke 'ano paniolo. Ma nā wahi ho'okū ka'a lehulehu e emi ai ka pa'a loa o ke alanui, na nā alahele wāwae ho'i e paipai i ka po'e e hele wāwae a puni ke kaona. Ua ulu a'ela nā 'oihana ma uka a ma kai ho'i o Alaloa Kaumuali'i ma nā huina alanui i nui iki a'e. Paipai 'ia e kekahī 'ahahui pā'oihana ke 'ano paniolo o ia wahi, a nāna e mālama i kekahī ho'olaule'a kūmakahiki no ia kaona. Ma ka lihi komohana o ke kaona, kokoke iā Brydeswood, loa'a he kikowaena kū'ai nona he Hale kū'ai mea 'ai nui e lako ai nā hemahema o ka po'e kama'āina e ulu a'e nei.

Lāwa'i and 'Ōma'o

He kauhale li'ili'i 'o Lāwa'i ma uka ma nā 'ao'ao 'elua o kahi mahele kīke'eke'e o Alaloa Kaumuali'i. 'Elua ona wahi kā'oko'a, he pā'oihana kālepa ke 'ano, aia kekahī ma



Ke Kaona o Kōloa

Alanui Kōloa ma kahi a hui ai 'o alanui Lauoho ma kahi kokoke i ka hale ho'okomo kini kahiko, a'o kekahi aia ma ke alaloa ma Alanui Aulima kahi o ka hale leka me ka mākeke. 'Oiai mamao ka waiho 'ana o kona mau palena, aia ma kahi hāiki a'e ko Lāwa'i kauhale, a kaupalena 'ia ho'i e nā luawai a me ka 'āina palipali. Hiki ke kuhi 'ia 'o Lāwa'i he Kauhale ma muli o ka li'il'i o nā wahi kālepa a kiwikā ho'i e loa'a ma ka piko ona a me nā wahi noho kama'āina a pu'u ho'i e pili aku anas.

He wahi 'o 'Ōma'o i kuhi 'ia no kona 'ano he huina alanui. He mau kauhale li'il'i kona, aia ma uka, e kāhela ana i ka hema mai Alaloa Kaumuali'i. 'A'ohē paha ona wahi pā'oihana kālepa maoli, he wahi noho kama'āina ka hapa nui, a emi mai ho'i kona mau alanui ho'opili iā waho, emi ho'i kona nui a laulā, kaupalena 'ia ka nui e hiki ai ke ho'omāhuahua 'ia aku ia wahi ma muli o ka 'āina palipali a me nā luawai. He wahi kaiaulu noho kama'āina 'o 'Ōma'o a he pāka 'u'uku kona e kū ana i waena ona.

Penei ka 'Ōlelo no ka Hihi'o o ka SKCP no Lāwa'i me 'Ōma'o no ka makahiki 2035:

E mau ana 'o Lāwa'i ma kona 'ano he wahi e hui ai nā alanui, me kahi o ka pā'oihana kālepa i kaupalena 'ia, aia nō e ho'opuni ana i ka Hale Leka me ke Hale Ho'okomo Kini Kahiko. E mālama mau 'ia ana ka waiwai o 'Ōma'o ma kona 'ano he wahi kaiaulu noho kama'āina li'il'i.

Waiwai 'o Lāwa'i me 'Ōma'o ma ko lāua 'ano he wahi huina alanui a he mau kaiaulu noho kama'āina a kua'āina li'il'i. Aia ma kahi kokoke i ko Lāwa'i Hale Ho'okomo Kini kahiko, he wahi pā'oihana kālepa li'il'i kahi i kūkulu 'ia ai he mau hale kū'ai a loa'a pū nā hana lawelawe e lako ai ko nā kauhale e pili ana, a me ka po'e hoa hele ma Alaloa Kaumuali'i a Alanui Kōloa paha. Mālama 'ia nā palena ma ka'e o nā kaiaulu e kū nei, i ke'ake'a 'ia ai ka uluāhewa 'ana o kauhale. Ma kekahi alanui nani ke 'ike aku ma Alanui Kōloa, pēlā e ka'awale ai 'o Kōloa aku, 'o Lāwa'i mai.

Kukui'ula

He wahi 'o Kukui'ula e ulu a'e nei, nona nā waiwai he nui: Spouting Horn, ke awa kū moku li'il'i o Kukui'ula, ka māla pua o ke aupuni, a me ke kahakai nani. 'O kēia nō ka mea e alaka'i ana i ka ho'omāhuahua kauhale hou 'ana e loa'a mai ai he kikowaena hale kū'ai pae ki'eki'e, me nā wahi e hiki ai ke kūkulu 'ia nā kūlanakauhale noho i 'oi a'e ka nui, ho'okumu 'ia ho'i a puni nā pā kōlepa. 'A'ole nō i ho'opuka 'ia kahi 'ōlelo Hihi'o no Kukui'ula ma ka SKCP.

Nā Loli 'E a'e o ka Ho'ohana 'Āina no Kaua'i Hema

Hō'ike 'ia ka Palapala 'Āina Ho'ohana 'Āina no Kaua'i Hema ma Ki'i 5-4. Wehewehe 'ia ma lalo iho nā 'ano e ho'ohou 'ia ai nā Kuhikuhi Ho'ohana 'Āina e 'oko'a aku ai mai ka wā o ka Papahana Laulā o ka makahiki 2000.

Nā Kikowaena Kauhale me nā Kānāwai 'A'e Kū i ke 'Ano e Pa'a ai

I mea e ho'olawa ai i ka ho'omāhuahua kauhale i mahu'i

'ia no Kaua'i Hema, na ka SKCP i kālai aku he 'eoho Wahi Ho'olālā Ho'oko'iko'i (SPAs). Ma ia mau e kuhi 'ia ai kahi e loa'a ai he mau kaiaulu hele wāwae 'ia, a ho'opa'apū 'ia iho ho'i, makemake 'ia ia 'ano kaiaulu ma nā kikowaena kauhale e kū nei, a ma ia 'ano wahi hou kekahi. 'O ke ki'ina hana o Kaua'i Hema, nānā nui 'ia ke 'ano maoli e pa'a ai nā wahi, a he papahana ho'olālā kona no ka ho'oponopono 'ana i 'ekolu o ia mau SPA (Kōloa Kaona, Kalāheo Kaona, me ke Ala Ka'apuni o Po'ipū). Ho'ohana 'ia ke kuhikuhi no ke Kikowaena Kauhale a me nā Kuhikuhi Laulā, pēlā pū me ke kuhikuhi no ka Lihilihi Kauhale no nā wahi e waiho ana i loko o kekahi hapa mile (he 'umi minuke ka hele 'ana ma ka wāwae) mai nā Kikowaena Kauhale aku. Koi 'ia ia SPAs e mālama loa i nā 'ōlelo kuhikuhi no ke kūkulu 'ana me ka ho'ohana 'āina 'ana, e like me ka mea i hō'akāka 'ia ma ka palapala o ko Kaua'i Hema Kānāwai Kū i ke 'Ano e Pa'a ai, e kū ana a e kū'ē ana paha i ke kā'ei 'āina i ho'okumu mua 'ia aku.

E ho'olālā 'ia ana kekahi papahana kūkawā no nā wahi 'ekolu 'ē a'e (Hale Ho'okomo Kini o Lāwa'i, Numila, me Po'ipū Gateway) no ka ho'omōhala 'ana i ka papahana ho'oponopono me ka 'a'e 'ana, 'o ia ana nō i ka wā e noi 'ia ai ka ho'omāhuahua kauhale. Kuhi 'ia ia mau wahi he Kaona Nui a he Kaona Li'il'i paha ma ka Palapala 'Āina Ho'ohana 'Āina no ka Wā e Hiki ana. Kuhi 'ia 'o Po'ipū Gateway he Kauhale Ho'ohana 'Ōā 'ia, ma ke 'ano he Kaona Nui, a kuhi 'ia 'o Hale Ho'okomo Kini o Lāwa'i a me Numila he mau Kaona Li'il'i. 'O ia mau 'ano wahi, kū nō i kēia manawa wale nō no nā SPAs o kēia mua aku, a hiki aku i ka wā e kuhi 'ia ai ko lākou mau Palapala Ho'olālā Ho'oponopono. E koi 'ia ana ho'i ka hana 'ana e like me nā kā'ei 'a'e i kuhikuhi 'ia ma ko Kaua'i Hema Kānāwai Kū i ke 'Ano e Pa'a ai.

He mau kuhikuhi kā'ei kalana nā SPAs i nui a'e o ke kuhikuhi pono 'ia 'ana ma mua o ko ka Palapala 'Āina Ho'ohana 'Āina o ka Papahana Laulā. Hō'ike 'ia ma ia Palapala 'Āina Ho'ohana 'Āina o ka Papahana Laulā nā wahi nona ka ho'opihā 'ia me ka ho'omāhuahua kauhale 'ia o ka wā e hiki ana ma Kaua'i Hema, a i 'ole, he mau 'ano wahi e kūkulu 'ia ana e like me nā hi'ohi'ona i mahu'i 'ia, a me ko lākou pilina i nā kaiaulu 'ē a'e no ke kūkulu hale 'ana.

Nā Loli 'E a'e o ka Ho'ohana 'Āina

Ua kāko'o ka SKCP i ka ho'onui 'ana o ka Wahi Ho'okipa Malihini (VDA) ma Alanui Lāwa'i ma muli o ka pa'apū o nā TVR kū'ē aia ma kai o ke alaloa. 'A'ole i ho'olilo 'ia kēia 'ōlelo ho'okikina no ke kauhale e kū nei ma Alanui Ho'one. Ma muli o ko ka Papahana Laulā kulekele, 'a'ole e ho'onui aku i ka VDA, ua ho'ohemo 'ia ka mana'o paipai no ka VDA ma Alanui Lāwa'i, a e mau ana ke kauhale ma kona 'ano he kaiaulu noho kama'āina.

I kū like ai me ko ke kaiaulu makemake e kaupalena nui 'ia, e like me ka mea i hiki, ka ho'ola a ho'omāhuahua 'ana ma kahi kokoke i ka piko o ke kaona, ua ho'ololi 'ia ke kā'ei 'āina

mai ke 'ano Kaiaulu Noho Kama'āina a ke 'ano Mahi'ai, no na 'eka he kanaono (60), he 'āina no ka Moku'āina i luna o Weliweli Tract.

Ua kuhi ka SKCP i nā palena o kekahi wahi i hiki paha ke ho'omāhuahua 'ia, aia nō i nā mana'o e loa'a mai ana ma ke ka'ina hana 'o ka ho'olālā kaiaulu no Hanapēpē-'Ele'ele. Komo pū ka wahi e puni ai 'o Numila, he wahi i makemake 'ia e ka mea nona kēlā 'āina e lilo ia kaiaulu ho'olālā kūpono 'ia no ka ho'oulu 'ana iā 'Ele'ele me Port Allen. No ka ne'e 'ana o nā palena ma waena o nā moku ho'olālā, aia nō ia ma loko o ko Kaua'i Hema moku ho'olālā. Ma ka Palapala 'Āina Ho'ohana 'Āina o ko Kaua'i Hema Papahana Kaiaulu, kuhi 'ia nō he Mahi'ai kona kā'ei 'āina, a he wahi e waiho wale ana a hō'ākaka 'ia auane'i i mahele o ka Papahana Kaiaulu Hou e hiki mai ana no Hanapēpē-'Ele'ele. 'A'ole i mahu'i 'ia ka ho'onui 'ana i kauhale noho kama'āina no Kaua'i Hema ma ia wahi.

Ma ia papahana, ua ho'one'e 'ia ka palena Moku Ho'olālā ma waena o Kaua'i Hema me Hanapēpē-'Ele'ele, mai Wahiawa Kahawai a Kalāeo Kahawai. Ma muli o ia loli 'ana, komo pū aku nei ia wahi i hiki paha ke ho'omāhuahua 'ia aku i loko o ko Hanapēpē-'Ele'ele Moku Ho'olālā.

Nā Pōpilikia me ke Ola Mau 'Ana i Loko o ka Loli o ke Au ma Kaua'i Hema

He mea loa'a wale ka pōpilikia iā Kaua'i Hema, e like me ka kai/wai hālana, ke kai e'e, ka hāne'e o ke one, ka 'ino'ino a me ke kaiakahinali'i. E pānui aku ka 'ino o ia mau pōpilikia ma muli o ka loli 'ana o ke au me ka pi'i 'ana o ke kai, e ho'opilikia auane'i i nā kauhale me nā hana pili i ka pā'oihana kālepa a mahi'ai ho'i. Pēlā e kau nui ai ka mana'o i mau 'ano e wehe ai ia mau pilikia ma ka ho'okumu 'ana i kahi o nā kaiaulu, me ke 'ano ho'i o ke kūkulu 'ana.

Ua ana nui 'ia nā hemahema o Kaua'i ma ia 'ano ma ka palapala nāna i kaulona nui aku i ka loli 'ana o ke au me nā pōpilikia pili kai ma Po'ipū. Ua nānā nui 'ia ka pi'i 'ana o ke kai e like me nā mea ana o NOAA, he "kapu 'au". Loa'a nā palapala 'āina o ke kai e'e no 1-kapua'i, 3-kapua'i, a 6-kapua'i ma Pāku'ina D. He la'ana maika'i 'o Po'ipū no ka ho'olawa hewa loa 'ia 'ana o ka wehe 'ana o ia mau pōpilikia, no ka mea, ma ia ka'ina hana e ana 'ia ai ke kai e'e, 'a'ole nō i nānā 'ia ka hāne'e o ke one me ke kaiakahinali'i ho'ē'e 'ia e ka nalu. Ke nānā nui 'ia nei kēia na'aupō e ke Kulanui o Hawai'i me nā mea 'imi 'ike 'ē a'e, a i loko o kekahī mau makahiki e loa'a mai ana kēlā mau 'ike no ka ho'olālā kūpono 'ana ma ia 'ano. No laila, paipai nui 'ia ke ana 'ana i ka pōpilikia loa'a wale, no ke kaiaulu a me ke 'ano e pilikia ai paha i ka wā pōpilikia. E hana 'ia nō ia 'ano loiilo i ka wā e puka mai ai kēlā mau 'ike, a e ho'oko'iko'i 'ia ke ana 'ana ma kahi e wiaho nei nā kumuawaiwai pili kai a me nā hōkele nui.

Ka Papahana Kaiaulu no Kaua'i Hema (2015)

Aia ke alaka'i 'ana no ka ho'olālā kaiaulu no ka moku ma ka SKCP. Kuhi 'ia ma ka paukū no nā Kaiaulu Ho'ohana 'Ō'a a Hele Wāwae 'la nā kulekele e ho'oulu 'ia a'e ai nā kaiaulu e kū nei nona ke 'ano e 'olu'olu ai ka hele wāwae 'ana. Ma

ke kūkulu 'ana i nā wahi pā'oihana kālepa ma kahi kokoke i nā kauhale noho, e emi aku auane'i ke kauka'i 'ana i ke kalaiwa 'ana i ke ka'a, a paipai 'ia ka lawe i ke ka'a halihali 'ōhua, ka hele wāwae, me ka holo paikikala. 'O ka hana ho'omāhuahua kauhale i hiki paha ke hana hou 'ia, aia nō ke ho'opa'apū 'ia nei ma nā Wahi Ho'olālā Kūikawā i hō'ike 'ia ma luna. 'O ka pahuhopu nui o kēia mau kulekele, 'o ia ho'i ke kaupalena 'ia 'ana o ka ho'omāhuahua kauhale ma nā wahi pa'apū e noho 'ia nei, he mau wahi noho i kuhikuhi pono 'ia, i mea e loa'a mau ai ke 'ano kaiaulu, i 'olu'olu ai ka hele wāwae 'ana ma nā kaiaulu, i mālama ai ke 'ano kua'āina o ia wahi, me ka mālama pū 'ana i nā wahi hakahaha.

2.4.4 Līhu'e

'O ko Līhu'e Moku Ho'olālā, 'o ka "pu'uawai" ia o Kaua'i. Mai Wailua Kahawai i ka 'ākau, a Hā'upu i ka hewa, 'o kēia moku ka wahi nui loa o ka mokupuni holo 'oko'a ma ka pā'oihana, ke aupuni, a me ka halihali kanaka. Komo pū aku i loko o Līhu'e nā kaiaulu o Līhu'e, Hanamā'ulu, me Puhi. 'O kekahī mau wahi lī'ilī'i iki a'e e komo pū aku, 'o ia ho'i 'o Nāwiliwili, Kapaia, Kīpū, Kālepa, Nūhou, Niumalu, Kalapakī, me Pū'ali.

Ua lawe 'ia a mana ka mana o ko Līhu'e Papahana Kaiaulu (LCP) hope a'e nei i ka makahiki 2015. Nāna e ho'oholo i Ka Hihi'o, Nā Kulekele, a me ka Palapala 'Āina Ho'ohana 'Āina no ka Moku. Na ia Papahana Laulā e ho'ohui aku ka Hihi'o LCP, ka palapala 'āina ho'ohana 'āina, a me nā kulekele. 'O ia mau kulekele, he mau mea e hō'ike ana i nā mana'o like 'ole me ka ho'olawa 'ana i nā mea like 'ole he nui. 'O ia mau mea e pili ana i nā kaiaulu o ko Līhu'e Moku wale nō kai komo mai ma kēia palapala nei. Eia ho'i, ma kēia mahele e wehewehe 'ia ai nā loli o ka Palapala 'Āina Ho'ohana 'Āina no ko Līhu'e Moku i ho'ololi 'ia no ka like a like me nā mea i ho'oholo 'ia ma nā Palapala 'Āina Ho'ohana 'Āina a puni ka mokupuni.

Ka Hihi'o a me ko ke Kaiaulu Wehewehe 'Ana no Līhu'e

Penei ka Hihi'o no ko Līhu'e Moku:

E mau nō 'o Līhu'e ma kona 'ano he wahi hele wāwae 'ia, nona nā kaiaulu pa'apū, i like 'ole kēlā me kēia, ua pili nō na'e kekahī me kekahī, a he 'ano hi'ohi'ona pono'i iho ko kēlā me kēia kaiaulu. 'O nā wahi hakahaka a uluwehi ho'i ma waena o nā kaiaulu, he mea e kau ai ka maka a me ka mana'o i ke 'ano kua'āina o Kaua'i. 'O Līhu'e Kaona, he wahi luana nui 'ia nona he piko ikaika o ke ola 'ana, 'ō'ā ho'i nā 'ano hana lawelawe e loa'a ma laila i ka po'e kama'āina a malihini ho'i.

Ko Līhu'e Papahana Kaiaulu (2015)

Penei ma lalo nā wehewehe 'ana o ke kaiaulu no Līhu'e, Hanamā'ulu, me Puhi.

Līhu'e Kaona

'O ke kaona o Līhu'e ka piko o ke kalana 'o Kaua'i, 'o ia ke kikowaena o ko ka mokupuni mau hana pā'oihana kālepa a kiwikā ho'i. 'O ia kaiaulu ho'okahi wale nō ka mea nona he 'ehā a 'oi kauhale a hiki nō ke kuhī 'ia kona 'ano wahi he Kaona Nui.

'O nā kahawai 'o Hanamā'ulu me Nāwiliwili nā palena 'ākau a hema ho'i o Līhu'e, 'o ke kahakai a me ke kauhale 'o Isenberg ma Alaloa Kūhiō ho'i kona mau palena hikina a komohana. 'O nā kikowaena pā'oihana kālepa ho'oko'iko'i ma Līhu'e Kaona, 'o ia ho'i 'o ka Kikowaena Hana Kiwikā, ke kaha pā'oihana kālepa o Alaloa Kūhiō, a me kekahī mau mahele o Alanui Rice. Ua māhuahua a'ela ke kaona ma Alanui Haleko (ma ka 'ākau o Alanui Rice) me Alanui Rice, a

Līhu'e

'Ano Wahi:

Līhu'e: Kaona Nui

Hanamā'ulu: Kaona Lī'ilī'i

Puhi: Kauhale

Nāwiliwili: Huina Alanui Kua'āina

Kapaia: Huina Alanui Kua'āina



ua kuhī 'ia nā alanui 'elua he mau alanui pana.

Ua māhuahua a'ela ke kaha pā'oihana kālepa o Alaloa Kūhiō ma kahi e pili ana i nā kauhale 'o Isenberg me 'Akahi-'Elua, a he piko nō ia no ia mau po'e. 'O ka 'ao'ao hikina o Alaloa Kūhiō, he mau hale kū'ai pā'oihana kālepa e kū ana ma ka'e alanui, me nā 'ano o ke kūkulu hale he neoclassical a he art deco ke 'ano. He mau pā'hale 'ano nui ko ke kauhale 'o 'Akahi-'Elua ma waena o Alanui Ahukini me Alanui Hardy, a 'o ke 'ano o nā hale i kūkulu 'ia i laila, he mau hale 'u'uku ke 'ano, mālalaioa, a hale kula ākea ho'i mai nā makahiki 1930 me nā makahiki mua o ka 1940.

Ua ho'omāhuahua 'ia 'o Alanui Rice, ma waena o nā Alanui Kress me Kalena, ma ke 'ano he kikowaena kālepa, 'o ka 'alua ho'i ia ma lalo o ke kikowaena pā'oihana kālepa o Alaloa Kūhiō. Me nā hale kū'ai he nui ma ka'e alanui ma nā 'ao'ao 'elua a me nā hale pana he nui, kuhī pinepine 'ia 'o Alanui Rice 'o ia 'o ko Līhu'e "Alanui 'Oi o ka Nui".

Hanamā'ulu

He 'āina mahikō 'o Hanamā'ulu i ka wā kahiko, a lilo a'ela i kauhale e waaho ana i waena o Hanamā'ulu Kahawai me Kālepa. 'Oki pālua 'o Alaloa Kūhiō i ia kaiaulu a ho'opili aku

nō iā ia iā Līhu'e Kaona, iā Puhi, iā Kapa'a ho'i. I ka makahiki 1877, ua lilo 'o ka Hale Wilikō o Hanamā'ulu i ka lua o ka hale wilikō no ko Līhu'e Hale Mahikō. I nā makahiki 1950 me 1960, ua kūkulu ka Hale Mahikō o Līhu'e i mau kaiahale me ka mana'o e hiki i nā limahana ke kū'ai i ia mau kaiahale. Ma kēia mau kauahale e puni ai ke kikowaena o ia kauhale, aia nō ma nā 'ao'ao 'elua o Alaloa Kūhiō.

'O ke kikowaena o ke kauhale, ua pa'a i nā hale pili i ka mahikō, e like me ka Hanamā'ulu Trading Company a me ka hale leka i pau akula i ke ahi i ka makahiki 2012, pēlā pū me kekahī mau 'oihana 'ē a'e. Ua kūkulu hou 'ia kekahī mau mahele o ia mau hale. No ke kikowaena o ke kauhale kekahī mau 'oihana li'iili'i, e like me ka hale ho'opiha kakolina, he mau hale ukana, he hale kū'ai wikiwiki, he pāka, a he mau kula ha'aha'a, hiki ke hele wāwae 'ia ia mau wahi a pau mai nā kauhale noho aku. Ua hana 'ia iho nei kekahī papahana ho'olako hale 'o Kālepa Village ka inoa, i hana 'ia no ka po'e limahana o ia wahi ma ka 'ōlelo 'ana i kū i ke 'ano "mahikō", 'o ia ka ho'omāhuahua kauhale ho'okahi ma ia wahi nona kēia 'ano a noho ai kekahī mau 'ohana lau.

Puhi

'O Puhi ke kauhale hou loa ma ko Līhu'e Moku, ua ho'olilo 'ia i 'ano wahi Kauhale. Aia ma ka hemā a me ke komohana o Nāwiliwili Kahawai, a hiki ke hele 'ia 'o Līhu'e Kaona ma Alaloa Kaumuali'i. Aia ma Puhi ko Kaua'i kikowaena hale kū'ai nui loa, 'o Kukui Grove Center, a me kekahī pāka kāpili nui me nā hale kū'ai nui a kaulana ho'i e like me Costco. Pēlā e hele nui ai ka po'e i Puhi mai nā wahi like 'ole a puni ka mokupuni i nā lā a pau. 'O ke kula ma uka o Alaloa Kaumuali'i, he wahi hakahaka ia nona nā wahi uluwehiwehi a 'āina mahi'ai ho'i. Ma laila nō nā kula 'o Island school me ke Kulanui Kaiaulu o Kaua'i, a me ka Hale Mahikō o Kilohana, he wahi pana ia me kona alahaō, he wahi luana nui 'ia.



He Hale Pā'oihana Kālepa Ma Ka'e Alaloa Kūhiō ma Līhu'e.

He hu'a (kauhale noho) ke 'ano wahi, nona he mau kauhale noho 'ohana ho'okahi he nui, he kikowaena hale kū'ai, he mau hale kū'ai pā'oihana kālepa nui, he mau alanui cul-de-sac, a he mau hale noho 'ohana nui huli ke alo i ka pā kolepa. Ma ke 'ano nui, ho'olako 'ō'ā 'ia nā mea e pono ai ma Puhi, 'o nā kauhale noho, he wahi kāpili li'iili'i, he pā'oihana kālepa, me ka ho'ona'auao. Ma ia mau 'ano e ho'olako 'ia ai ko laila po'e, e mau ana 'o Puhi ma kona 'ano he wahi kipa nui 'ia a hiki mai ka wā e hiki ana, a e ulu ana nō paha ka po'e kānaka e noho kama'āina i laila i ho'olawa ai i nā manawa kūpono o nā kūlana hana me ka 'imina'auao i laila.

Nā Loli o ka Palapala 'Āina Ho'ohana 'Āina no Līhu'e

Hō'ike 'ia ka Palapala 'Āina Ho'ohana 'Āina no Līhu'e ma Ki'i 5-5. Wehewehe ma lalo 'ia nā mea ho'āno hou i ka Ho'ohana 'Āina mai ka Papahana Laulā o ka makahiki 2000.

Nā Kikowaena Kauhale & Ka Palena Lihī Kiwikā

'O Līhu'e wale nō ka moku ho'okahi ma Kaua'i nona kēia kuhi he Palena Lihī Kiwikā. Ua lawe 'ia ia 'ano kuhi ma o ko Līhu'e Papahana Kaiaulu (2015) i kaupalena 'ia ai ka uluāhewa kiwikā 'ana o kauhale me ke kuhikuhi 'ana i kahi e ho'ohāiki 'ia ai ka ho'omāhuahua kauhale pa'apū loa a puni ka moku. Ma ka Palena Lihī Kiwikā e hiki ai ke mālama 'ia nā 'āina mahi'ai me nā 'ano e ho'ohana 'ia ai ma ke kau nui 'ana o ka mana'o, aia ma nā Kikowaena Kiwikā me nā Kikowaena Kauhale i kuhi 'ia, ma laila nō ka ulu 'ana o ka wā e hiki mai ana a me ka ho'omāhuahua kauhale. Ma loko o ka Palena Lihī Kiwikā he mau Kikowaena Kauhale e kū nei, me kekahī i kuhi 'ia no ka wā e hiki ana, e pili ana i nā Wahi Ho'olālā Kūikawā Ho'ohana 'Ō'a 'ia (SPAs). I mau hōailona kēia mau SPAs no ka ho'opiha 'ia o ka 'āina me ka ho'omāhuahua kauhale hou i ho'olawa ai ka ulu 'ana o

ka po'e kama'āina i mahu'i 'ia. I loko o kekahī hapa mile kekahī me kekahī ka hapa nui o kēia mau Kikowaena Kauhale. 'A'ole i kuhi 'ia 'o Līhu'e i Kauhale Laulā no ka mea 'o kēia mau hele 'ana he hapa mile, kau iho kekahī ma luna o kekahī. Ma kahi o ia 'ano, mālama 'ia ia kuhikuhi 'ana he Kikowaena Kiwikā o ka Papahana Laulā no nā wahi ma waho o ia mau Kikowaena Kauhale i kuhi 'ia.

Ke Kikowaena Kauhale & ke Kaiaulu Noho Kama'āina ma nā 'Āina Ho'opulapula o Wailua

I mea e like ai me ka Papahana no Kaua'i Mokupuni (2004) o ke Ke'ena o nā 'Āina Ho'opulapula (DHHL), ua kuhi 'ia he kikowaena kauhale ma ka 'ao'ao uka me ka 'ao'ao kai o ko Wailua mau 'āina ho'opulapula. Ua kūkulu pū 'ia he Kaiaulu Noho Kama'āina ma ka 'ao'ao ma uka o ke alaloa i kū ai i ko DHHL hihi'o no ka maika'i a'e o nā kauhale ma ia wahi.

Nā Loli 'Ē A'e o ka Ho'ohana 'Āina

Ua lawe 'ia aku ke kuhi 'ana i kekahī mau wahi he nui ma Pū'ali he Noho Kama'āina, a hiki i ka hema-hikina o Puhi, no ka mea 'a'ole e pili ana i kekahī Kikowaena Kauhale e kū nei. Ua kuhi 'ia na'e he Noho Kama'āina kekahī mahele o ka pā 'āina iā EWM ma kahi kokoke i ka 'ao'ao 'ākau o ka Moku.

Ua komo kekahī kuhi hou 'ana he Kā'ei Kulanui i kahi o ke Kulanui Kaiaulu o Kaua'i a me nā kula e pili aku ana, i mea e 'ike ai i ka ho'onui 'ia 'ana i ka wā e hiki ana o nā hale lako, nā kauhale noho, me nā hana lawelawē e 'olu'olu ai ka nohona o ka po'e kumu a limahana. I like ai me ke kulekala nāna e kaupalena i ka nui 'ana a'e o nā hōkele nui, ua loli kekahī 'āpana o Nukoli'i mai ke 'ano Hōkele Nui a ke 'ano Mahi'ai.

Nā Pōpilikia me ke Ola Mau 'Ana i Loko o ka Loli o ke Au ma ko Līhu'e Moku

He mea loa'a wale ka pōpilikia iā Kaua'i Hema, e like me ka kai/wai hālana, ke kai e'e, ka hāne'e o ke one, ka 'ino'ino a me ke kaiakahinali'i. E pānui aku ka 'ino o ia mau pōpilikia ma muli o ka loli 'ana o ke au me ka pi'i 'ana o ke kai, e ho'opilikia auane'i i nā kauhale me nā hana pili i ka pā'oihana kālepa a mahi'ai ho'i. He keu ho'i a ka weliweli ia 'ano pōpilikia ma kahawai o Nāwiliwili, Niumalu, me Huleia. Pēlā e kau nui ai ka mana'o i mau 'ano e wehe ai ia mau pilikia ma ka ho'okumu 'ana i kahi o nā kaiaulu, me ke 'ano ho'i o ke kūkulu 'ana.

Ua ana nui 'ia nā hemahema o Kaua'i ma ia 'ano ma ka palapala nāna i kaulona nui aku i ka loli 'ana o ke au me nā pōpilikia pili kai ma Po'ipū. Ua nānā nui 'ia ka pi'i 'ana o ke kai e like me nā mea ana o NOAA, he "kapu 'au". Loa'a nā palapala 'āina o ke kai e'e no 1-kapua'i, 3-kapua'i, a 6-kapua'i ma Pāku'ina D. He 'uapo nui 'o Nāwiliwili me kona 'ano he wahi kāpili a ho'opae ukana, nona ka 'ōnaepuni e koi 'ia ai ka ho'omalu 'ana i kona mau hana. Paipai nui 'ia ke ana a loiilo'i 'ana i ka pōpilikia loa'a wale ma kahakai ma hope o ka loli 'ana o ke au, a e hana 'ia ka SLR me ka nānā nui loa 'ana i nā kakahai o Nāwiliwili me Huleia, ke kakahai 'o Kalapakī, ko Nāwiliwili awa kū moku li'ili'i, a me ka 'āina 'o Niumalu. Ma kēia 'ano loiilo'i 'ana e komo pū aku ai nā 'ike ho'olālā nāna e hō'ike aku ana i nā hopena o ke kai e'e a me nā hopena o ka hāne'e 'ana o ke one mai ka SLR, 'o ia ho'i ka mea e noke 'ia nei i ka 'imi noi'i 'ia e nā mea 'imi 'ike ma ke Kulanui o Hawai'i me nā mea 'ē a'e no ka palapala hō'ike o ko ka Moku'āina SLR.

Kuhi pū 'ia ma ka Palapala Loilo'i Hemahema, aia ka hapa nui o ke kakahai e puni ai 'o Kalapakī me Nāwiliwili ma waho o kahi e nui ai ka weliweli o ke kai e'e no nā makahiki he 100, pēlā i hō'ike 'ia ai ma nā palapala 'āina o ke Ke'ena Pekelala Ho'oponopono Ulia Pōpilikia FEMA FIRM, a pēlā paha e emi ai ka mana'o o kānaka i ka weliweli o ke kai e'e no ka mea, 'a'ole kuhi 'ia ka pi'i 'ana o ke kai ma ia mau palapala 'āina. E ho'āmana ana nō paha ke Kalana i kekahī mau koina no ka ho'omalu 'ana i ke kai e'e a wai hālana ho'i i nele 'ole ai ko ka SLR mau pōpilikia i nui a'e ma mua a ma luna ho'i o nā wahi nona ke kai e'e me nā papa kumu o ka wai hālana i kuhi 'ia e ka FIRM.



Kaua'i Museum with the County Building lawn and associated monumon in the foreground.

Nā Pahuhopu, Nā Pahukū Kulekele, me nā Hana Holomua no Līhu'e

Aia ke alaka'i 'ana no ka ho'olālā kaiaulu no ka moku ma ka LCP a me ka Papahana Kūkulu Kiwikā iā Līhu'e Kaona (2010).

2.4.5 KAUAI HIKINA

Aia ko Kauai Hikina moku ke waiho nei mai Wailua Kahawai a i ka 'ākau a hala loa aku i Moloa'a, komo pū ka poho 'āina o Kapa'a-Wailua, Keālia, a me Anahola. No ko Kapa'a-Wailua poho 'āina kahi hapa nui o ko Kauai heluna kānaka. Aia ma Alaloa Kūhiō kekahī alanui nona kekahī mau hale noho kama'āina mai Alanui Hale'ilio ma Wailua a hiki i Alanui Kawaihau, ma ka lihi 'ākau-hikina o Kapa'a Kaona.

He mau wahi noho ko Kauai Hikina aia nō ma uka, 'o ia ho'i 'o Kapahi me ko Wailua mau 'āina ho'opulapula.

Hihi'o Mua Loa & Nā Mea e Ho'oko'iko'i ai no Kauai Hema

He 'akahi'akahi ka hihi'o a me nā mea e ho'oko'iko'i ai, no ka mea, 'a'ole i nānā 'ia e ke kaiaulu me ia 'ano ka'ina hana no ka ho'olālā kaiaulu. He mau kumuhana wale nō no kekahī mau mahele hana wale nō, na ia mau kumuhana e waele i ke ala o mua aku ma ka ho'olālā kaiaulu 'ana.

I ka hiki mai o ka makahiki 2035, Ke Mahu'i Nei Kākou no Kauai Hikina:

He nohona maika'i loa ko kama'āina ma loko o kēia 'ano kua'āina.

Ho'omalu 'ia nā kumuawai o ka 'āina, mālama 'ia nā wahi hakahaka me ka noa wale aku i ke lehulehu.

Mahi 'ia nā 'āina mahi'ai, nui ka loa'a, a ho'omalu 'ia nō. Hiki i ka po'e kama'āina ke kū'ai i hale i lawa kona maika'i, 'a'ole pipi'i loa.

'O nā wahi pana, nā wahi pili i ka mo'olelo kahiko, me nā wahi kūkulu 'ia i ka wā i hala, e mālama 'ia aku nō me ka ho'ohanohano pū aku.

He mau pono lako no ka ho'onanea/ho'oikaika kino i noa wale aku i ka po'e 'ōpio me ka po'e mākua.

E mālama 'ia ke 'ano mahikō ma ke kaona pana o Kapa'a, kahi e e ola pono ai, e hele wāwae, he wahi ho'ohana 'ōā 'ia, nona nā alanui 'a'ole weliweli no ka po'e hele wāwae, nā ala paikikala, wahi hou no ka ho'okū ka'a, a me ka halihali kanaka noa i ka lehulehu.

Nui nā 'ano hana like 'ole no ka ho'okipa malihini, he mau wahi hou i wehe 'ia a'e nei.

Ua ho'olawa 'ia nā hemahema 'ōnaepuni.

Ua maika'i iki a'ela ka halihali kanaka lehulehu, a ua komo i loko o nā hana ho'omāhuahua kauhale hou.

EAST KAUAI

'Ano Wahi:

Wailua: Kauhale

Kapahi: Kauhale

Kapa'a: Kaona Nui

Anahola: Huina Alanui Kua'āina (kokoke i ka Hale Leka); Kauhale i ka wā e hiki ana (ma Anahola Marketplace)

Ka Nui o ka Loli:

Wailua: Ma ka 'Āpanakahi

Kapahi: Ma ka 'Āpanakahi

Kapa'a: E Ho'āno hou 'ia ana

Anahola: Ma ka 'Āpanakahi ma ka Hale Leka o Anahola; E Ho'āno hou 'ia ana ma Anahola Marketplace



Wailua

Kuhi 'ia 'o Wailua he Kauhale ke 'ano wahi ona. Na nā mana'o o ke kaiaulu e hōike nei, 'o kahi ma Alaloa Kūhiō, i 'ano kaupalena iki 'ia e Alanui Hale'ilio, Alanui Lanikai, me Alanui Papaloa, he wahi maika'i kēlā e kūkulu ai i Kikowaena Kauhale, kokoke nō i nā kama'āina ma Wailua, me ka po'e ma nā hōkele nui ma kahakai. 'O nā 'āpana o Wailua aia i loko o ka hapa mile mai ia kikowaena aku, 'o ia mau wahi ke ho'ohana 'ia no ka nohona kama'āina, ma nā wahi 'a'ole ho'ohana nui 'ia me nā wahi hakahaka nō ho'i.

Kapahi

Na ke kaiaulu e kāko'o nei i ka ho'olilo 'ia aku he 'ano Kauhale no ka wā e hiki ana ma Kapahi. Ua kuhi 'ia he Kikowaena Kauhale ma Alanui Kawaihau, ma waena paha

o Alanui Kauhale me Pu'uka'a. Mai kēia mua aku, 'o ia wahi ke ho'ohana 'ōā 'ia ana ma nā 'ano like 'ole, pēlā pū no ka pā'oihana kālepa a hana lawelawe ho'i, ma kekahī 'ano e kāko'o 'ia ai ka halikali kanaka.

Kapa'a Kaona

'O ka ulu 'ana a'e o Kapa'a Kaona i ka wā e hiki ana, aia nō i ka nui o ka ho'okino 'ia 'ana o kekahī kulekele kaiaulu ho'oko'iko'i loa, pili kēia i ka pa'a alanui ma ka 'ākau o ka 'uapo o Wailua. Ua kuhi pono ka Papahana Laulā o ka makahiki 2000 i ka ulu nui 'ana a'e o kama'āina ma Hokua Place ma kahi kokoke i ke Kula Waena o Kapa'a. Ho'olilo 'ia ia wahi he Kikowaena Kiwikā. Akā na'e, mokuāhana ka mana'o o ka po'e kama'āina, nui nā mana'o hopohopo i ka pa'a 'ana a'e o ke alanui ma muli o ka ulu 'ana. 'O ka po'e kāko'o, kuhi lākou i ka lawa 'ole o kauhale me ke kū'ē paha o Hokua Place i nā 'ano kūpono no ka ho'omāhuahua kauhale/kaiahale. 'O kekahī po'e, mana'o lākou 'a'ole lawa nā wehe 'ana i nā pilikia no ka pa'a alanui, 'a'ole lawa maika'i ka 'ōnaepuni o ka 'auwai lawe wai pilau, a no ka pa'a alanui ma Kaua'i Hikina, aia ma Līhu'e kahi e kūkulu 'ia ai nā hale emi mai o ka pipi'i. 'O kekahī mana'o hopohopo, aia ka hapa nui o Kapa'a Kaona ma loko o kahi e e'e ai ke kai e'e me ke kaiakahinali'i ho'i. Inā pi'i mai ka SLR ma 'ekolu kapua'i, e hālana auane'i ka wai ma ia wahi nō, 'o ia ka mea i wānana 'ia no ka makahiki 2100. No kēia mau mana'o e hāpai ai kekahī nīnau no ka nui kūpono o ka ulu 'ana ma Kapa'a-Wailua.

Ma ka wā i nīnau 'ia ai ka lehulehu, ua palapala 'ia 'elua palapala 'āina i mau koho ke kūpono 'ole kekahī koho. Ma ka lua o ke koho, ho'olilo ko Kapa'a Kaona 'ano wahi, he Kaona Li'i'i a lilo i Kaona Nui. E ho'olō'ihi 'ia ka palena e kū nei a ne'e i uka ma Alanui Olohenā, me ka mana'o malī'a paha o ho'olō'ihi 'ia aku ke 'ano wahi ma Alanui Main ma nā Alanui Olohenā me Kūhiō a ne'e i uka, a hiki i ke alanui ka'apuni ma ke kū'ono 'ākau-hikina o ka pā 'āina iā Hokua. Na ko Hokua e ho'onohonoho i mau kaiahale ma kai o ka pā 'āina, ho'ohana 'ia ma ka pae waena, a me kekahī mau kaiahale 'ē a'e, ho'ohana 'ia ma ka pae ha'aha'a, ma ke komohana o ia pā 'āina. Ma kēia koho, aia ma Hokua ka hapa nui o ka ulu 'ana, aia ho'i ma nā wahi kūpono i Kapa'a me nā 'āina e pili ana iā ia. Eia ho'i, e aho paha ka loa'a 'ana o ke kālā no ka 'ōnaepuni ma nā wahi e pili ana i ka hale ha'uki 'o Baptiste, 'o ka 'auwai paha no ka wai hālana, i mea e lawa ai ka ho'omāhuahua kauhale ho'ohana 'ia ma ka pae waena.

Ma ke kolu o ke koho, e mau nō ko Kapa'a 'ano wahi he Kaona Li'i'i, ho'opa'apū 'ia ka ulu 'ana ma nā wahi 'ekolu e kū nei, a puni paha, ma Alaloa Kūhiō, 'ole na'e ma Hokua Place. Ma kēia koho, aia ma nā wahi kūpono ka ulu 'ana a'e i Kapa'a a puni paha. No kēia 'ano ulu 'ana, e koi 'ia ka ho'oikaika 'ana i ka no'ono'o i ke kūpono o ke kūkulu hale, i lawa ai ka ulu 'ana e like me ke koho 'alua.

Na ka Palapala 'Āina Ho'ohana 'Āina o ka Wā e Hiki ana e ho'oholomua i ko ka Papahana Laulā o ka makahiki 2000 i ke kuhi 'ia 'ana o ia wahi he pae ki'eki'e ka ho'ohana 'ia 'ana o ka 'āina. Hō'ano hou a ho'ohāiki mai nō ho'i ia i ke kuhi



Kapa'a Town

'ia 'ana ma muli o ke koho 'alua me kona palapala 'āina, e like me ka ulu 'ana o kama'āina i mahu'i 'ia. Ua ho'olilo 'ia ke Kikowaena Kiwikā o mua a'e nei, a lilo i Kauhale Laulā, e koi 'ia ai he mau 'ano hale like 'ole me ka hiki ke hele wāwae 'ia ke kula me Kapa'a Kaona, 'o ia ka mea nui. 'O ka laulā o ka ho'oponopono 'ana i ka palena Moku Kiwikā o kēia mua aku, aia nō i nā palena o kahi e hele wāwae 'ia, a e ho'olawa 'ia ho'i ka nui o kauhale e kūkulu 'ia ana e like me ka mea i mahu'i 'ia.

Anahola

I ke Ke'ena 'Āina Ho'opulapula o ka Moku'āina (DHHL) ka hapa nui o nā 'āina ma Anahola. 'Ölelo 'ia ma ka Papahana no Kaua'i Mokupuni, 'o Anahola ka 'āina ho'opulapula nui loa o DHHL, a 'o ia ko lākou wahi e ho'oko'iko'i ai. Na ko DHHL Papahana no ka 'āina 'o Anahola (2012) e kauoha nei i ke kūkulu 'ia o nā 'āina ho'opulapula hou mai kēia mua aku ma ia wahi nō, me ke kūkulu pū 'ana i Kikowaena Kaona hou ma Alaloa Kūhiō. Wehewehe 'ia ia Kikowaena Kaona ma ka Papahana Kikowaena Kaona no Anahola (2012). 'Oiai ua lilo kekahī 'āpana o ia wahi no ke Kikowaena Kaona ua lilo i wahi lawe mana o ka lā, ua pa'a ka mana'o ma kekahī hālāwai kaiaulu i mahele o ka Papahana Laulā, kāko'o nō ke kaiaulu i ke Kikowaena Kaona, a kuhi 'ia ma kēia Papahana Laulā, he 'ano wahi Kauhale nō ia. Eia kekahī, kāko'o nui 'ia e ke kaiaulu ka mālama 'ana o kekahī kikowaena 'u'uku iki mai ma ko Anahola Hale Leka, i kuhi 'ia ia 'ano wahi he Huina Alanui.

Nā Loli o ka Palapala 'Āina Ho'ohana 'Āina no Kaua'i Hikina

Hō'ike 'ia ma Ki'i 5-6 ka Palapala 'Āina Ho'ohana 'Āina no Kaua'i Hikina. Wehewehe 'ia ma lalo nā ho'ohou 'ana i nā kuhi 'ia 'ana no ka ho'ohana 'āina mai ka wā o ka Papahana Laulā o ka makahiki 2000.

Kikowaena Kiwikā

Ua ho'ohou 'ia ke kuhi 'ia 'ana o hope a'e nei, he Kikowaena Kiwikā no nā mahi e kū ana ma/e pili ana i ke Kula Waena o Kapa'a, a ua lilo i Kauhale Laulā.

Nā Kikowaena Kauhale & Nā Ala Hele Wāwae

Komo i loko o ko ka Papahana Laulā Palapala 'Āina Ho'ohana 'Āina ke kūkulu 'ana i mau Kikowaena Kauhale

hou ma Wailua me Kapahi, e like me ka mana'o o ke kaiaulu. Na ke kuhi 'ia 'ana he Kauhale Laulā e pani i nā kuhi 'ia 'ana he Noho Kama'āina ma loko o kekahi hapahā mile mai nā Kikowaena Kauhale aku. Ma Kapa'a Kaona, hō'ike 'ia nā Kikowaena Kauhale ma nā wahi he 'ekolu.

Ua ho'oholo 'ia, e kūkulu 'ia he Kikowaena Kauhale hou ma ke Kikowaena Kaona o Anahola e kūkulu 'ia ana, na ke Kauhale Laulā e pani i nā kuhi 'ia 'ana he Noho Kama'āina ma loko o kekahi hapahā mile mai kona Kikowaena Kauhale aku. Ho'okumu 'ia he kikowaena li'il'i iki mai a me kekahi wahi he Kauhale Laulā ma kahi kokoke i ka hale leka. No ka loa'a wale paha o kahi pōpilikia, kaupalena 'ia nā wahi e hiki ai ke waiho kāhela ia 'ano Kikowaena a wahi Laulā ho'i.

Nā Loli 'Ē A'e o ka Ho'ohana 'Āina

'A'oehe mea i ho'ololi hou 'ia ma ka palapala 'āina ho'ohana 'āina no Kaua'i Hikina.

Nā Pōpilikia me ke Ola Mau 'Ana i Loko o ka Loli o ke Au ma Kaua'i Hikina

He mea loa'a wale ka pōpilikia iā Kaua'i Hikina, e like me ka kai/wai hālana, ke kai e'e, ka hāne'e o ke one, ka 'ino'ino a me ke kaiakahinali'i. E pānui aku ka 'ino o ia mau pōpilikia ma muli o ka loli 'ana o ke au me ka pi'i 'ana o ke kai, e ho'opilikia auane'i i nā kauhale me nā hana pili i ka pā'oihana kālepa a mahi'ai ho'i. Pēlā e kau nui ai ka mana'o i mau 'ano e wehe ai ia mau pilikia ma ka ho'okumu 'ana i kahi o nā kaiaulu, me ke 'ano ho'i o ke kūkulu 'ana.

He keu ho'i a ka weliweli ia 'ano pōpilikia ma ke kahakai ma waena o Wailua me Kapa'a no ka pa'apū o kauhale i laila. Maka'u pū paha nā kua'āina o Anahola me Moloa'a, no ka mea, 'a'ole ma uka loa, a ke waiho kokoke lā i ka muliawai.

Ua ana nui 'ia nā hemahema o Kaua'i ma ia 'ano ma ka palapala nāna i kaulona nui aku i ka loli 'ana o ke au me nā pōpilikia pili kai ma Po'ipū. Ua nānā nui 'ia ka pi'i 'ana o ke kai e like me nā mea ana o NOAA, he "kapu 'au". Loa'a nā

palapala 'āina o ke kai e'e no 1-kapua'i, 3-kapua'i, a 6-kapua'i ma Pāku'ina D. Ma mua o ka puka 'ana mai, ma ka wā paha e puka ai ka Papahan Kaiaulu Ho'ohou 'ia, e paipai nui 'ia ke ana a loilo'i 'ana i ka pōpilikia loa'a wale ma kahakai ma hope o ka loli 'ana o ke au, a e hana 'ia ka SLR me ka nānā nui loa 'ana i ka 'ōnaepuni ho'oko'iko'i, me nā 'ano wahi noho kama'āina, pā'oihana kālepa, a ho'okipa malihini ho'i ma ke alanui ma Kapa'a-Wailua, 'o ia ho'i, 'a'ole na'e i pau loa ma nā wahi e pili ana i nā 'auwai kikeki 'o Mō'īkeha me Waiakeha, nā wahi noho kama'āina ma uka kahi e ki'o ai ka wai o uka no ka pi'i ana o ka wai ma lalo o ka 'āina, me nā wahi e pili ana iā Wailua Kahawai.

'A'ole nui ka wai hālana ma kahakai ma ka 'ike i loa'ai ma ko NOAA mau 'ike SLR, a pēlā paha e lawa 'ole ai ia loilo'i 'ana no ka mea 'a'ole i ana 'ia ka hane'e o ke one me ka nalu pi'i i uka ma ia mau palapala hō'ike ma ka pi'i 'ana o ka moana a uhi i ka 'āina. E komo pū aku nā 'ike ho'olālā i loko o ia loilo'i a ana 'ana i ka pōpilikia me ka weliweli, i 'ike 'ia ai kēia mau 'ike o luna e noke 'ia nei i ka noi'i e nā mea 'imi 'ike ma ke Kulanui o Hawai'i a me nā mea 'imi 'ike 'ē a'e no ka palapala o ka Moku'āina no ke e'e 'ana o ke kai.

Ma nā palapala ana i ka ne'e 'ana o kahakai ma nā makahiki lō'īhi i hala akula, 'ike nui 'ia ka hane'e 'ana o ke one ma kahakai o Wailua-Kapa'a, a e mau ana nō paha ia hane'e one ma ka wā e pi'i ai ka SLR. He mea keu a ka weliweli ma ka Pāka Kahaki o Kapa'a, a pilikia auane'i nā ala paikikala, nā hōkele nui, me nā hale noho, a he keu ho'i ma kahi kokoke i ka pani kai 'o Pono Kai. He mea ahuwale ka hane'e one ma ka 'ao'ao 'ākau o ka paia, ke pilikai mau no ka pani kai.

Paipai 'ia ma ka Palapala Loilo'i Hemahema he papahana ho'oponopono kahakai a 'āina pili kai no Wailua/Kapa'a, no ka ho'oponopono 'ana i ke one me ka mālama a ho'oma'ema'e kahakai, i mau ala hou aku e maluhia ai 'o kahakai ma nā wahi noho kama'āina.

No Anahola me Moloa'a, no ka waiho wale 'ana o ia mau 'āina i kahi weliweli i ke kai e'e a wai hālana ho'i ma kahawai a muliawai, pēlā pū me ka hane'e mau o ke one, paipai 'ia ho'i ka loilo'i 'ana i nā hemahema kaiaulu me ka weliweli. E pilikia auane'i paha i ka hane'e one 'o Alanui 'Aliomanu ma ka 'ao'ao 'ākau o ka hana o Anahola. E mana'o nui 'ia ka loilo'i 'ana no ka weliweli ma laila me ka ho'olālā mau loa 'ana no ko laila ho'omalū 'ia a ho'one'e 'ia paha i kahi 'ē aku.

Kuhi pū 'ia ma ka Palapala Loilo'i Hemahema ka nui 'ana a'e paha o nā wahi kai e'e ma ko ke Ke'ena Pekelala Ho'oponopono Ulia Pōpilikia FEMA mau palapala 'āina no



Ka 'ike 'ana iā uka mai Anahola aku

ka 'inikua (FIRM), no ka mea ua pinepine a'ela nā manawa o ke kai e'e, a pi'i ka SLR, nui pū a'e ka weliweli. E ho'āmana ana nō paha ke Kalana i kekahi mau koina no ka ho'omalu 'ana i ke kai e'e a wai hālana ho'i i nele 'ole ai ko ka SLR mau pōpilikia i nui a'e ma mua a ma luna ho'i o nā wahi nona ke kai e'e me nā papa kumu o ka wai hālana i kuhi 'ia e ka FIRM. Na Mokuna 3, Pauku IX Actions e kuhi i ka pono ke ho'ohou 'ia ka papahana ho'olawe wai hālana no ke Kalana.

Ke Alaka'i 'ana i ka Ho'olālā Kaiaulu no Kaua'i Hikina

He 'ākahi'ākahi ka pahuhopu a me nā hana ho'okō, no ka mea, 'a'ole i nānā 'ia e ke kaiaulu me ia 'ano ka'ina hana no ka ho'olālā kaiaulu. He mau kumuhana wale nō no kekahi mau mahele hana wale nō, na ia mau kumuhana e waele i ke ala o mua aku ma ka ho'olālā kaiaulu 'ana.

I. PAHUHOPU: E lawa ko Kaua'i Hikina mau Nele i ka Lawa 'ole o Kauhale.

1. E 'ae 'ia ke kūkulu 'ana i mau kaiaulu e like me nā kā'e'i 'āina e kū nei, koe na'e kekahi mau wahi pilikia auane'i i ke kai e'e mai kēia mua aku a me nā pōpilikia 'ē a'e.
2. Ma nā kaiaulu hou, e hō'olia 'ia, 'a'ohe kauhale ho'ohana 'ia ma ka pae waena" no ka hapa nui o nā ke'ena noho, a 'a'ole pipi'i loa ma muli o ke 'ano i kūkulu 'ia ai.
3. E hana 'ia he mau kaiaulu hou, pa'apū ke 'ano, e hele wāwae 'ia, a pili aku ana iā Kapa'a Kaona.
4. E like ke ka'ina hana no ka ho'omāhuahua kauhale me ke ka'ina hana e kuhi 'ia ana ma nā papahana ho'oko'iko'i o ka ho'olālā 'ana ma ka Papahana Ho'oponopono i ka Halihali Kanaka no Kapa'a.

II. PAHUHOPU: E hō'olia 'ia ke kūpa'a o Kaua'i Hikina i loko nō o ka wā pōpilikia i ka loli o ke au me ke kai e'e.

1. E loioli piha 'ia nā weliweli me ka pōpilikia i ke kai e'e wale me nā pōpilikia pilikai 'ē a'e ma muli o ka loli 'ana o ke au ma Kaua'i Hikina i ka wā e loa'a mai ai nā 'ike no ia mau pilikia 'o ke kai e'e, ka hane'e one, me ka nalu uhi 'āina. E loioli pū 'ia ko Wailua-Kapa'a kahakai me nā 'āina kula e pili ana i ke kaona, nā 'auwai kimeki me nā kahakai, ka 'ōnaepuni ho'oko'iko'i, me nā pono lako noho kama'āina a pō'oihana kālepa ho'i. E loioli pū 'ia nā wahi nui o ka weliweli ma Anahola me Moloa'a. E kuhi 'ia ma ia mau loioli 'ana nā wahi ho'olālā keu a ka ho'oko'iko'i kahi e ho'olako nui 'ia ai nā kumuawaiwai me ka hana kūlia i ka ho'olālā kūpono loa, a kuhi 'ia i ke 'ano a me kahi e ho'āmana 'ia ai nā 'ōlelo ho'oholo 'ia, e like me ka ho'okipa 'ana, ka makuhā 'ana, me ka ho'omalu 'ana, a e paipai pū 'ia ka hiki ke ne'e a komo hale i kahi nui a'e o ka maluhia.

2. E 'imi 'ia ke alu like 'ana mai o ka Moku'āina, ke Kulanui o Hawai'i, ke Kalana, a me nā 'oihana pilikino e ho'omōhala ai i papahana ho'oponopono kahakai a 'āina pilikai no Wailua/Kapa'a, me ka mālama 'ana i ke one, ka ho'oma'ema'e a ho'ōla 'ana i kahakai, i mau ala hou aku e maluhia ai 'o kahakai ma nā wahi noho kama'āina.

III. PAHUHOPU: E ho'ohau'oli i ko Wailua ho'oiline waiwai.

A. E MALUHIA NĀ WAHI KŪMAKA HO'OHIA'AI ME NĀ WAHI PANA HO'OKO'IKO'I.

1. E helu hou 'ia ka nui o nā wahi pana.
2. E alu like i ka hana me Open Space Commission me Kaua'i Historic Preservation Commission.
3. E paipai 'ia ka ho'omāhuahua kauhale ma kahi mamao aku mai nā wahi kūmaka ho'ohia'ai me nā wahi pana.

B. E HO'ONA'AUAO I NĀ MALIHINI A ME KE KAIAULU NO KO WAILUA MAU MO'OLELO KAHIKO.

1. E pa'i 'ia he mau hō'ailona nāna e ho'ona'auao aku i nā mo'olelo o ka wā kahiko.
2. E ho'okumu 'ia he wahi Kikowaena Ho'oiline no Wailua, a he wahi ho'oka'a 'ike i ka malihini.

IV. PAHUHOPU: E ho'onui a'e i nā pilina o ka hele 'ana ma waena o Wailua i 'oi aku ka pilina o nā wahi hono kama'āina, nā hōkele nui, ka pā'oihana kālepa, me nā wahi ho'onanea lehulehu.

1. E waele a mālama 'ia ka nāhelehele ma nā Alanui Kuamo'o me Olorena no ka 'olu'olu o ka po'e hele wāwae a holo paikikala.
2. E waele 'ia he mau ala hou aku no ka hele wāwae a holo paikikala 'ana mai ko Wailua mau pā hale a hiki i Alanui Kuamo'o.
3. E waele 'ia he mau ala 'ololi paikikala ma nā Alanui Kuamo'o me Olorena.
4. E nui aku nā manawa e ka'apuni ai ke ka'a halihali 'ōhua o Wailua.
5. E kūkulu 'ia he mau wahi "ho'okū ka'a a holo" ma nā 'āina ho'opulapula o Wailua me ko Wailua mau pā hale.

V. PAHUHOPU: E ho'omakahehi i ke kaona pana o Kapa'a.

VII. PAHUHOPU: E nānā nui 'ia ka pa'a alanui.

A. E PAIPAI 'IA KA HO'OMĀHUAHUA KAUHALE MA LOKO O KA PIKO O KE KAONA, ME KA 'Ō'Ā O KA HO'OHANA 'IA O IA MAU WAHI.

1. E ho'ona'auao 'ia ke kaiaulu a me nā mea 'āina no nā wahi ho'olālā kūikawā.
2. E paipai 'ia nā mea hale e noho 'ole 'ia nei ka 'āina ma Kapa'a Kaona e kūkulu 'ia he mau hale ho'ohana 'ō'ā 'ia.
3. E ho'ohou 'ia mai ka Papahana Kaiaulu no Kaua'i Hikina, me ke komo pū mai ke Kānāwai ma ke 'ano e Pa'a ai no Kapa'a Kaona.
4. E ho'olako 'ia nā 'ano kauhale like 'ole 'a'ole pipi'i loa.
5. E ho'omōhala 'ia mai he hō'opia ho'okū ka'a no Kapa'a Kaona.

6. B. E MĀLAMA MAU 'IA KE KŪ I KA WĀ KAHIKO O KAPA'A KAONA.

1. E ho'ohou 'ia mai ka Papahana Kaiaulu no Kaua'i Hikina, me ke komo pū mai ke Kānāwai ma ke 'ano e Pa'a ai no Kapa'a Kaona.
2. E ho'oikaika 'ia nā kuhikuhi haku lau no nā hale me nā alanui.
3. E ho'ona'auao 'ia nā mea 'āina no nā ala e mālama mau 'ia ai nā mo'olelo pana kahiko.

VI. PAHUHOPU: E ho'opili hou 'ia ka hele 'ana i nā wahī ho'onanea lehulehu me nā wahī noho kama'āina ma nā Alanui Kukui/Olohenā.

A. E HO'OIKAIKA 'IA KA PILI AKU PILI MAI O KA HELE WĀWAE, KA HOLO PAIKIKALA, ME KE KAU KA'A HALIHALI 'ŌHUA.

1. E waele 'ia he mau ala hele wāwae ma Alanui Olohenā mai ke Kula Waena o Kapa'a a hiki i ke kaona.
2. E hō'opia 'ia ka maluhia i nā ala hele wāwae a holō paikikala nāna e ho'opili aku i nā pāka kahakai me ke kaona, a i nā wahī noho kama'āina ho'i.
3. E kāko'o 'ia e nā kaiulu hou nā pahuhopu o ke Kalana, a e ho'opili hou 'ia aku ka holō ka'a 'ana me ka hele wāwae 'ana i nā pāka, nā kula, me Kapa'a Kaona.

A. E HO'ONUI A'E I KA NUI E PIHA'Ū LOA AI KO WAILUA-KAPA'A ALANUI.

1. E ho'āmana 'ia nā papahana o ka Palapala Ho'oponopono i ka Halihali Kanaka no Kapa'a.
2. E mau ka hana pū 'ana me HDOT.

VIII. PAHUHOPU: E kāko'o 'ia ko DHHL Papahana Laulā Mokupuni me ko Anahola Papahana.

A. E HO'OIKAIKA 'IA KE ALU LIKE 'ANA I KA HANA O KE KALANA, DHHL, ME NĀ MEA KULEANA 'Ē A'E.

1. E hana pū me DHHL i hō'opia 'ia ai, ua kūpono ko Anahola Papahana me ka Papahana Kaiaulu o ia wahī.

2.4.6 KAUAI 'ĀKAU

Aia ko Kauai'i Hema Moku Ho'olalā mai ka hana o Moloa'a ma ka hikina a ka lae 'o Puanaiea ma ke komohana, kahi ho'i e waiho ala he 'ewalu mile ma Nāpali mai Hā'ena aku. 'O ko Kauai'i 'Ākau mau kaiaulu, 'o ia nō 'o Hā'ena, Wainiha, Hanalei, 'Ahini, Kalihiwai, Kīlauea, me Princeville. 'O nā wahī nui o ka heluna kānaka ma Kauai'i 'Ākau, 'o ia 'o Hanalei, Princeville, me Kīlauea.

No ka po'e o kēia mau kaiaulu, he mea waiwai ka nohona kua'āina me kona waiho 'ana i kahi ka'awale me nā nani o ka 'āina, a he kaiaulu ikaika o ka pili aku pili mai. 'Oiai 'oko'a iki kēlā me kēia kaiaulu i ka mana'o 'ana no ka ulu 'ana o kānaka me kauhale, ma ke 'ano laulā, 'oi aku ka hopohopo o ka mana'o o ko Kauai'i 'Ākau, me nā pilikia e loa'a auane'i i ka ho'onui i ka ho'okipa malihini. He mau wahi pana ko Kauai'i 'Ākau, 'o Kēē me ka 'uapo o Hanalei, he mau wahi kūpono ke 'ike 'ia e ka po'e malihini. He mana'o nō ko ia po'e no ka pilikia 'oi a'e o ka 'ino o Kauai'i 'Ākau no ka nui o ka po'e malihini e māka'ika'i i laila, a pau nā wahi ho'okū ka'a i nā malihini a nele auane'i kama'āina i kahi 'ole.

Hihi'o Mua Loa & Nā Mea e Ho'oko'iko'i ai no Kauai'i 'Ākau

He 'akahi'akahi ka hihi'o a me nā mea e ho'oko'iko'i ai, no ka mea, 'a'ole i nānā 'ia e ke kaiaulu me ia 'ano ka'ina hana no ka ho'olalā kaiaulu. He mau kumuhana wale nō no kekahī mau mahele hana wale nō, na ia mau kumuhana e waele i ke ala o mua aku ma ka ho'olalā kaiaulu 'ana.

Hanalei

He mau wahi loli 'u'uku wale nō ke mahu'i 'ia nei no Hanalei, he wahi i kuhi 'ia kona 'ano wahi he Kauhale. Kau nui ka mana'o o ke kaiaulu i ka mālama 'ana i ko Hanalei 'ano kū i ka wā kahiko me ka ho'oponopono 'ano i nā wahi hemahema. 'O ke kikowaena e kū nei, he wahi 'olu'olu, kāpae 'ia nā lula 'o'ole'a, he wahi hele wāwae wale 'ia. E mālama 'ia ia wahi ma ka piha 'ana mai o laila i nā hale/hale kū'ai hou ma ke kūkulu mālie 'ana, pēlā e 'ae 'ia ai nā hale e kūemi iho ma nā pae like 'ole i loa'a mai ai he mau wahi kiwikā, e like me kekahī mau noho e noho ai i waho o ka hale. I loko o ka 'ae 'ia o ka 'o'ole'a 'ole o nā lula ma ka'e alanui, aia nā kahua kū ka'a hou ma hope aku o nā hale kū'ai, pale 'ia ho'i nā kahua kū ka'a e ka nāhelehele a mea kanu, i 'olu'olu ai ka hele wāwae 'ana.

'O nā "Alanui Holo 'Oko'a" kekahī pahuhopu no kama'āina, 'o ia ho'i he alanui e lawa ai nā hemahema o ka hele wāwae, ka holo paikikala, ka halihali 'ōhua, me nā ka'a pilikino, me ka nānā nui i ka ho'onā i ka pa'a alanui ma ke Alaloa me ka hiki ke 'a'e alanui me ka palekana, ho'oko'iko'i 'ia na'e ka ho'onaninani 'ana i nā alanui i like me ko Hanalei 'ano kua'āina. Ma ka 'ao'ao hikina o ke kaona, makemake 'ia he ala a ala hele wāwae paha ma Alaloa Kūhiō i pili ai nā pā'oihana e kū nei me ke kaona. Kāko'o pū 'ia paha kekahī ala ma kai a'e o Alaloa Kūhiō, e moe kahi me ia ala ma uka, ho'ohana 'ō'a 'ia nō, nāna e ho'opili aku i nā 'ano kiwikā o ke kaiaulu ma waena o ka lālani ho'okahi o nā hale e kū nei me

HANALEI, KĪLAUEA, & PRINCEVILLE

Nā 'Ano Wahi:

Hanalei: Kauhale

Kīlauea: Kaona Li'ili'i

Princeville: 'A'ole i Kuhi 'ia

(Kauhale, a 'a'ohē 'ano wahi paha ke kuhi 'ia ana)

'Ano/Nā Pono:

- Kua'āina/Ho'oka'awale 'ia
- Kūpa'a/Mālama/Ikaika
- He 'Āina Nani/Uluwehi
- Pilikia/Ho'onāwaliwali 'ia

Ka Nui o ka Loli:

Hanalei: 'Ano Li'ili'i

Kīlauea: Aia nō ma nā 'āpanakahi

Princeville: Aia nō ma nā 'āpanakahi



nā 'āina mahikō e waiho nei.

He pilikia maoli ka pa'a alanui ma ke Alaloa a hele ana i ke kaona, pili ho'i kekahī pilikia no ka nui 'ino o nā malihini e māka'ika'i ana iā Hanalei me kona hiki 'ole ke ho'okipa i kēlā 'ano nui. No laila, he mea nui a ho'oko'iko'i ka 'imi noi'i 'ana ma nā 'ano 'ē a'e e lawa ai ka halihali 'ōhua no ka māka'ika'i 'ana i ia mau wahi i emi aku ai ka pa'a loa o ke alanui ma ka hola 'ino loa me nā meheu o ka po'e malihini e waiho ai i ia wahi. E mālama 'ia na'e ka mana'o no ka ma'alahi o ka hiki ke hele 'ia ia kaona, 'a'ole na'e ke kūkulu 'ana i mau wahi puka komo e hele māka'ika'i ai ka malihini. 'O kekahī 'ano kūpono paha ka ho'okumu 'ana i papahana kuapo paikikala

ma ke kikowaena o ke kaona i emi ai ka nui o nā ka'a holo i laila. E hana pū kēlā 'ano papahana me ka 'ōnaehana halihali 'ōhua kūloko me ka hiki ke kau ka'a 'ōhua e hele ai i nā wahi ho'okū ka'a a holo ma Kaua'i 'Ākau a me nā wahi 'e a'e ho'i ma Kaua'i, e hele māmā ai ka po'e malihini i nā wahi paha, 'o ia ho'i ka Hale Ipu Kukui o Kīlauea, Kē'ē, me Hā'ena Pāka me ka 'ole o ke kau aku i kahi ka'a pilikino. Ua wala'au 'ia ho'i ka ho'opili 'ana i nā ala pi'imauna (wehewehe 'ia ma ka Palapala Hō'ike i nā Ala Pi'imauna Hou no Kaua'i 'Ākau) ma waena o Hanalei me Princeville, he ala kēia e koho ai ka po'e hele wāwae a holo paikikala.

He hopohopo nui na kama'āina ka palena nui loa e lawa ai ka po'e malihini, makemake lākou e ho'olilo hou 'ia aku nā TVR i mau hale/kauhale no kama'āina me ka ho'opa'a 'ana i ko Hanalei heluna kānaka, he mea nō ia e emi ana. Ma ka ho'oliuliu 'ana i kama'āina no ka pōpilikia he makani pāhili a kai e'e paha, he mea nui ke kūkulu 'ana i mau hō'ailona ahuwale a 'ike wale 'ia no ka ho'ona'auao malihini pau 'ole. He mea ho'okikina loa 'ia ke emi 'ana o ka nui o nā TVR ma nā wahi weliweli loa i ke kai e'e no ka maluhia o kama'āina a malihini ho'i.

'O ka 'āina o Hanalei, he 'ano ku'ia wale paha, a no kona alaloa ho'okahi e komo ai, he mea kēlā e pono ai ka ho'olālā kūpono loa 'ana mai kēia mua aku. Ua ho'ēmi 'ia ka nui o ka palena o ke Kikowaena Kaona o hope a'e nei, ma mua, ua kāhela aku i ke komohana ma mua o ke kāhela 'ana o ke kikowaena pā'oihana kālepa e kū nei. Ua emi maila no ka ho'olawa 'ana i nā 'ano 'ō'ā e ho'ohana 'ia ai ma ka 'ao'ao hikina. 'Oiai 'a'ole mahu'i 'ia ka ho'onui 'ia 'ana o ke kikowaena, makemake nō na'e kama'āina e loa'a he mau pā'oihana kōkua i ko lākou kauhale/kaiaulu, ma waena ho'i o nā hale kū'ai e kū nei ma ia kikowaena.

Princeville

Ma ka ho'ololii li'lili'i 'ia e kāko'o 'ia ai 'o Princeville no ka ho'opili 'ana i nā 'āina e pili ana me ka mālama 'ana ho'i i ka hiki i kama'āina o ia wahi ke hele i nā wahi hakahaka, i ka

wā ho'okahi e ho'ohana 'ia nā 'ano ho'omāhuahua kauhale nāna e ho'opa'apū a ho'opili ho'i i nā 'āina me ke 'ano e ho'ohana 'ia ai mai kēia mua aku. Ua 'ōlelo kama'āina 'o ka hiki ke hele kino aku me ka ho'opili 'ia i nā 'āina e pili ana nā mea nui e pilikia ai nā 'āina ma uka a ma kai ho'i o Alaloa Kūhiō. Ua hāiki maoli iho nei nā ala e hele kino ai i kahakai ma muli o ke kūkulu 'ia 'ana o nā hale noho malihini ma kahakai. He mea ho'oko'iko'i loa kēia a ke kaiaulu e ho'oponopono a'e ai no ka hele 'ana i kahakai, me nā wahi hakahaka i ka wā e holo nei ka ho'omāhuahua kauhale. Eia ho'i, 'o nā ala komo no ka po'e hele wāwae a holo paikikala ho'i kahi mea e mālama a ho'okaika 'ia ai ma nā kaiyahale a pā 'āina ho'i o Princeville. A nui a'e 'o Princeville, he mea ho'oko'iko'i loa ka ho'opili 'ana i nā alanui, i ka wā ma waena o Phase I me Phase II, i 'olu'olu ai ka hele wāwae a holo paikikala 'ana ma Alaloa Kūhiō, 'a'ole no ka ho'opa'a pālua hou aku i ia alaloa.

'I'ina nui kama'āina e 'oi aku ke akamai ma nā 'ano ho'ohana 'āina a me nā pono ho'omāhuahua kauhale no Princeville a me nā 'āina kua'āina a mahi'ai ho'i e pili ana. Ua 'ike 'ia e ke kaiaulu nā hopena o ka 'āina mahi'ai i kuhi hapa 'ia he mahi'ai kona 'ano wahi, 'ai 'ia nō na'e ia 'ano wahi e nā hale pā 'āina ākea e uhi ana i nā 'āina mahi'ai waiwai e emi ai ko Kaua'i 'Ākau 'ano kua'āina kanaka 'ole. Akā, makemake 'ia nō na'e kēia mau 'ano "gentleman estate" ma mua o nā hale nu'u'o'a (ki'eki'e a lō'ihi loa) e noho pa'apū ana ma kahi ho'okahi. Makemake 'ia e kama'āina ke kūkulu 'ia 'ana o nā hōkele nui hou me ka 'u'uku i kū like ai i ke 'ano kua'āina e puni ana. He mea nui ka no'ono'o pono loa 'ana i kahi e waiho nei nā 'āina hiki ke kūkulu 'ia. I la'ana, ua laha ka mana'o o ke kaiaulu e kaupalena 'ia ke kūkulu kauhale 'ana ma uka o ke alaloa, a e ho'opa'apū 'ia nā kaiyahale a kauhale hou, me nā 'ano hale hou aku (he hale kula paha) ma kahi kokoke i nā piko o nā kaiaulu e kū nei.

'Onā hana ho'olālā no ke Kikowaena Hale Kū'ai o Princeville, no kēia mua aku, he mea paha kēlā e nui a'e ai ka pili aku pili mai ma nā 'ano like 'ole o ia wahi. 'O ia ho'i paha ka ho'okaika 'ana i nā ala hele wāwae e 'a'e ai a hiki ana i ke Kikowaena me nā wahi e pili ana, 'o ia ho'i ke kauhale noho 'a'ole pipi'i loa aia ma ke komohana. Ma nā pono lako no ka po'e hele wāwae, me nā mea lako i no'ono'o kūpono 'ia, pēlā e emi ai ka pa'a o ke alanui ma nā mahele kūmaka ho'ohia'ai o Alaloa Kūhiō, me nā ka'e alanui a wahi 'a'e alanui 'oi aku o ka maluhia ma kahi e kū ai a ki'ei iā Hanalei. Hiki ke komo aku kahi kahua halihali 'ōhua i loko o ka papahana ho'olālā no ko Princeville Kikowaena Hale Kū'ai, e loa'a ai ke ka'a halihali 'ōhua no nā hoa hele ma Kaua'i 'Ākau, e



Ke kai 'o Hanalei

loa'a pū kahi kahua ho'okū ka'a a holo. E kau nui ka mana'o ma ka ho'omāhuahua kauhale i hiki ke ho'ohana 'ō'ā 'ia.

Kīlauea

Ma waho o Līhu'e, 'o Kīlauea wale nō ke kaona nona kekahī papahana pili kūpono ana i ia wahi pono'i. Hō'ike mai ke kaiaulu i ka 'oia'i'o o nā 'ike i loko o ka Papahana Kīlauea Kaona (2006), a e komo nō ho'i ia mau 'ike ma ka ho'olālā 'ana mai kēia mua a'e. Hoihoi ka po'e kama'āina i ka ulu iki 'ana me ka mālie, me ka hiki ke ho'okipa 'ia aku nā malihini kipa mai no ka lā ho'okahi, pēlā e maika'i ai 'o Kīlauea no kēia 'ano ulu li'il'i 'ana me ka mālie. Ke kuhi 'ia nei kona 'ano wahi he Kaona Li'il'i. Kāko'o 'ia ma ka Papahana Kaona ke kūkulu 'ia 'ana o kekahī mau kauhale, 200-240 paha ke'ena noho ma nā 'āina i kūkulu 'ole 'ia ma ke komohana o ke kaona. He mea nui no ke kaiaulu 'a'ole e pipi'i loa nā kauhale e kūkulu 'ia a'e mai kēia mua aku. I hekau mai ai ka ho'omāhuahua kauhale mai kēia mua aku, e kūkulu 'ia he wahi kahua no ka ho'oponopono 'ana i ka wai pilau. Ma ka nui 'ana a'e o ke kaona e loa'a pū ai kahi e kūkulu ai i pāka a kula aupuni ho'i. Ma ke kūkulu 'ana mai i kahi kikowaena pā'oihana kālepa, e kūkulu 'ia nei i kēia manawa, e hiki ai i ka po'e kama'āina ke 'imi i nā hana lawelawe no lākou iho. Inā e ho'onui 'ia a'e ke kaona, e loihoi 'ia nā hemahema o kahi e kūkulu 'ia ai he kahua pā'oihana kālepa.

Ke pa'a aku nei nō 'o Alanui Kīlauea no ka nui o ka po'e malihini māka'ika'i i ka hale ipu kukui o Kīlauea, he wahi pana aupuni ia. Hemo kēia pilikia inā ho'onui 'ia ke kikowaena a hiki i ke komohana o Alanui Keneke, me ka waele 'ana i alanui hou e pili ai ke kikowaena iā Alaloa Kūhiō, i kuamo'o nō ia no nā kauhale hou e kūkulu 'ia, i like ai me ka papahana kaona. 'O nā ka'a holo ana i waena o ka hale ipu kukui me ke kikowaena, e holo nō ma ia alanui i emi ai ka pa'a alanui ma nā mahele noho kama'āina o Alanui Kīlauea. A ho'olō'ihi 'ia ke kikowaena a ke komohana, e loa'a auane'i he mau wahi ākea e ho'okū ka'a ai, ho'ohana pū 'ia me kahi ka'a 'ōhua e holo i ka hale ipu kukui me nā wahi 'ē a'e ma Kaua'i 'Ākau, i emi hou aku ai ka pa'a alanui ma muli o ka po'e malihini. Ua kau i ka maka o ke kaiaulu kēia 'ano hale, kahi o ka mea nona ia hale e noho ai a i laila nō 'o ia e lawe ai i kāna 'oihana, he 'ano hale maika'i nō paha ia no ia wahi. Kāko'o 'ia ia 'ano hale e nā ala hele wāwae a holo paikikala ho'i e ho'oikaika 'ia auane'i. Makemake kama'āina i ka maika'i o nā ala hele wāwae, nā ala ho'opili i ke kikowaena mahi'ai, me ka hiki ke kau aku i ke ka'a 'ōhua a māka'ika'i ma Kaua'i 'Ākau a ma waena ho'i o nā moku like 'ole. He mea nui ka ho'oikaika 'ana i nā ala e hiki ai i kahakai ma ke kikowaena aku, me ka loa'a pū o kekahī mau 'āina kāpili ke 'ano wahi ma Kīlauea i loa'a ai ka wahi kūloko no ka ho'olako 'ana i ia 'ano mea.

Nānā nui 'ia ka pilina o Kīlauea iā Alaloa Kūhiō no nā loli e hiki mai ana i 'oi a'e ai ka palekana o ka hiki 'ana me ka 'ike ahuwale 'ia o ke kaiaulu. 'O kekahī 'ano e hemo ai ka hihia, he mau ala ka'apuni i loa'a ai ka māhiehie i nā puka komo, ka mālie o ke ka'a ma ke kā'alo 'ana iā Kīlauea, a i loa'a ai ho'i he mau huina alanui 'oi aku o ka maluhia. I ka wā e hiki ana, hiki ke wale 'ia nā ala ka'apuni ma ke alanui 'a'e iā Alanui Keneke e

pili aku ai i ka alaloa ma kahi a'e o Kaua'i Mini Golf ma Alanui Kolo, he wahi puka komo nui no ke kaiaulu, a ma Alanui Ho'oku'i kekahī, ma kahi kokoke i wahi 'u'uku nona he mau pā'oihana kālepa. 'O nā mana'o a pau no ka ho'omāhuahua kauhale, pālua 'ia nō me nā mana'o hopohopo e kū nei no ka loa'a o ka wai me ka paipu lawe wai pilau. Ua hō'ike mai ke kaiaulu i kona hoihoi e nānā i nā 'ano hou loa e hemo ai nā hemahema i ka 'auwai ho'okahe wai pilau, me ka paipai 'ana i ulu 'ana o nā kapu nui loa kahi e mālama 'ia ai ka wai ua.

E like me ke koena o Kaua'i 'Ākau, kaulike 'ia nā makemake o ko Kīlauea no ka ulu 'ana a'e o kauhale i ka ulu 'ana o kahi kikowaena e pau ai nā hemahema o ke kauhale, me ka hopohopo nui i ka mālama loa 'ia aku o ka 'āina e waiho nei, he 'āina momona, ma muli ho'i o ka hao 'ana o ka po'e malihini ma ia wahi. Makemake like ke kaiaulu e ho'olālā 'ia ha papahana no kahi ka'a 'ōhua no Kaua'i 'Ākau i emi ai ka pa'a o ke alaloa i nā ka'a, mali'a ho'i o kūkulu 'ia he kahua ho'okū ka'a a holo ma ka wā o ka nui 'ana a'e o ke kikowaena hou, a i 'ole aia paha ma ka pā 'āina iā Kaua'i Mini Golf.

Nā Loli o ka Palapala 'Āina Ho'ohana 'Āina no Kaua'i 'Ākau

Nā Kikowaena Kauhale & Nā Ala Hele Wāwae

Ma Hanalei, ua ho'ēmi 'ia ka nui o ke Kikowaena Kauhale mai ka nui i kuhi 'ia ma ka Papahana Laulā Kikowaena Kaona (2000) ma kona palena komohana. 'O kona palena e kū nei i kēia manawa, aia ma ka 'ao'ao komohana o ka hale leka, i like ai ka nui o ka ho'ohana 'ō'ā 'ia 'ana o kahi ma Hanalei. He aka 'oi aku o ka maika'i ke Kikowaena Kauhale hou no ka makemake o ke kaiaulu me kona kūpa'a i ke kaupalena 'ana i ka ulu 'ana o kauhale mai kēia mua aku, me kona makemake ho'i e mālama 'ia nā 'āina pana kū i nā mo'olelo kahiko ma ke alaloa ma ke komohana o ke Kikowaena Kauhale.

Mālama nui 'ia kahi a me ka nui o ka palena o Kīlauea e like me ka mea i kuhi 'ia ma ka Papahana Laulā Kikowaena Kaona o ka makahiki 2000, 'o ia ke Kikowaena Kauhale hou, me ka ho'ololi iki 'ana i nā lihi 'ākau a lihi komohana ho'i. Ua ho'ohemo 'ia ke kauhale noho kama'āina e kū nei ma kai o ke kikowaena i ho'okumu 'ia ai ka palena 'ākau. Ua ho'ololi 'ia i kū 'o ia i ke wahi maoli e waiho ai ke kikowaena e like me kahi i kuhi 'ia e waele 'ia ana he alanui hou nānā e 'a'e a Hale i ke komohana. Na ka hohonu o ka mahele komohana e helu koho aku i ke ākea o kahi e lawa ai he mau pā 'āina hou ho'ohana 'ō'ā 'ia ana, nona he kahua ho'okū ka'a.

Ua kuhi 'ia he Kikowaena Kauhale ma Princeville ma kahi e kū nei ke Kikowaena Hale Kū'ai o Princeville me nā pā 'āina e pili ana ma waena o ka Hale Mahikō o Hanalei me Alanui Haku. 'O ia ho'i ka hale kinaiahī, ke kaiaulu kauhale 'a'ole pipi'i loa, me nā 'āina hakahaka i ka 'ao'ao komohana o ke kikowaena kū'ai hele me ka hale panakō, ka hale waihona puke, me ka 'āina hakahaka ma uka o Alanui Emmalani ma ke komohana. 'Ike 'ia e ke kuhi 'ia 'ana o ke 'ano wahi he Kikowaena Kauhale, 'oiai he wahi kū'oko'a a pilikino i ho'olālā kūpono 'ia kona ho'omāhuahua kauhale 'ana, e

ho'ohana 'ō'a 'ia nō na'e ke kikowaena kū'ai hele, me he mea lā he Kikowaena Kauhale nō ia. No ke 'ano e ho'ohana 'ia nei ma kai o ke alaloa, a no ke 'ano o ka 'āina ma uka he kāpekepeke, 'a'ole paha he mea hiki ka waele 'ana i mau ala hele wāwae i loa'a mai ai he wahi ākea e ho'omāhuahua kauhale ai, no laila, ua mālama 'ia nā kuhi 'ia 'ano o ke 'ano waho no nā wahi e pili ana.

Nā Loli 'ē a'e no ka Ho'ohana 'Āina

Ua ho'ololi 'ia ke kuhi 'ia 'ana o hope a'e nei no ke kahua mokulele o Princeville, he Kaiaulu Noho Kama'āina ma mua ua lilo na'e i Halihali Kanaka. Ua hemo ka wahi o ke Kaialu Noho Kama'āina ma uka o ia kahua mokulele, a ho'olilo 'ia i Mahi'ai. O ke kuhi 'ia he Hōkele Nui ke 'ano wahi ma kai o Prince Golf Club, ua hemo no ka makemake o ke kaiaulu, 'a'ole e nui a'e nā palena o ko Princeville Wahi Kipa a ka Malihini.

Nā Pōpilikia me ke Ola Mau 'Ana i Loko o ka Loli o ke Au ma Kua'i 'Ākau

The North Shore district is vulnerable to natural hazards, including marine and terrestrial flooding, wave inundation, erosion, storms, and tsunamis. All of these hazards are expected to be exacerbated by climate change and sea level rise, threatening residential, commercial, and agricultural activities. This calls for a need to employ resiliency strategies in community siting, design, and relocation. The communities of Kalihiwai, 'Anini, Hanalei, Wainiha, and Hā'ena are particularly vulnerable to coastal hazards, particularly flooding from high waves, flash flooding, and tsunamis.

He mea loa'a wale ka pōpilikia iā Kaua'i Hema, e like me ka kai/wai hālana, ke kai e'e, ka hāne'e o ke one, ka 'ino'ino a me ke kaiakahinali'i. E pānui aku ka 'ino o ia mau pōpilikia ma muli o ka loli 'ana o ke au me ka pi'i 'ana o ke kai, e ho'opilikia auane'i i nā kauhale me nā hana pili i ka pā'oihana kālepa a mahi'ai ho'i. Pēlā e kau nui ai ka mana'o i mau 'ano e wehe ai ia mau pilikia ma ka ho'okumu 'ana i kahi o nā kaiaulu, me ke 'ano ho'i o ke kūkulu 'ana. Keu ho'i ka weliweli i ia 'ano pōpilikia 'o ke kai e'e, wai hālana i nalu nui uhi i ka 'āina, ka ua ki'o i ka 'āina, me ke kaiakahinali'i, aia ma nā kaiaulu 'o Kalihiwai, 'Anini, Hanalei, Wainiha, me Hā'ena.

Ua ana nui 'ia nā hemahema o Kaua'i ma ia 'ano ma ka palapala nāna i kaulona nui aku i ka loli 'ana o ke au me nā pōpilikia pili kai ma Po'ipū. Ua nānā nui 'ia ka pi'i 'ana o ke kai e like me nā mea ana o NOAA, he "kapu 'au". Loa'a nā palapala 'āina o ke kai e'e no 1-kapua'i, 3-kapua'i, a 6-kapua'i ma Pāku'ina D. Hō'ike 'ia ma nā palapala 'āina i ka weliweli loa o ka wai hālana ma muli o ka waiho ha'aha'a 'ana ma waena o nā kahawai o Hanalei me Wai'oli. Mali'a paha e lawa 'ole ai ia loiilo 'ana i nā pilikia SLR no ka mea 'a'ole i ana 'ia ka hane'e o ke one me ka nalu pi'i i uka ma ia mau palapala hō'ike ma ka pi'i 'ana o ka moana a uhi i ka 'āina. Ke nānā nui 'ia aku nei ia pilikia i ka noi'i o nā mea 'imi 'ike ma ke Kulanui o Hawai'i a me nā mea 'imi 'ike 'ē a'e, a mahu'i 'ia ka puka 'ana mai o ia mau 'ike ho'olālā ma loko o

nā makahiki e hiki mai nei.

No ka pinepine o ke kai e'e, ka nalu uhi 'āina, me nā pōpilikia 'ē a'e ma Kaua'i 'Ākau, paipai 'ia ka loiilo 'ana e like me ka nui o ke kaiaulu i ka weliweli me ka ku'ia a ku'ia 'ole paha, me ke komo pū 'ana mai o nā 'ike SLR no ka loli 'ana o ke au i ka wā e loa'a ai ia mau 'ike. E nānā nui loa 'ia nā wahi noho kama'āina, pā'oihana kālepa, me nā wahi ho'okipa malihini, a me ka 'ōnaepuni ho'oko'iko'i ho'i e like me nā alanui me nā 'uapo me nā 'āina mahi'ai. E hana 'ia ia loiilo 'ana ma mua/ma ka wā ho'okahi e ho'ohou 'ia ai ka Papahana Kaiaulu.

Na ka Palapala Loiloil Hemahema e paipai aku, e ho'āmana paha ke Kalana i nā koina no ka ho'oponopono 'ana i ka wai hālana e like me ka mea i mahu'i 'ia no ka SLR, a kūlia aku nō ma mua a ma waho o nā wahi e e'e ai ke kai, nā wahi kuhi 'ia e FEMA FIRM me nā wahi ha'aha'a e hālana ai ka wai (BFEs). Kuhi 'ia e nā hana ho'omalu i ka lehulehu me ka ho'omau i ka noho 'ana i loko nō o ia 'ano pōpilikia ka pono ke ho'ohou 'ia mai ka papahana wai hālana no ke Kalana.

'O ka mea hope, paipai 'ia e ka Palapala Loiloil Hemahema e pāpā 'ia ke kūkulu kaiahale 'ana ma nā 'āina kahakai i kaupalena 'ia ai ke ku'ia i ka pōpilikia pili kai, me ka pāpā pū 'ia o ka pale 'ana iā kahakai i mālama pono 'ia ai nā kaiaola kai.

'Oiai 'a'ole i loiilo 'ia nā hemahema no Kalihiwai me 'Anini, he mea loa'a wale nā 'ike SLR no ke kālailai a nānā pono 'ana, a hiki ke kuhi 'ia kekahi mau ka'ina hana a mana'o paipai i like kona 'ano no nā kaiaulu ha'aha'a.

Nā Manawa Kūpono e Ho'oponopono 'a ai Nā Kulekele

'O ke komo pū 'ana mai o ka Halihali 'Ōhua: 'O ke komo mai o nā kahua ho'okū ka'a me nā pono lako halihali 'ōhua kahi mea i wala'ai mau 'ia ma nā kaiaulu o Kaua'i 'Ākau. Ua nānā 'ia e po'e i komo i ka wala'au nā ala e ahu a'e ai nā kahua ho'okū ka'a noa i ka lehulehu me nā wahi e kū ai ke ka'a lawe 'ōhua ma nā kikowaena kaona, pēlā e loa'a ai ka "ho'okū ka'a ho'okahi manawa" e kau ai ka malihini i ke ka'a 'ōhua no ka holo 'ana i ka Hale Ipukukui o Kilauea me Hā'ena Pāka Moku'āina, no ka pahuhopu 'o ke emi 'ana o ka pa'a alanui ma muli o ka po'e malihini ma Alaloa Kūhiō me nā kahua ho'okū ka'a ma nā wahi kipa malihini e kū nei.

He 'akahi'akahi nā Pahuhopu, nā Kulekele, me nā Hana Ho'okō, i loa'a maila mai nā mana'o i hō'ike 'ia ma ka hālāwai ho'ona'auao no nā kaiaulu o Kaua'i 'Ākau i mālama 'ia i Nowemapa i ka makahiki 2015. E noi'i a ana hou 'ia aku ia mau mana'o me ka hō'ike pū 'ia mai o nā mana'o kaiaulu ma ka wā o ka ho'olālā kaiaulu.

Ke Alaka'i 'ana no ka Ho'olālā Kaiaulu no Kaua'i 'Ākau

He 'ākahi'ākahi ka pahuhopu a me nā hana ho'okō, na ia mau kumuhana e waele i ke ala o mua aku ma ka ho'olālā kaiaulu 'ana.

I. PAHUHOPU: E ola mau nō ko Kaua'i 'Ākau i loko nō o ka wā pōpilikia pili e ka loli o ke au me ke kai e'e

1. E loiilo 'ia ka weliweli me ke ku'ia a ku'ia 'ole paha o Hanalei me ko Kaua'i 'Ākau mau kaiaulu 'ē a'e i nā pōpilikia pilikai me nā SLR i ka wā e puka mai ai nā 'ike no ka pi'i 'ana o ke kai, ka wikiwiki e hane'e ai ke one, me ka 'ike no ka nalu uhi 'āina. E loiilo 'ia nā wahi i kūkulu 'ia o Hanalei, me ka nānā nui 'ana i nā wahi pili kahawai, pili kahakai, me ka 'ōnaepuni ho'oko'iko'i (nā alanui me nā 'uapo), me nā wahi noho kama'āina, ho'okipa malihini, a pā'oihana kālepa ho'i. E loiilo pū 'ia i nā wahi weliweli 'o Wainiha, Hā'ena, Kalihiwai, me 'Anini. Na ia loiilo 'ana e kuhi aku i nā wahi kūpono loa i ka ho'olālā 'ia 'ana kahi e ho'āhu ai i nā kumuawaiwai a me nā hana ho'olālā, a kuhi 'ia i ke 'ano a me kahi e ho'āmana 'ia ai nā 'olelo ho'oholo 'ia, e like me ka ho'okipa 'ana, ka makuha 'ana, me ka ho'omalu 'ana, a e paipai pū 'ia ka hiki ke ne'e a komo hale i kahi nui a'e o ka maluhia.

II. PAHUHOPU: E mālama a e ho'okumu hou 'ia ko Hanalei 'ano kū i nā mo'olelo kahiko ma ke 'ano wahi pana.

A. E MANA KEKAHI MAU LULA HAKU LAU NO KA HO'OMĀHUAHUA KAUHALE HOU, I LIKA AI IA ME KO KE KAUHALE 'ANO KŪ I KA WĀ KAHIKO.

1. E koi 'ia ka ho'okahua i nā kahua ho'okū ka'a aia ma ke kua o nā hale.
2. E 'ae mālie 'ia ke kūkulu hale 'ana ma ka'e alanui i lawa ai no ka po'e hele wāwae a 'ākoakoa paha ma ia wahi.

B. E PAIPAI 'IA NĀ ALANUI HOLO'OKO'A NĀNA E KAULIKE I NĀ HEMAHEMA O KA PO'E HELE WĀWAE, HOLO PAIKIKALA, LAWE KA'A 'ŌHUA, ME KA HOLOHOLO KA'A, 'OIAI IA E MĀLAMA ANA I KO HANALEII 'ANO KUA'ĀINA.

1. E waele 'ia ke ala a ala hele wāwae paha ma ka 'ao'ao hikina o ke kaona e pili ai i nā pā'oihana e kū nei ma Alaloa Kūhiō.
2. E mana'o 'ia he ala ho'ohana 'ōā 'ia ma uka o Alaloa Kūhiō i loa'a ai he ala moe like no ka po'e hele wāwae a

holo paikikala.

3. E kāko'o 'ia kahi ka'a lawe 'ōhua no Kaua'i 'Ākau a ho'okumu 'ia he kahua ho'okū ka'a a holo me kahi e kū ai ia ka'a 'ōhua i Hanalei.
4. E hana 'ia he mau mea e mālie ai ka holo o ke ka'a, i palekana ka 'a'e alanui o ka po'e hele wāwae.
5. E mana'o nui 'ia he papahana kuapo paikikala no Hanalei i emi ai ke kau 'ana i ke ka'a.

C. E MĀLAMA 'A KO HANALEI MAU WAIWAI HO'OILINA LAHA 'OLE. E MĀLAMA 'IA KONA 'ANO A ME NĀ LO'I KALO O HANALEI.

1. E mālama 'ia ke 'ano me ka hanohano o ko Hanalei alaloa me ona mau 'uapo.
2. E mālama 'ia ko Hanalei mau lo'i kalo a mau loa aku.

D. E HO'OKŪPA'A I KE KAIAULU MA O KA HO'ONA'AUAO ME KA HO'ĀO I KA MANA'O.

1. E ho'ona'auao 'ia nā malihini no ka weliweli o ke kaiakahinali'i me nā pōpilikia 'ē a'e, e me ka hiki ke noho me mākaukau.

III. PAHUHOPU: E ho'onui i nā pilina aku me ka hiki ke hele kino aku i nā wahi hakahaka ma Princeville.

A. E MANA NĀ 'ANO E HO'OHANA 'IA AI KA 'ĀINA I 'OI AKU O KA PIHA ME KA PILI AKU NO KA HO'OMĀHUAHUA KAUHALE MAI KĒIA MUA AKU E MĀLAMA 'IA AI KA HIKI KE IHO I KAHAKAI ME KA HELE I NĀ WAHI HAKAHAKA.

1. E koi 'ia ka loa'a o ke kānāwai no nā alanui maika'i me nā 'ano like 'ole e pili ai ma Phase I me Phase II no Princeville.
2. E kūkulu 'ia he mau hōkele nui hou ma ka nui kūpono i like me ka nui o nā wahi e puni ana.
3. E kaupalena 'ia ka ho'omāhahua kauhale ma uka o ke alaloa, i pa'apū ai nā kaiahale/kauhale hou ma kahi kokoke i nā kauhale e kū nei.
4. E paipai 'ia ka hana hou 'ia 'ana o ko Princeville Kikowaena Hale Kū'ai i mā'alahi ai ka hele 'ia me ka pili aku. E waele 'ia paha nā ala 'a'e ma nā wahi e puni ana, nā mea e nā iho ai ka holo o ke ka'a ma ke alo o ia wahi, me nā pono lako halihali kanaka.

- E kāko'o 'ia he ka'a 'ōhua no Kaua'i 'Ākau a e loa'a he kahua ho'okū ka'a a holo me kahi e kū ai ke ka'a 'ōhua ma ko Princeville Kikowaena Hale Kū'ai.

IV. PAHUHOPU: E ho'olako no ka ulu iki 'ana o Kīlauea Kaona me ka ho'oponopono 'ana i nā hemahema o kama'āina.

A. E HO'ONUI 'IA KE KIKOWAENA KAONA I HO'OLAKO AI I NĀ HEMAHEMA O KAMA'ĀINA.

- E loa'a he wahi lawa o ka nui he pā'oihana kālepa kona 'ano no ka ho'ohana 'ia 'ana e ke kauhale.
- E ho'olako 'ia he mau kauhale noho ma nā wahi i kuhi 'ia he Kauhale Laulā e Kikowaena Kauhale ho'i. E ho'oko'iko'i 'ia nā hana ho'oponopono wai paipu me ka 'auwai lawe wai pilau i mea e hekau ai ia hana. Me ka hana pū me nā 'oihana aupuni a kū'oko'a ho'i, e kūkulu 'ia he 'ōnaehana ho'oponopono wai pilau e lawa ai nā wahi pā'oihana kālepa, kāpili, a pā hale noho kama'āina, me ke hana hou 'ana i nā luawai o nā mea 'ino e mālama ai i ka 'āina.
- E hana 'ia he ala hou e pili ai ke Kikowaena Kaona iā Alaloa Kūhiō. Ma ia ala e hele ai ka po'e malihini i ka hale ipukukui, a he wahi 'ipuka komo no Kīlauea, a he iwikuamo'o no nā kauhale hou e kūkulu 'ia auane'i.
- E kāko'o 'ia nā papahana ho'ōla hou a ke kaiaulu e noke ai..
- E mau ka hana pū 'ana me ka U.S. Fish and Wildlife Service no ka nele a nele 'ole paha i ka ho'ēmi 'ana i ka nui o ke ka'a ma Kīlauea Kaona a me ka Pu'uhonua ma ka ho'okumu 'ana i mau kahua ho'okū ka'a no ka malihini a me kahi ka'a 'ōhua.
- E komo pū nā hale e hiki ai ke noho a hana ma kahi ho'okahi ma ke Kikowaena Kaona.
- E komo pū aku nā 'āina he Kāpili kona 'ano wahi i loko o ke Kikowaena Kaona hou i loa'a ai he mau pā'oihana ho'olako.
- E 'imi a loa'a he 'āina no ka ho'onui 'ana i ke kahua pā'ani Kalana o Kīlauea.

B. E HO'OMA'ALAHI I KA HELE WĀWAE 'ANA A E HO'OPILI HOU 'IA AKU NO NĀ 'ANO LIKE 'OLE E HO'OHANA 'Ō'Ā 'IA AI.

- E ho'oikaika 'ia nā ala hele wāwae, ala li'i a ala pi'i mauna ma waena o ke Kikowaena Kaona, kikowaena mahi'ai, me nā kahakai.
- E hō'opia i ka hiki ke hō'ea palekana aku, e a ho'āhuwale 'ia ma Alaloa Kūhiō, me ka waele 'ana i ala ka'apuni me nā mea 'ē a'e e mālie iho ai ka holo o ke ka'a.
- E kāko'o 'ia he ka'a 'ōhua no Kaua'i 'Ākau a e loa'a he kahua ho'okū ka'a a holo me nā wahi e kū ai ke ka'a 'ōhua no Kīlauea Kaona.
- E hiki ke loa'a he wahi "ho'okū ka'a ho'okahi nō manawa a holo" ma ke kikowaena kaona ma ka loa'a pū mai o nā kahua ho'okū ka'a me ka halihali 'ōhua.



Ka Lā Kū'oko'a o 'Amelika ma ke Kula Pā'ani 'o Vidinha, Ko Līhu'e Moku (Pa'i ki'i 'ia e Larry Loos, ma o Creative Commons)

**Ma ka ho'olilo 'ana i ke kā'ei 'āina ma ke 'ano kū i ka wahi pono'ī e hiki ai i nā kaiaulu
ke hana a ho'olālā i nā 'ano like 'ole o nā hale e kūkulu ho'opiha 'ia ana.**